


西醫略論

No. 1.



西  
器  
因  
細  
合





could not get leave. Now I hear you  
have it and a wild hope of being able  
to tempt me to some sort of exchange  
has hold of me. If there, I ask  
you, any sense at all in this?  
If there is I will bombard you  
with propositions. I have a no. of  
interesting books in my shelves.  
But perhaps you love Vaughan  
as much as I do!

My wife joins me in sending  
kind greetings to Lady Osler  
and yourself

Yours very truly  
Everard Meynell

22 Sept 1918

OR.17

#7776898



江蘇上海仁濟醫館藏板

論



22 Blomfield Road  
Maida Vale.  
London W 9

Dear Sir William

These two books came in the  
other day with a lot more. The  
others interested me, & then do  
not; but they may by good luck.

be curious and even scarce as  
early <sup>Chinese</sup> essays in surgical literature.

I hope I am not shooting rubbish in  
at your kind doors. In any case  
do not trouble to acknowledge them.

But there is a point on which I would  
like to hear from you if there is any  
sense in the suggestion. Some  
months ago you bought a copy  
of Henry Vaughan's *Silex Scintillans*  
— a copy I had hunted long before  
it reached the auction room. I  
meant to try for it at Sotheby's, but

OR. 17

#7776898



咸豐七年新鐫


西醫各論

江蘇上海仁濟醫館藏板
















序

余著全體新論未及審證治療之法欲續  
著一書以完素志比歲在粵東專司醫局  
未遑著述今年游上海旅館多暇適江甯  
管茂材談論醫學因相與商確共成此書  
夫人身臟腑骨肉血脈中西所同乃有西  
國熟知之理習用之法中土無聞焉豈非



憾事是書採輯西國醫書不一種皆余在  
中土親試屢效理取真實詞務淺顯說所  
不能盡者助之以圖凡為論數十為圖四  
百餘欲令讀者展卷會心蓋殫精敝神歷  
數月而始歲事名曰西醫略論紀實也往  
歲粵東制府封君葉公取全體新論圖分  
列八幅刊於兩廣督署並翻刻全書廣為



傳布蓋中土士大夫皆知為有用之書今更以此書相輔而行似於醫理不無裨益惟我西醫遠涉重洋於五港設立醫局專為華人送診送藥聯中西之好余著書亦本此意非有名利之見讀者疑信則非余所計矣刊既成序其緣起如此

咸豐七年歲在丁巳秋九月合信氏識於



上海仁濟醫館

序

目錄

二



西醫略論例言

一是書詳於外証、略於內証者、因外証較易形容、華人細玩圖說、即可仿照施治、余著書之意、務欲見諸實用、讀者諒之、

一是書所列病証、皆中土所習見、而稱名或與中土不同、因閱中土醫書、有名實不符者、如睛珠變質、誤稱綠水、灌瞳神之類、有雖有其名、實無其病者、如淋証則妄稱氣淋、眼証則妄稱五輪入廓之類、有誤以証狀爲病名者、如熱有炎証之熱、有熱証之熱、中土概稱爲熱、則混淆無別、不得不爲改正、

一分卷之意、上卷總論病証、中卷分論各部位病証、下卷專論方藥、惟骨証一篇、係總論、應入上卷、今入中卷者、欲與交節折

骨等篇接續便於觀覽也

一骨節等項名稱皆本全體新論不欲歧異讀者須合二書參觀之

一全體新論粵東多有翻刻者葉遂翁封君所刻最精可知中士士大夫畱心醫學者頗不乏人此書倘有好事者翻刻一切圖式務選良工雕鏤以免貽誤爲幸

一後附鋸割手足等圖係西國習用之法不得不載恐中醫一時未能仿行姑不詳論

一西國病証藥品中土向無名稱者今悉用官音譯出官音與各處土音間有不同不用土音而用官音欲讀者易於通曉也



西醫略論目錄

卷上

醫學總論

中西醫學論

審証論

藥物論  
補藥 減血之藥 藥 雜藥 外治之藥 斂

食物論

致病有由論

炎証論

膿瘡論  
新膿瘡 舊膿瘡 毒膿瘡 大膿瘡

潰瘡論

易治瘡 痛瘡 弱瘡  
透穴瘡 惡毒瘡

死肉証論

湯火傷論

外傷論

刀傷 打傷  
鎗礮傷 咬傷

脈管跳血囊論

瘤論

胃瘤 肉瘤 脂瘤  
袋瘤 血瘤 筋瘤

癰疽論

熱証論

癰論

童子  
癰証



骨証論軟曲骨証 骨

交節証交節胞膜炎証 髌骨証 髌曰証

折斷骨總論

諸骨折斷論鼻梁骨 下牙牀骨 鎖柱骨 飯匙骨 上臂骨 下臂骨 腕骨 掌骨 指骨

脇骨 胷骨 左右膀骨 尾骶骨 肱骨 大腿骨中段 杵頸 大腿骨中段 膝蓋骨 指骨交節 大臂飯匙骨交

脫骨論下牙牀骨交節 鎖柱骨交節 大臂飯匙骨交 指骨交節 大臂骨交節 髌

肱交節 足掌骨 趾骨 足交 膝蓋 足交

頭腦傷論頭皮 頭骨 頭骨斷壓腦 腦包腦體 腦體震撞 腦骨斷壓 中風証 癱瘓

腦部災証論童子腦炎 緩炎証

脊髓病論

眼証論

單睛皮炎証

淚炎

虛炎

膿炎

努肉

扳睛

角單生瘡

明角單病証

明角單昏

明角單變凸

明角單變質

明角單變質不

明

大房質色變

發青光

作假瞳人法

睛珠變質

睛珠變質不

睛珠變質不

眼胞內炎証

瞼毛倒插

瞼毛外翻

瞼毛外翻

瞼毛外翻

瞼毛外翻

蓋墜下

小兒初生目不開

左右入淚管病

左右入淚管病

左右入淚管病

左右入淚管病

左右入淚管病

耳鼻口舌等証

唇生肉瘤

小兒乳牙亂牙

小兒乳牙亂牙

小兒乳牙亂牙

小兒乳牙亂牙

小兒乳牙亂牙

下軟瘡

舌癰

小兒舌不能伸

小兒舌不能伸

小兒舌不能伸

小兒舌不能伸

小兒舌不能伸

舌生爛瘡

牙肉病

牙肉病

牙肉病

牙肉病

牙肉病

牙肉病

胸部外傷

心經受傷

心經受傷

心經受傷

心經受傷

心經受傷

心經受傷

肚腹外傷

胃傷

肝傷

膽囊傷

脾傷

腎傷

腎傷

乳証

乳頭腫硬

乳生

乳生

乳生

乳生

乳生

乳生

小腸疝証

肛門証

小兒初生無肛門

痔瘡

脫肛

內痔

直腸血出

直腸癰

直腸癰

肛門外生膿瘡

脫肛

內痔

直腸血出

直腸癰

直腸癰



溺器証膀胱炎証  
溺管生大膀胱外露  
遺溺膀胱蒂病  
溺管變窄腎

小兒陽莖外皮孔窄

溺血無溺  
淋証

腎囊証外腎炎証  
外腎痛外腎變小  
腎囊水疝

急救証治救縊死  
救餓死救溺死  
頭昏失魂癩証  
救凍

救虫入耳救豆入鼻  
小兒誤吞錢鈕等物救中炭氣  
食物哽喉針入肉  
血標流火傷救服鴉片毒

戒鴉片煙癮論

卷下

膏藥門

丸藥門

藥散門

藥水門

藥酒門

藥油門





西醫略論卷上

英國醫士合信氏著

江甯管茂材同撰

醫學總論

人身百體功用甚多、學醫之士、首宜推論、中國惟京師設太醫院衙門、其各省府廳州縣、雖有醫學名目、多係具文、醫書汗牛充棟、半屬耳聞臆斷、未可依據、余曾考究人身體用、著有全體新論一卷、未及方藥治法、茲特增作一書、略論審証施治之法、乃選泰西各國醫學、歷經考驗有據、可與中國參互並用者、譯述成書、雖醫道廣大、未易該備、而什得二三、自可因此識彼、觸機生巧、漸造其極也、或疑西法與中國不同、未可互用、不知人

類身體無少歧異、受病大約相同、其不同者、氣候、性質、風土、飲食、微有差別、在醫者權衡斟酌耳、或謂西國藥料酷烈、與華人臟腑不合、殊非確論、夫造化主生物、無私、既有是病、卽有是藥、本在智者審擇、如西國採買他邦藥物甚多、豈以味淺功緩而棄之哉、中國多用草木、西國多用金石、因物制宜、見功取効、則一也、此書詳言病源治法、惟未盡西國藥物之性、因中土向無名稱、有難以言語形容者耳、

中西醫學論

格致之學、如天文算法輿地諸書、今皆精過古昔、醫學何獨不然、二百年前脈管迴血之理、西醫尙未盡了、近始悟明精確、此



外如腦氣筋、甜肉、經之類，亦前人所未言。乃余詢問華友、中土醫學，今不如古。其故有二：西國醫士必須屢經考試，取列有名，方准行世。其貴如中國舉人進士之名。其法略如中國考取文士之例，所以習之者精益求精。中國醫士人自爲之，不經官考，不加顯榮。此不精之故一也。人身臟腑百體，如鐘表輪機，若不開拆看驗，無以知其功用及致壞之由。是以西國准割驗死者，凡老人院、癲狂院、聾啞等院，遇有死者，無所歸。許醫局剖割以教生徒，驗畢復令作殮葬如法。故西醫皆明臟腑血脈之奧。華人習醫無此一事，雖數十年老醫，不知臟腑何形，遇奇險不治之証，終亦不明病源何在。此不精之故二也。余願中國創設

醫局悉心考試罪犯刑死之人令醫士割驗則中土醫學必精過前人矣

### 審証論

望聞問切是爲四診審証之法莫切於此夫寒熱虛實雖發於內而必現乎外如哮喘則猛力上逆所以目睛凸露唇色黑瘀疸病則膽汁入血所以面色眼白俱黃血虧則血稀淡所以目色及目眥胬肉指甲俱白狂病面浮赤而眼光利射將出痘麻則肌膚紅熱他如望瞳人舒縮遲速大小可定重輕驗舌苔形色乾濕可辨表裏此望診之大略也若聽肚聲而知婦女有胎以耳屬孕婦腹能聽嬰兒心跳聲聽胸聲而知心肺有恙癆瘵則聲啞痰壅則



聲濁出言壯厲者邪盛聲如鼾睡者病危此聞診之大略也問病新久以知其正變問寒熱以辨其表裏問口渴以察其津液問能食以覘其胃府問二便利否以審其通塞問婦人經水以知其健弱此問診之大略也至脈形西法計分十種曰浮沈遲數壯弱大小柔硬至數驗以時表取其旋運有準若華用人用鼻息呼吸恐有遲速長短不如時表之準中國所分三部九候實難憑信人身血脈發源於心運行百體則總入肺接吸生氣由肺復返於心日夜輪流不息每兩小時運行四十週以一日夜二十四小時計之運行四百八十週人人皆然夫脈至躍動乃心經發血之力一發爲一至遍體同時湧應細心診驗參以望

色聞聲問証自可定輕重安危若專按脈推求如謂按寸而知病在心肺按關而知病在肝脾按尺而知病在腎決無之理蓋周身脈管皆由心系總管而出散佈四肢百體流行貫通豈兩手寸許之管五臟六腑遂偏繫於此耶西國每剖驗兩手脈位見其管大如雞翎之管循臂而上漸上漸大上至頸項卽與頸中脈管通連直達至心而止並不與他臟相屬何以知各臟之脈必現於此耶且直通一管何以知三指分部必不紊耶故謂一脈可驗週身之病則可謂某部之脈獨決某經之病則不可也余曩主粵東醫館病人甚多每謂中土醫士有能隔簾診脈可定三人病証者謝銀百圓數載於茲曾莫之敢試也夫脈至



一異皆異、斷無三指各異者。若以全體而論、則男女有異、老少有異、饑飽動靜有異、行走坐卧喜怒哀樂有異、故醫者診病、入門後、坐定片時、先望病者形色、次審其聲、次問見証、再辨舌苔、然後切脈、合而斷之、則病情不能遁矣。此審証之要務也。

### 藥物論

余聞中國神農本草、藥品三百六十、歷朝增益、至明李時珍著本草綱目、所載幾二千種、誠藥物之大備。然余閱之、其中有大用者、如人參、大黃之類是也。有無用者、如龍虎骨之類是也。諸家註解、大概以色味配五行、分屬臟腑。豈知藥物必先入胃、有色化爲無色、有味化爲無味、無因色味不同、分入各臟腑之理。

也有謂食猪腰則補內腎、食腦則補頭昏、食腳則補足力、尤屬臆斷。蓋食物必先入胃消化，由胃至小腸，與膽汁、甜肉汁會合，榨出精液，衆小管吸之，運至會管，達於心而爲血。如果所食之物有益，則周身皆與其功，無獨益一處之理。至如龜尿滋腎、紫河車滋水、金石鎮虛、兔屎溫血等說，更不知何所據而云然也。西國藥物製法殊精，有數藥而製爲一藥者，有一藥而分爲數用者，有煉取其精英而去其渣滓者，服食一分功同一兩。其他則有煉爲丸者、研爲散者、釀爲酒者、漬以水者、浸以醋者、榨爲油者、煮爲膏者、熬爲膠者、升爲丹者，各隨所宜。茲取用藥與中法同意者，略列於後。間有與中法意異者，亦附見焉。

同意者不  
注人所共



知之理不煩費詞也。意異者注之名同而實異者亦注之。

第一類補藥曰補腦神腦氣曰補血。人虛弱則血輪少。血曰補色淡而稀當補其血。

胃曰補津液。若皆虛則用全補法。

第二類減血之藥曰發汗曰吐曰利小便曰輕瀉曰重瀉曰放

血。血過多則發熱不安故放血而病即愈。或因血凝聚一處紅腫熱痛亦宜用蟬吮針放之。曰行水曰消痰

曰散瘀血曰祛風

第三類斂藥曰斂汗曰斂大小便曰斂血。或吐血或便血或刀傷瘡瘍血標流宜斂

第四類雜藥曰止痛。腦主知覺腦髓筋即腦氣筋為之。傳引故安腦及安腦筋即以此痛。曰止癢

癢與痛同源重則痛輕則癢。曰調經曰殺蟲曰柔潤。肺胃大小腸內皮拘急

二便難宜用柔潤之藥。

第五類外治之藥

引病由皮肉間外出也

曰引血

血太過則受病或用藥敷或用薄貼或用錢刮

或蟻吮針刺

曰釣膿

凡內有病患湯藥不易治者宜破其外體皆引血外出

用斑蝥膏藥

或用尖刀

刺破其皮納綠豆一二粒於內數日後膿發毒去則內患可愈此內病外治法也

或用烙炙

杵燒紅

或用各息的皆所曰刀針或放水或放膿曰

以焚焦其肉

各息的

見後藥門曰刀針或放水或放膿曰

去腐

久患有腐肉

腐骨者曰潤皮凡紅腫熱痛須曰解毒

之意

或內服

或外敷視毒淺深多寡而酌用之

毒淺

深多寡

而酌用之

食物論

禽獸魚蟲之類

有血氣者也百穀果蔬之類無血氣者也人兼

食之

故能化血

生肉而長養獨食果蔬者羸疾多食肉類者癡

肥偏食一物者病

西國從前

有人罕食果蔬惟重肉食有一死

西國從前

有人罕食

果蔬惟重肉食有一死

果蔬惟重

肉食有一

死



証兩足生瘡、面黃腫、牙肉浮鬆、口流鮮血、手足肌肉有損傷、卽潰爛、流水、臭穢不堪近、後有明醫、勸食蔬果、乃無是病、而行船者常數月在海、無新菜可食、其証仍不免、醫士再思一法、令行船時多帶醋及檸檬汁、自是絕無此患、云余聞佛家禁人食肉、常食齋料、而齋料則木耳、金菜、腐竹等物、皆乾枯而無精液者、殊非養身之道也、病人身體虛羸、自當以肉食補之、庸醫無識、戒口太甚、轉令病者日就虛弱、有病後而眼矇者、有病後而耳聾者、有數年而始復原者、有終身不能復原者、有髮禿者、有善忘者、有聰慧而變愚拙者、一病而身體頓異、前後忽如兩人、細推其故、多因病後過戒肉食、西人病後無論貧富、不久卽能復

原亦以肉食之得其法耳夫調養食物宜擇易消化者精液多者少油膩者肉類多食瘦少食肥果類食熟不食生蔬類食嫩不食老皆補身之要道也茲擇食物宜胃與不宜胃者略列於後

易消化之物

羊乳

牛乳

黃牛乳良

半熟蛋

雞生者良

魚類

新鮮無膏者良

牛肉

嫩者良

猪肉

瘦者良

羊肉

嫩雞

嫩鴨

鵪鶉

鷓鴣

白鴿

麻雀

班鳩

蜆鴨

沙佳

鹿肉

五谷

沙谷米

冬瓜

節瓜

白菜

芥菜

椰菜

黃芽白

莧菜

生菜

芽菜

嫩葛

芋

薯

藕

馬蹄

茨菇

薏苡



難消化之物 少食不妨  
多食難化

肥肉 老猪肉 老牛肉 火腿 臘肉 臘鴨 海味 蝦米 蚌殼

最難化 豆渣 花生 栗子 杏仁 果渣 老菜 老雞

老鴨 鵝肉 鴈 狗肉 切勿食 馬肉 勿食更佳 蘿荷 韭菜

蒜 葱 莖 芫荽 紫蘇 香櫞 果瓢 柳 芹菜 老

瓜 薤菜 鹹蛋 鹹魚 香蕈 木耳 腐竹 金菜 鼠

肉 切勿食 蚝 蜆 鹹菜

致病有由論

病有一方相同、或一室相同者、必有致病之由、醫者宜細心體察也、各國都邑省會、人烟稠密之地、比鄉居者、其病三分多二、

或糞草堆積、穢毒蒸騰、或房屋卑狹、風氣不通、或溝渠淤塞、寢處潮濕、諸病多由此起、故居處乾潔、洗濯得宜、亦養身之一道也、西國有鋼器之埠、工匠皆促壽者、醫士剖驗、每見肺經腐爛、莫明其故、有博物者、疑是鋼塵飛揚、工匠呼吸入肺所致、後各製一攝鐵面具、始免其患、大概匠作塵埃之處、多生疾病、此理不可不知、



炎証論

人身百體、賴血以生、血管有三種、一曰血脈管、一曰迴血管、一曰微絲血管、微絲血管、密結如網、目力不能見、以顯微鏡視之、每寸平排千餘條、與脈管迴管、兩相連貫、百體內外、無處不有、無微不至、是以衆血由心經左房發源、入脈管、流佈週身之內、行至盡處、卽由微絲管過迴血管、由迴血管返心右房、日夜輪流不息、若身體間一處不安、其處血運流更急、微絲管發大、血內之輪、血輪見全體新論、壅聚而至、愈聚愈多、遂壅塞於管徑之內、此管被停血所逼、血內明汁肉絲等物、並詳全體新論、滲出管外、積聚肉中、其肉漸紅漸腫、漸覺熱痛、名曰炎証、西國方言曰炎法美順譯爲炎熱之意故名曰

炎惟其証起於外體、自有情狀可見、若發於臟腑之內、則當以証聞問切斷之、重者、冷熱、困倦、不欲行動、腰痛、大便秘結、小便黃赤、脈至洪數、舌苔黃、假如其症在肝、則痛應於肩膊、其症在心、則痛應於左臂、症在脾、則痛應於膝、症在膀胱、則小便頻數、症在肺、則呼吸欬嗽皆痛、症則喉嚨、則失音氣促、症在胃、則食物嘔吐、症在舌、則腫痛不知味、症在眼、則矇眊赤痛、症在腸、則瀉痢急痛、症在腦、則昏亂失性、凡此之類、治得其法、則愈、治失其法、則危、紅腫熱痛、四者不必全見、但見二三、少久者即當以炎証論也、

凡失足跌落、爲玻璃瓷器所傷、碎屑入肉、初覺肉赤、次覺肉熱、



次覺肉腫、次覺肉痛、是爲初起炎証、凡有沙灰眯目、目睛紅腫、痛熱、亦爲炎証、須先去其外入之物、然後能治其病、百體炎証、皆類此、

西醫捉一大蛙、故傷蛙足、以顯微鏡窺之、見其足傷處倍紅、血行漸快、其微絲管亦漸大、初見管徑僅容一血輪、漸能容二輪、漸而容三輪四輪、漸多而行漸慢、漸慢漸積、漸積漸止、又漸而明汁滲出、漸而肉絲積疊、愈積愈瘀、卽此可悟炎証之原、人類皆同、又嘗捉一兔、以冰貼其左耳、少頃其耳紅熱異常、驗視右耳通明、而左耳厚暗、血管倍大於右、亦與蛙足同理也、凡瘡癰疽、痔瘡、疔等証、及心、肝、肺、腎、脾、腸、腠、膜、病、多由炎症而起、

凡外傷如跌折金瘡之類必藉微絲血管滲泄明汁肉絲西國方言曰費皮連以膠粘其傷口乃能復合若兩邊傷口相離亦必借明汁肉絲發生肉牙其傷口乃能復合也

治法以放血爲先法離患處少許用放血器機或刀銛刺數處

不必用玻璃罩覆蓋以氣機筒抽出罩內之氣見博物新編地氣論則血

必湧出以補罩內空虛如無抽氣機筒用玻璃杯貯酒少許約

滴以火引燒乘焰覆蓋與用機筒抽氣理同或用牛角或用鉛

杯形如覆磬徑約寸許大者徑約二寸代玻璃杯亦可

若壯健病勢重者用極利小鋼刀割臂左右內臍大小臂相俱可交轉折處法

先用布帶緊束上臂使血不能迴則迴血管皆凸露易見認確



割破、口長約一二分血出後、解去布帶、另用軟布摺疊數層、按捺割處、

仍用布帶鬆裹、以止其血、血出多少、以病勢輕重酌之、

一法、用蜚數條、蜚以黃色金邊爲貴、宜小不宜大使吮其血、以代刀針、亦可將

蜚放於玻璃杯內、以杯覆蓋腫處、任其噬吮、或以布包蜚身、露

其口、恣噬近患處、倘久噬不鬆口、用鹽少許糝之、蜚自縮去、勿

用猛力拔出、防傷肉也、蜚落後、欲止血者、用棉花著傷口、外用

布帶纏束、自止、如不止、用艾絨、以手指壓按蜚口、良久、血必止、

內服方、用洋輕粉八釐、西國名迦路米、另詳於後鴉片膏二三釐、合爲丸一

粒、如不融合、加蜜少許、夜晩吞服、次早服瀉藥、元明粉朴硝之類、外用粥渣貼患

處、或用罌粟殼、野菊花、沸湯冲、布巾絞、按患處、或絞取濃汁、用

布巾浸潤患處、


病在內部、或久延、多方醫治不效者、用洋輕粉三四釐、鴉片膏二釐、共作一粒、每服一粒、日三服、分早中晚三時、次日再服、最效、若見齒肉腫痛、易流血、口臭、多穢沫之症、知炎與藥相應也、卽止勿服、用白礬水凡收斂藥皆可用嗽口吐去、日數次、身弱者宜補藥、或食物調養、

他如去邪則有汗瀉利小便等藥、外治則有斑蝥膏藥及釣膿諸法、用藥論言之已詳、醫者隨宜斟酌可也、


炎症須戒口、忌食動熱各物、又須靜養、如病在四肢者、臂須平放几上、腿足須另用椅杌安放、勿令常垂、又忌勞動辛苦也、



內醫外科  
卷一



半管針圖  
又名導引針  
銀作者佳



探針圖  
銀作者佳



探膿針圖




彎刀圖  
銳鈍兩種




小割刀圖



小割刀斜式



小割刀平式



小長割刀  
刺入膿流式



小長割刀  
斜刺式

醫方類聚卷之十一

放血後用布帶  
綁割口式




大小臂相交處迴血管圖



圖中大者係迴血管  
細線係腦氣筋

小利刀圖 又名放血刀



小利刀放膿血式



圓口銳尖彎刀圖



圓口銳尖彎刀放膿圖




面瘡膿




布帶纏束  
腿足式




布帶  
捲放式




布帶捲放纏束手腕式



合口膏  
藥裹護  
瘡口式




布條纏  
束手腕式




布條纏指式





器械放血式




機器放血式



玻璃杯

扁針引線圖



穿過皮後  
剪去餘線

鈍鉤圖




小銳鉤圖



鈍鉤針穿線式

又名血囊針



銳鉤針穿線式



縫皮直針圖



縫皮彎針圖



縫皮微彎針圖



銳鉤圖





# 膿瘡論

皮肉有紅腫熱痛謂之炎、炎結蓄膿則爲瘡、不論百體內外皆有之、其症有大小新舊輕重之不同焉、蓋炎結不散、則血肉霉腐成膿、四圍有皮肉包裹如囊、西醫統名其症爲膿瘡、外體多發於四肢、內臟多發於肝與腦肺等處、發在內臟者多危險、其膿雖在深處、勢必向外尋路以出、膿近胃者、時或流入胃、嘔吐而出、近腸者、流入腸、從大便而出、近肺者、流入肺、咳嗽而出、無毒之膿、不稀不結、色在黃白間、如乳上所浮之油、以顯微鏡驗之、內有泡多粒、若將此膿放入清水內、卽沈於水底、是爲易治之症、若腥穢汙濁、是有毒之膿也、茲將治法列左、

瘡初起時、肉中掣痛、皮緊而紅、既成、則漸腫漸高、紅熱而實、將熟、則高凸處漸軟、是爲瘡頭、不久將自潰裂、病深者、惡寒發熱、喉乾、口渴、坐卧不安、或譫語、脈至浮洪、二便短結、瘡在交節筋絡間、或手足厚皮內、膿爲所隔、欲潰不能、必藉刀針割刺、大約頸背、胸乳、腹脇、腋下、肛門、近喉、近耳目、近外腎之處、皆宜割、近各骨處皆宜割、膿貼骨、骨衣易壞、衣壞則骨腐以手摸試、若內有膿、肉必浮軟、或用探膿針探之、探膿針有溝、若有膿、則從溝中流出審確、按部位刺割、蓋膿伏深處、非藥力所及、不刺割、則膿不出、不出則痛日甚、而人日虛、多至殞命也。○前有大厯堡壯丁某者、因炮彈傷其一手、來余局就醫而愈、後月餘、右脇骨下疼痛異常、醫治無效、日漸危、復



求醫於余、余診知膿發在肝、法須針刺、彼以內臟無刺割之理、不允從而去、延巫作法、符畫滿腹、殆極而回、余以套管針刺之、膿流三斤許、針外有套管、膿從套管流出、臭穢不可近、一月全愈、

膿瘡初起、以散爲先、略如治炎法、內服瀉藥、或用鴉片膏五釐、朴硝五分、玄明粉七錢、調以沸湯半斤、日服兩三次、兩日服盡、甚能去邪止痛、如瘡已成、宜用胡麻子搗爛、熱敷瘡上、或用布囊裝麥糠、厚約寸許、浸以熱水、蓋於瘡上、最能減痛、割法、看瘡周圍成熟、用利刀割中高凸處、或割下半圍、近地之面爲下、必割下半圍者、欲膿出順流之故、割後貼潤皮之物、或用舊夏布一小塊、摺疊多層、以水濕之、貼瘡口外、用油紙蓋之、再用布帶纏紮、若久不收口、宜補

藥培托、或徙別處、更換水土、

前所論者、新膿瘡也、今更舉舊膿瘡論之、夫舊膿瘡不同於新  
膿瘡者三端、新膿瘡暴起、舊膿瘡漸積而成、此不同者一也、新  
膿瘡熱痛紅腫、舊膿瘡不熱不紅、有時微痛、或全不痛、此不同  
者二也、新膿瘡向外行、能自潰裂、瘡面不大、舊膿瘡橫行、不欲  
裂出、愈久則患處面愈大、此不同者三也、舊膿瘡所見之症、大  
概掌熱頰紅、身體時發熱、皮黃肉瘦、不思食、致病之原、每因身  
弱、或跌打所致、其患有專在一處者、有兼數處者、發於脊背大  
腿者居多、久則骨漸腐爛、關係非輕、凡遇此証、放膿爲先、欲知  
膿有無、以手按試、法以左指按瘡面、以右手二指彈擊左指之



背自覺膿勢振指、或駢連左指、按瘡左邊、駢連右指、按瘡右邊、左右抑揚推移、如已成膿、卽覺膿勢流動、倘手試不甚準確、用探膿針試之、有膿須放、放有二法、一用套管針刺、使膿從套管流出、或先割小口、將半管針插入、膿卽從半管流出、半管針圖見前一用利小刀割之、膿去腫消、瘡面不至日大矣、割口須長二三分、宜向下割、使膿易於順流、大概不論新舊膿瘡、割口皆不宜太小、蓋膿宜使自然流出、不宜用手強逼割口太小、則膿之清稀者猶易出、稠結者出必不利矣、其不宜用手強逼之故有二、一恐傷瘡內新生肉牙、一恐增病人痛劇也、舊膿瘡大者最忌風入、恐防臭穢發熱、用刀時將皮微割、卽宜用手牽引稍過、仍從原口向內割放、膿出後

放手使皮還原處、則外皮之口與內皮之口不對、風自難入、又法若患在臂腿者、可用布條自上向下、均勻裹束、膿爲布條漸漸按下、自然流出、割口隨貼合口膏藥、既免外風之入、又免用手強偏之弊、此最妙法也、病重者、割一二次不能卽愈、數日後膿多再割、須以膿盡爲度、內服全補之藥及飲食以培養之、又有毒膿瘡一症、俗名火疔瘡、又名暑癰、暑熱之月、小兒頭面遍身皆生、大人亦間有之大小多寡無定、大者如核桃、小者如豆、初起紅熱、漸至腫痛、其原有二、一因身弱、一因中熱、身弱須補、中熱須瀉、膿熟又須隨宜刺割、外用潤皮肉之藥、更以密陀僧膏蓋護之、



又一種大膿瘡生於背脊最多間或生於腰腹等處中國統名疽又名發

背多因年老身虛或平素飲酒過多所致其証紅腫疼痛異常

坐卧不安不欲飲食患處皮堅而厚最為危險必須用彎刀橫

直深割十字相交使其潰裂膿出內服全補之藥及美酒食物

培補外用胡麻子搗爛及粥渣按貼剪去死肉用膽礬水膽礬

釐配水助生肉牙肉牙高者用膽礬抹平之○証有審定須割

者即應放膽刺割方能速愈余曩主粵東金利埠惠愛醫局所

醫大小膿瘡每歲不下三四百人皆以刀針奏效可知刺割一

法大有益於治療醫者須曉喻病人不割則病危而痛久割僅

暫時之痛比較輕重割乎不割乎





# 潰瘡論

皮肉潰爛曰潰瘡、大概亦炎之類、有內外淺深偏全之別、內則喉口、肺胃、大小腸、深則筋骨、偏則一處、全則徧身、初起紅腫而痛、患處有大有小、病勢視炎之多寡、及身之壯弱、爲重輕焉。發於外者、大約小腿以下爲多、病原有六、一因跌打損傷、二因身內舊毒、三因虛羸、四因酒毒、五因中濕、六因服有毒藥物、西醫分其類爲五種、一曰易治瘡、二曰痛瘡、三曰弱瘡、四曰透穴瘡、五曰惡毒瘡、輕重不同、治法各異、此症生在兩足及肢節交關筋絡等處、俱難治、法以尋源治本爲要、次須催生肉牙、又須洗濯潔淨、有腐骨則去之、身弱難生肉牙則補之、毒多膿臭穢則

祛之毒偏在一處專治患處則愈若徧身全受宜統治一身茲將治法分列於後

**易治瘡者**言此種瘡無毒比他瘡爲易治故名辨法肉牙鮮紅尖密者是膿稀結多少得宜四圍新生皮色淺藍而嫩者易愈患是症者忌行動作工房勞飲酒等事治法用黃臘膏貼患處每日或間日洗換一次洗法宜用布巾浸水細心洗拭周圍或讓過瘡口切忌猛力連瘡口並洗或用夏布摺疊一兩層浸膽礬水貼新肉上膽礬水宜淡不宜稠大約水一兩配膽礬五釐蓋以油紙外用布帶鬆勻纏裹倘瘡口尙有二三分未合足矣難生新皮須用各息的輕輕搽擦則收口甚易若無各息的用膽礬或石粉用石搥成無毒亦可或漿衣所用麥粉俗名小粉者研末亦可倘新肉高於外



皮亦用各息的或膽礬抹使平之此症若生在腿足宜用椅杌將腿足平放毋使下垂則迴血易於流通亦助生肉牙之法

**痛瘡者**瘡四圍紅熱痛楚異常時或流血瘡邊凹凸不平膿甚

稀肉牙難生宜用硝强水五滴見後藥水門山水一兩浸布點患處

凡用藥水藥酒必用黃臘膏或用洋輕粉一錢西國名迦路米灰水五

兩溫湯化礦灰調勻濕布貼如無布用軟紙二三層助生肉牙如無硝强水用朴硝

一錢山水四兩無洋輕粉用中國輕粉亦可或有腐肉用紅蘿蔔煮熟搗爛敷則腐

肉去新肉生時用罌粟殼野菊花沸湯冲布巾浸絞連渣按患

處或絞取濃汁潤之或用粥渣亦可四圍紅腫過多用蜚數條吮之或

利刀銛刺之蜚吮須稍離患處刀須刺數處外用黃臘膏藥或水銀膏藥見後膏藥

門 止痛、內服鴉片膏二三釐、外用鴉片膏攤貼、病者身體有熱、宜瀉、虛弱宜補、最忌勞苦動作、

弱瘡者、血少稀淡、不生新肉、瘡中或有腐肉、不熱不痛、膿汁如水、瘡邊高硬中凹、此症生小腿兩足者、十有八九、甚難治、生近

脚跟尤難治、法用水銀膏藥、或三仙膏、或松香膏、俱可、並見後膏藥門

不愈、須蜜陀僧膏、攤布三四條、闊寸許、長尺許、裹瘡上下、須過瘡面少

許、圖見前、每隔兩三日換一次、倘不收口、用各息的、或膽礬、搽瘡

邊高硬處、凡腿足有此症、其迴血管多彎曲凸露、宜用布帶纏

紮、使迴血易於上行、此症有數年不能收口者、有已愈而他處

復生者、大概宜俟其自愈、治不得法、反生他患、



透穴瘡者、因膿瘡日久不愈、或醫者不善引膿外出、勢必穿透數路、邪曲不等、治用銅水節圖見後射斑蝥酒、或挨阿顛見後藥酒門

或膽礬水

膽礬半錢配水一兩

於穴中務使穴中肌肉生熱、外用布墊壓

住、纏以布帶、則穴中肌肉粘連、自能全愈、倘仍不收口、須用刀割開瘡穴自愈、內有腐肉者、用各息的或膽礬抹之

惡毒瘡者、色紅而痛、有大者、有深者、有累及皮肉筋骨血管者、

日重一日、膿結如膠、臭穢不堪、此症多原淫慾、或身虛外邪深入、或誤食不潔之物所致、有將頭骨鼻梁耳頰腎囊等處爛去者、毒邪極重、平常之藥不能醫治、須用殺毒藥、法先細心洗去膿濁、用信石一、硫黃末一、黃臘膏七、或猪油調勻、攤紙布上、宜薄而勻

貼患處對周時揭去貼黃臘膏藥或腫痛嘔瀉內服鴉片膏三釐痛漸止如十日後仍不減再貼一二次可也○一法洗淨後用綿花或布裹在細竹上浸硝強水滿搽患處以殺其毒最妙後用粥渣或紅蘿蔔煮熟搗敷俱俟毒盡後用生肉牙膏藥收功可也

毒輕者用炭末研細摻入亦可

以上所論各症大概毒重者須用藥改變其毒使之漸輕漸減以至於無炎重者須用藥清化其炎毒邪既去肉牙自生難治者同歸易治矣



# 死肉症論

死肉分乾濕二類。乾者因身虛血乏、不能徧體周到、其不到之處、或潰爛、或如頑木、皮色先變、由紅而紫而黑、其原或因年老虛弱、或因失血過多、如吐血、便血、或外傷血、從皮肉流出、皆是失血。或因忍饑傷胃、或因心病、脈管內生骨牙、阻碍血不暢行、此症無水無膿、如樹木乾枯、故謂之乾。濕者多由外傷、如跌打、湯火、凍瘡、觸毒之類。所傷之處、有全死者、有半死者、有卽死者、有緩死者、此症或因血不通行、或因血不能廻、患處生泡、內有黑水、甚臭、肉浮軟、聽之如以手指向耳門捻髮之聲、因肉死變化氣水、故謂之濕。大抵乾濕二種、脈皆虛數無力、若見色黯、皮黃、呃逆、冷汗者、証必不

治其身虛血乏皮肉枯死之乾証初起手腳指尖先見黑點漸大漸上更上內入臟腑則不治若患處自生紅線隔開好肉此爲欲愈紅線以下旣死之肉雖不割亦自脫也此証若無紅線卽須俟其自止不可割恐割而不止後難治療矣其外傷血停肉化氣水之濕証或骨壞脈斷或肢體墮脫關係甚重審其肉已死定身體壯健卽當離患處少許割斷免致毒延入內也二証治法甚難總以全補爲主間遇脈浮壯有力者宜瀉毒外用粥渣或罌粟殼野菊花沸湯沖布巾浸絞連渣按患處更用新棉花包之若已潰爛用紅蘿蔔煮搗敷或貼松香膏藥○肉已死定離脫骨未斷者應離開好肉少許

必離開少許者恐防傷觸好肉之故將腐



骨鋸斷、不論大小、並無痛楚、余主粵東醫館時、見一老婦、腿足之交略上、肉斷、離開寸許、左右兩腿各有骨二條、枯露、兩腳腐爛、臭穢、余勸鋸去、彼不知留此、徒然爲患、但知割去、無行走之具、堅不肯從、後累及全體而死、此應鋸不鋸之害也、

又有年老久病之人、寢卧牀蓆、不能轉側、兩腿僵直、背肉及尾骶肉壓著、易傷、倘枯死潰爛、最難治、宜豫用厚棉褥鋪墊、酒洗、護以蜜陀僧膏藥、可免此患、





湯火傷論

湯火傷一証、世間最多、蓋水火本以生人利人、而殺人害人之機、卽伏於其間、不可不講明其理、而預備救療之法也。今夫湯火傷、其總名也、分析言之、傷人之具、約有數端、曰沸湯、曰熱油、曰熬煉膠漆、曰鎔化五金、曰竹木煤炭硝磺火藥、皆足以傷人、審其輕重、沸湯之性、過而不留、其害較輕、油性粘膩、著於肌膚、驟難拭去、故其傷較沸湯爲重、若膠漆則性更粘滯矣、五金被火鎔化、其熱最烈、更甚於膠漆、至竹木煤炭硝磺火藥之類、能力大概相同、凡此皆傷人之具也、至受傷之時、有久暫、受傷之處、有大小、要害之不同焉、譬如一人誤以湯火著其身、旋著旋

去爲時甚暫、一人衣褲焚燒、纏束於身、一時不能解脫、良久始免、則暫者傷輕、而久者傷重、此以受傷之時久暫分輕重也、又如一人所傷僅及分寸、一人傷及數寸、則小者傷輕、而大者傷重、此以受傷之處大小分輕重也、又如一人傷其膚、一人誤服沸湯、或熱油傷其喉、則又以傷膚者爲輕、而以傷喉者爲重、推之足重於手、胷腹重於四支、此以要害分輕重也、約而言之、淺深計分三種、淺者傷外皮、其色紅、稍深者傷內皮、內皮卽真皮也必生水泡、最深則皮肉筋一齊受傷、其僅傷外皮內皮者、治之得法、尙可復其故常、若皮肉筋俱傷、焦枯死壞、雖遇妙手療治、亦不能使之復原也、決生死之法、大概傷小者生、傷大者死、傷少者



生傷多者死、傷尋常處者生、傷要害處者死、同一傷也、少壯者  
生、老弱者死、強健者生、虛羸者死、自頂至踵全體皆傷者死、脈  
數而無力亂動者死、所見之証、面青唇黑、手足抽搐者死、惡寒、  
戰慄、譫語、喘促、驚顫者死、死期遠近、又各不同、則以其人稟賦  
有強弱之異也、譫語死者、其人腦房內有水、比平常倍多、腦包  
腦肉紅色喘促死者、其人肺內必有痰水滿塞其竅、若傷及肚  
腹者、其初大小腸熱、死後紅腫、此皆西國醫士、剖割死人、試看  
真確者也、其受傷後危險分三候、初候倦怠無神、中候發熱口  
渴、舌苔乾黑、末候膿流太多、血脈虛弱、此其大概也、○救急之  
法、凡人在屋內、猝被火焚、衣裳燒熱、切不可急忙外出、恐風力

助勢也。宜在原屋內取水澆滅，然後徐徐脫下，設原屋內無水，可取衣裳纏裹於身，倉卒不能解脫，宜取地面所鋪氈毯之類，附身包按，自能熄滅。設其時又無氈毯，宜卧在地面，滾轉數次，以熄其火，然後徐徐脫下。倘皮肉損傷，衣裳粘著傷處，忌用猛力強揭，止可量傷處大小，剪留以護其皮，此皆自救之法也。○治療有三要：凡人平日不畏風寒者，有外皮爲之護衛也。今因受傷後，外皮損破，再受風寒，必增痛楚，宜令病者藏避，以衣被覆蓋，常令和暖，此一要也。外皮損破，傷動腦氣筋，所以痛楚不安。貼膏藥，其痛卽減者，蓋膏藥護衛功能與外皮相等，是真外皮已去，借助於假外皮也。俟真外皮長成，還原痛楚自止。中醫謂風從破處直入臟腑經絡者，其說非也。所用膏藥，須擇藥性和平者用之。蓋護破處，設破處較前稍



大不妨另取稍大膏藥、加貼其上、切忌時時更換、致增痛劇、此  
二要也、病者痛劇不安、須用止痛之藥、惡熱煩躁、須用清涼之  
藥、倦怠虛弱、脈細軟無神、須用補益之藥、總要見証施治、不可  
執一此三要也、

### 附方

石灰水

石灰、中土亦名礬灰、燒石所成、用以粉塗牆壁者、也、沸湯傾化、澄去其渣滓、取最上一層清水用之、

胡麻油

胡麻、中土亦名芝麻、有黑白二種、如無胡麻油、用落花生油亦可、

二味等分、攪對碗內、

不停手攪至一刻之久、

每一晝夜二十四小時、使油水融合、

爲一、用時取鷲毛調搽患處、

如無鷲毛、用雞毛或綢綾拂布、棉花之類俱可、但以軟和爲妙、

用棉花彈令鬆勻、鋪平、量傷處大小、剪取一塊、蓋護、如無棉

花或用堅細和軟紙蓋護亦可再用帛布剪成長條

如中國婦女所

用裏腳布纏裹其上以防棉花紙類脫去倘膿水流布外可用

熱水挨布邊輕輕拭去其膿水不必更換其布若膿水流溢

過多或因潰爛臭味不得已間一二日換一次亦可

大約天氣炎熱

易於潰爛臭味不得不常換天涼則不必日日更換也

又法用雞蛋黃一二個胡麻油一錢蜂蜜一錢攪勻用鷺毛

調搽餘同前法

又法用黃蠟膏藥

黃蠟膏藥見後膏藥門

性最和平倘揭去膏藥見傷

處肉牙凸高宜用膽礬抹之再換貼膏藥日日如此自然漸

漸平愈



設病者膿流過多、氣血虛弱、宜收斂之藥、用蜜陀僧、見後膏藥門若

肉牙少、用松香膏藥、見後膏藥門

內服之藥、止痛宜鴉片膏二三釐、沸湯調和服下、

清涼、用玄明粉五錢、朴硝一二分、大黃一錢、沸湯沖服、若不愈、

次日再服、以愈爲度、

補益、用人參、如無人參、用黨參亦可黃耆、白朮、地黃、當歸、白芍之類、或煎

服、或熬服、或用牛羊豬雞肉煮熟、配醇酒頻服、

西醫略論

卷一


三



彈丸出入瘡口異形圖



彈丸挖圖




彈丸鉗圖




取彈丸螺絲針圖



便用鑷式




便用鉗式



曲剪圖



直剪圖




套管針圖

鋼針銀管大小長短須備




套管針圖


即前圖拆去套管另繪




玻璃水節 銅鉛皆可為之




放血刀



割牙肉齒口刀




圓口銳尖刀



平口銳尖刀




剪



裝藥柄


揀各魚的用之



鑷



鉤



探針





外傷論

外傷分數種曰刀傷曰打傷曰跌傷曰咬傷

刀傷俗名金瘡分割砍刺三項割傷無論瘡口長短所傷皮肉

治之得宜不難使之連續也

凡割傷不論傷形橫直邪曲刀鋒快利者一割即出受傷之處不過

一線刀鋒鈍者搥至再三兩邊之肉必大損壞故鈍刀傷人反重於利刃也

砍則用力必猛有傷及

肉者有傷及骨者必治療多時俟肉牙生出方可漸漸平復若

刺則危險極矣蓋瘡口雖小而所入甚深或傷及臟腑或傷及

血脈管皆不能速愈也○至受傷部位又當細究以頭面而論

傷腦底目窠等處凡關繫大小腦者無不危險以頸項而論食

管氣管傷一者可救或兩管並傷一輕一重者亦尚可救若兩

傷並重、或斷者不可救矣、以周身而論、傷胃脇肚腹、關繫臟腑、及血脈管者、無不危險、以四支而論、脈管居兩臂及兩腿內面、故臂腿內面受傷、較重於外面、又肘膝關節處受傷者皆險、此其大略也、○受傷者必發熱、熱輕者無妨、熱重者危險、牙關緊閉者危險、譫語驚顛者危險、壯健人傷易治、虛弱人傷難治、素有鴉片煙癮、酒色疔毒之人、傷難治、凡受傷者、必痛楚不安、或神識迷惑者、蓋人之覺悟知靈、全在於腦、腦髓筋損壞、則失其故常、所以動作不適、精神朦朧也、○大概醫法有二、其僅傷一線內無汙濁者、宜貼合口膏藥、合口膏藥見後膏藥門牽連之、使分者復合、不過兩三日即愈、愈後並無疤痕、此速治法也、若已潰爛、膿



水流溢、或曾誤用散末等藥、種種污濁、留滯不潔者、其勢不能使之驟合、須徐徐醫治、俟生出肉牙新皮後、方能平愈、雖愈必有疤痕、此緩治法也。○醫者凡遇刀傷、必細察瘡口、有無外入之物、如箭鏃彈丸砂石火藥或衣褲布塊等類俱為外入之物、目力所不能見者、須用小指剪去、輕輕四面探摸、倘瘡口小、或深曲、用指不便、宜用探針、探以銀為之、粗細長短曲直、宜多備量、傷處酌用、圖見前、探有外入之物、無論大小、宜先取出、方可施治。

止血之法、凡傷迴血管者、其血色紫、尙無大妨礙、若傷及脈管、必有鮮紅血標出不止、治法、循所傷脈管上流動處、按之、其血即停、且如下臂受傷、血標出不止、知為脈管損壞、卻以手重按

其上臂動脈

須用力重按至骨

則下臂傷處血卽停止蓋下臂脈管兩

條本係上臂脈管所分故傷在下臂按上臂其血自止也如大

小腿脈管受傷重按股陰動脈血卽立止亦是此理

股陰動脈略與腎囊

相對但此係暫時救急之法手力不能多歷時刻恐手一放血仍

標流西土用止血器械最妙中土無此器械宜用布條或長手

巾捆紮另用或竹或木一條貫插絞令極緊亦可代西國器械

之用也布條捆紮後一面用銅鈎

圖見前

將已斷脈管之口用鉗

鑷拑住隨用堅細絲線緊紮斷管兩端血流卽停外貼合口膏

藥過十餘日瘡口復好倘瘡口血流過多或血管隱藏不見宜

循其上流動脈易見處割開外內皮脂膜用堅細絲線

約長尺許穿



在血囊針眼

血囊針圖見前

鈎托管下將線左右結束則其下血流自

停

脈管與迴血管並行結脈管時不可觸動迴血管

蓋受傷之管上流結住血不能直

下必由左右小管分數路助其流注本管漸束漸細廢而不用

結脈管之線餘剩者一端剪去一端留繫口外俟其自脫

約十日內

外自脫蓋因廢血管束久漸細細極則斷線從斷處脫出也

瘡口短者用合口膏藥牽連倘

瘡口過長或傷在轉折活動處非僅用合口膏藥所能牽連者

宜先用彎針穿細線縫結每隔寸許一結兩線結中用合口膏

藥幫助外用黃蠟膏藥護貼

針有三種一鈔端微彎一全體皆彎一直中土無彎針用直針亦可

○彎針

圖見前若經三四日後不連合須俟緩緩生出肉牙或因線結

熱痛紅腫不安須取去者用交剪剪斷一取即脫○此係西國

治法中土醫士未曾學過一時恐不能用卽用艾絨或絲棉燒灰取白礬或膽礬或冰一塊按傷處以止其血外用軟布多層由小至大成三角形作墊蓋護覆以棉花再取長布條用力纏裹血止後將患處平平安安放如患在臂手者以長手巾將臂繫在頸上勿令常垂患在腿足者另用椅杌安放腿足○用艾絨及棉花蓋護時醫者須用手力以速爲妙不可遲緩鬆勁致令血標出也用布纏裹傷口上下須要勻徧如傷在臂須並纏裹其手傷在上臂則手與下臂皆須纏裹又如傷在小腿須並纏裹其足傷在大腿則足與小腿皆須纏裹不可但將傷處緊束以至迴血不能流通其下必腫也○以上所論不過言其大概



尙有醫者須知數要事略述於後第一傷處熱痛紅腫煩躁不安宜取麥粉用滾水或牛乳調勻或粥渣用濕巾捆紮內服清涼之藥或用軟布浸濕以代麥粉亦可外用油紙蓋護防其乾也第二如傷者外不甚痛內又無病卽不必服藥膏藥蓋布等不必頻換閒二三日一換可也第三揭換合口膏藥醫者須要細心兩端齊揭以防傷損瘡口宜速洗淨倘有數處傷則膏藥及應用各物須預備現成一齊換貼不可令病者臨時等候第四傷口膿宜抹去不使內留以防潰爛好肉膏藥須剪小縫或剪成條子貼時中間一隙使膿水得從縫隙流出不然恐積聚潰爛也○凡被猛力砍傷或砍去一指或砍去鼻準或砍去大

片皮肉立時將所砍去者、細心裝合、用線縫結二三處、

倘脫落於地粘

著泥沙須先用水洗淨

另用膏藥剪成長條、縱橫裹貼、外用布條纏束、治

之得法、尚可還原、但須頃刻稍遲、卽不能矣。○凡貼合口膏藥、

傷處洗淨後、宜拭乾、冬日天寒、宜將膏藥就火烘開、方能粘連。

打傷分數種、有戰傷、鎗炮之類是也、有鬪傷、棍棒拳腳之類是

也、有杖傷、笞杖鞭朴之類是也、以鎗炮傷而論、或有血、或無血、

或初傷時無血、其後血出甚多者、蓋脈管傷、血必多、此定理也、

然皮肉筋骨齊壞、脈管壅塞、亦有無血者、若有血、仍須用前止

血法、與刀傷同、但刀傷先破皮肉、重在止血、連合其口、鎗炮傷

則筋骨關節、頃刻損壞、非合口膏藥所能牽連、此其不同者也、



凡傷腦及臟腑大血脈管者至危險若不當此數處雖彈丸深入肉中可以用法取出醫治復原但不能速耳○彈丸之質有小如豆者有大如瓜者有鉛鎔者有鐵鑄者其形有圓滑者有凸凹不平者或長或扁或三角或不等其來有迅速者有緩滯者論其傷人之力大約小者輕於大者若小者多粒聚積則傷人與大者等鉛鎔者輕於鐵鑄者鐵丸留於肉內則生鏽肉必腫痛成毒圓滑者輕於凸凹不平者迅速者輕於緩滯者此指彈丸經過無甚關係之處而言迅速以迅速者為輕則傷肉之時暫緩滯則傷肉之時久故反觀者勿誤會每見開放大砲彈丸從人身旁擦過其人遂死剖視臟腑則已焦壞矣凡人被傷醫者須細察其入路出路凡入路皮向內而小凡出路皮向外而大若但有入路無出路必

彈丸留於內而未去也。又或彈丸觸於骨廉、有時分開爲二、一出、一留者、更有自遠處打來、猛力已盡、不能貫穿、直過、迴繞於人身皮肉之間、轉入別路、傷口在前、而彈丸停留於後、傷口在左、而彈丸停留於右者。余主粵省醫館、適中土用兵、官兵被鎗砲傷、求醫者甚多、見有傷胸骨而彈丸從腰出、傷左腰而彈丸從右脅出者、凡頭頸胸腹四支、皆可迴繞而行、奇形怪狀、不可備述。○欲知彈丸所在、須詳察傷口及彈丸經過之路、並細審所見之証、如傷腦、必譫語、傷肺、必喘嗽、痰中有血、大概傷腦及心肝腸胃者死、惟傷肺重者死、輕者尙可救。彈丸在皮肉之內、可以手指探針摸索而知、確有定所者、應審彈丸所在、剖開皮



肉用彈鉗取出

彈鉗圖  
見後

若在深曲之處手指探針無從摸索止

可緩待有時自能由深出淺皮肉外面有跡可尋即可剖開取出亦有爲包膜所裹並無痛楚經年不出者但無膿血及熱痛紅腫等証雖久亦不爲患○凡中鎗砲時兩軍交戰心神外馳初傷多不甚痛且有彈丸驟入並不自知言語如常立時殞命者亦有頃刻昏倒者若昏迷眩暈驚顫冷汗嘔逆面白脈細後必身熱發燒大渴凡肉死則化膿故死肉多者膿必多鎗砲封門子多有用布或棉花包裹有時連包裹之布與棉花一並打入肉內或將衣襟領袖褲襪冠履等件打入肉內或將銅鈕銀錢及隨身佩帶之物打入肉內更有打穿一人餘力再打一人

將先一人衣物或皮肉打入第二人肉內者如此之類無不危險、

醫治法、須令病者安卧靜室、切忌當街、圍繞多人、鬧閨、又忌受傷多人叢聚一處、恐惡氣傳染也、身弱有鴉片烟癮者易死、傷大脈管者易死、若鎗砲傷累手足及臂腿、骨斷肉壞、關係生死、須於傷處之上、用刀截斷、庶幾可救、截斷法另詳於後 ○傷者十分驚

怕、醫士須好言安慰、若有外物打入肉內者、須先去其外物、方

可施治、凡鎗砲傷、宜用布包麥糠餅或粥渣按傷處、日換二次、俟死肉化盡、用軟和布浸膽礬水、膽礬七八釐配水一兩蓋之、助生肉牙、

膿多用稠濃白礬水外用黃蠟膏藥護貼、若肉牙高凸、用膽礬一塊、輕輕



抹之病者頭暈無神用補精神之藥

樟腦水好酒見後藥水門

痛楚用止痛

藥水

見後

一二日後發熱脈浮宜清涼之藥

大黃朴硝玄明粉之類

大小便

不通宜泄利之藥

利小便則車前澤瀉茯苓之類利大便則大黃火麻仁玄明粉朴硝之類

不思飲

食宜開胃之藥

木香砂仁陳皮白朮之類

至拳棍笞杖跌撲等傷凡皮肉未

破者罌粟花野菊花沸湯泡浸熱手巾絞乾熨傷處冷則更換

約半時許外貼黃蠟膏藥以潤之或用麻油摩搽止痛可也

咬傷分人獸虫三類人咬最輕獸有狼虎馬狗之屬虫有蚊蠍

蛇蛭蜂蛛斑蝥蜈蚣之屬凡被咬者傷處必有毒治有三法一

用口吮傷處吐去口沫頻吮頻吐數次後毒隨口沫盡去若慮

毒留染口內用水或酒漱淨即無妨也一用肥絲或銀或銅或

鋼爲之一端圓如珠粒，在炭火上燒至深紅色取出，炙被咬處

毒肉，一炙卽死。

或用紙捲燃炙亦可。

一用橄欖油或胡麻油搽擦。

如傷手搽擦全

手，傷臂搽擦全臂之類，須要周徧，不可僅搽擦傷處。

亦能消腫敗毒，一面將傷處之上用

布條綁紮，不使毒上攻。

約兩時許改去。

內服好酒及補精神之藥，一切

蟲類等傷，此法皆可通用。

獸類咬人，惟癩狗最毒，其口中涎水毒尤重，若爲衣布所隔，涎

水或未入肉，傷猶輕，入則防毒內攻，傷者亦作瘋癩之狀，法當

割去被咬之肉，以除其毒，方無後患。西國有藥名各息的，係硝

强水二分，銀片一分，同入玻璃杯內鍊成，抹患處，能使毒肉卽

死，不染他處，與用火炙同意。若無各息的，又未割去毒肉，及用




前吮炙等法、其人狂熱、口乾、大渴、心亂、鬱悶、懊懣、頸強、不易轉動、抽搐、戰慄、呼吸不利、吞嚥俱難、飲入喉鳴、不欲食、畏風、怕人、開合門戶、卽驚恐不安、種種怪症、不論期之遠近、皆危險、宜居靜室、不令外人喧擾、用鴉片膏五釐、沖服止痛、然救療終無良法也、





左腿脈管圖  
黑點係脈管  
淺處



右腿脈管圖

黑點是脈管  
淺處




左腳圖

黑點是脈  
管淺處



左臂脈管圖

黑點係脈管淺處



右腿脈管圖  
有橫紋是脈管  
割去肥網所見如此



左腿脈管圖  
有橫紋是脈管



筋帶

手臂脈管圖


割斷肉



頸脈管圖




兩手令力止血圖



圖中長點係  
脈管之路

左足脈管圖



有橫紋是脈管

手力止血圖



器械止血圖



包紮太陽穴脈管圖








止血機器又式




止血機器圖




布帶止血圖


止血機器圖



止血機器圖



烙灸器圖




線綁脈管圖


左腿



脈管傷形圖



縫結傷口圖



脈管紮住血由別道流行圖




跳機鐮圖

鐮住血管不用手  
執自然不脫



線結圖



潤鐮圖

方扣推前自將  
脈管鐮住不脫






右腿血停死肉圖



此因血囊壓住大迴血管不通行全腿變黑色不能治

綁紮失宜血停圖



此因布帶綁紮太緊血不通行上下擠腫漸成死肉急須剪去布帶

跳血囊塞住迴血管圖



老婦脚枯死圖

紅線是死肉自止處




左足枯死半截圖



應於此處割去

處處自起紅線

左臂脈管跳血囊圖




總脈管跳血囊圖


割開所見如此




總脈管跳血囊圖



管拱跳血囊圖



止血器械第二式



止血器械第一式



此治跳血囊用此按壓脈管

圖連相層內管脈見後細





# 脈管跳血囊論

脈管本體分外中內三層全體新論言之詳矣、有時內中二層自裂、血行至此、欲由裂處旁出、外層雖尙完、但爲血所偏、漸漸鬆薄而大、遂成囊形、初起小如粟、漸長漸大、大極而裂、由小而大、遲速不一、有大至徑數寸者、或周四圍、或偏一邊、是爲脈管跳血囊、其原多因脈管軟弱不堅、或平素不慣勞動、作苦驟用猛力所傷、或因管內生骨牙、阻塞血行不暢、易於停滯、凡患血囊病者、自言初本不痛、曾覺掙裂、後覺跳動而痛、卽是此証、大約男多女少、壯歲多、老弱少、以十分計之、男居八九、女僅一二耳、年三十至五十、此証最多、凡發於內者、則總脈管之樞爲多、

發於外者、則膝凹、大腿等處爲多。昔有佛蘭西國名醫治此症、凡一百七十九人、在膝凹者七十九人、在大腿者四十四人、在頸者十七人、在鎖柱骨後者十六人、在臂者十五人、在他處者僅十餘人耳。近世庸醫遇此証、與膿瘡肉瘤混合不分、不知其原迥異也。夫膿瘡肉瘤、因在脈管之上、爲脈管所引而跳、非能自跳也。此則左右上下皆跳、其辨一也。膿瘡肉瘤、按之不減、此則重按如無、其辨二也。以手指壓試、放手覺似血卽速迴、更以問症、聞聽患處、如無問症、聞或以耳緊切患處聽之、當有聲、如抽風箱、或如鋸木、倘經各法辨試準確、仍有絲毫之疑、可更試以探膿針。圖見膿瘡論刺入少許、當有紅血從囊中流出也。此症生於四肢者、有時裂



在皮肉外面、有時裂在裏面、肉骨之間、若生近食管、氣管、肺經、肚腹等處、則俱在內而裂、亦有生於總脈管之柢、力能將胷骨消毀、血囊凸出骨外、漸裂者、皮肉筋骨皆不能攔住也。病勢輕重、當以部位辨之、生內面者、一裂卽不治、生頸者、恐防血囊壓住氣管、食管、雖不裂亦危、又有迴血管爲血囊所壓而腫、腦氣筋爲血囊所壓而痛、不可不知、此症有一裂血標出卽死者、有一裂血出、其人昏倒、血稍停、塞住裂口、復甦、如是三四次始死者、有一人兩處並生此症、大約同在一脈管、相去不遠、可治、若所患脈管、一在身內、一在四肢、卽不可治。○自止之機有三、一因血囊雖大、內層裂口小、血漸凝結囊中、有似包膜重疊、脈管

外層既借此幫護、且能將血路塞住不流、勢必路躍漸止、熱痛俱無、囊亦漸小而消矣、一因血囊自壓木管、將血路塞住、血既停流、勢必凝結而愈、與前証同理、一因囊中自生炎証、變成膿濁、將脈管周圍塞住而愈、以上三証、皆因本管之血停住不流、另由別路通行、本管廢而不用、漸成一線、故能自愈、如此順症、不多見也、醫治之法有二、一用止血器械二具、在本管上流淺而易見處、離開少許、按壓、用二具者、病人久按不適、或覺痛、必思放鬆、恐放鬆時血流衝妨患處、有二具、則此鬆彼緊、可無此慮、如無二具、以手按住器械之下脈管、然後將器械放開、換裝別處、俟裝定再放手可也、轉器械螺絲、不必過緊、蓋意主減其



血力不至衝礙患處、非必全止不流也、倘用器械處肉上有毛、  
須先薙去、將面粉搽擦、可免滑脫、按壓後、病人卽應靜卧、器械  
晝夜不去、被褥枕墊、鋪設適意、內服清涼微瀉之藥、忌外出勞  
動、忌食熱物、患處漸漸不跳、血囊漸消、愈之遲速、近或三五日、  
遠或月餘、無定期也、一用綁線法、在患處之上、尋本管淺而易  
見處、將皮肉割開、用血囊針穿線、鈎托本管之下、將線綁紮本  
管、法見止血論並血囊針圖勿傷腦氣筋及迴血管、外用膏藥護貼、二法用  
意、皆欲止住血路、使患處血漸凝結、數十年前、西醫尙未詳究  
治法、近始悟按壓綁紮二法、實有妙理、綁紮後、以寒暑針驗之、  
本熱當少三四度、此因血流暫減之故、三四日後、卽當如常、一

定之理也。余主粵東醫館時，有二人同來就醫。一人總脈管跳，血囊凸出，胷前偏右，形如蛋，面腫唇黑而喘，無治法。數日後暴裂而死。一人膝凹脈管跳，血囊大如鷺蛋。病者言前兩月初生時甚小，日漸長大，門徒疑爲膿瘡，欲割。余止之，留病人住館內，告以應綁脈管。病人怕割不允，因用止血器械，按壓其上，定計次日割綁。是晚忽裂，多血流出。余急用法止住其血，飲以迷蒙水，綁紮大腿脈管。血囊卽時不跳，外用軟布帶勻綁全足。四五日內，周身頗適，惜因失血過多，血不到足，足枯黑成死肉証。余知不治，後果死。



# 瘤論

瘤類甚多、其生無定處、無定形、其大小多寡無定限、其中藏蓄無定物、其生之故不可知、以部位言之、內則腦、肝、腎等處、外則耳後、頸項、乳腹、腎囊等處、婦人則胞胎等處、皆可生、或附皮、或附肉、或附骨、故曰無定處也、或圓、或扁、或如蠶、或如瓠、故曰無定形也、小或如豆、大或重一兩半斤一斤不等、竟有大至數十斤、或自頸垂至胃、或自腹垂至足、長過半身者、有一處生者、有徧體多至百餘者、故曰大小多寡無定限也、剖而視之、或如蓮房、或如蜂窠、或有骨牙、或有毛髮、或有肉絲、或有黑水、或有油粉、怪異多端、故曰藏蓄無定物也、檢閱中土醫書、或云原於瘀

濁痰滯或云原於惱怒或云原於陰陽不正之氣其實皆無可憑故曰生之故不可知也大概少壯人多老弱人少凡生此証者多在二十至五十之年醫者應先辨其有毒無毒無毒者從筋肉中擠開而出不累他處其証易治有毒者累及皮肉筋骨中土稱癰疽是也雖割仍防復生爲難治又有先本無毒或因身弱病久或因飲食失宜或因毒藥敷治變轉成毒者辦法無毒不必痛有毒必痛無毒由漸而大有毒則暴長而大無毒皮色不變有毒則變紫黑不正之色無毒不必潰有毒則潰爛臭穢無毒眠食如常有毒則煩鬱不適面色晦暗瘦弱無神西醫分多種茲舉常見之証曰骨瘤肉瘤脂瘤袋瘤血瘤筋瘤



骨瘤形不大、或生骨衣、或生骨面、或生骨裏、生骨衣者最多、其質有全骨、有半骨、半肉、有脆骨、其全骨一種、多附著於骨、其半骨、半肉一種、多生於骨衣之上、其脆骨一種、無毒、故不痛、骨瘤有實有空、實如象牙、空如蜃殼、其中或有血水、或有黃水、或有膿、或有肉、似腦、似筋、似油、似膠、生於大小腿骨者更多、有有頸者、有無頸者、有頸者形如囊、頸附於骨、無頸者如直剖半瓠形、全附於骨、有速生者、有緩生者、有潰有不潰、其原多因疔毒、因瘰癧、因飲酒無度、大概因疔毒入血之症、夜多痛、如咬、如絞、此易識也、凡此所論、皆真骨瘤、非藥所能散、若痛者止其痛、有毒者瀉其毒、有炎者解其炎、則服藥未嘗無功耳、止痛如洋輕粉

鴉片膏去毒如金銀花土茯苓

洋輕粉亦能解毒以解炎如放

上俱間日稍稍服之

蟬釣膿諸法俱可參酌用之欲去其瘤應量瘤之大小將外皮

割開翻捲左手以小鋼鑿切瘤附骨處右手用錘打去倘瘤根

大不易鑿者應用小鋼鋸

鋸有方圓各種圖見後

先縱橫鋸作幾瓣然後

用鑿打去

肉瘤多過骨瘤形半圓皮滑而凸凹不平體實而重根不深者

推移易動生無定處頸旁耳下左右二核生口津處最多餘則

顴下兩乳外腎近交節上下及婦人胞胎等處時亦有之大約

此瘤僅生一處大小不等竟有大至重七十磅者

中國約合五十斤

英

米二國醫士十餘年來見華人患肉瘤半斤至五斤最多所割



不下數百人、大概如此、此瘤有經數年不長者、有忽然暴長者、且有初本無毒、忽變毒痛、潰爛成膿者、其內肉牙、有如木耳之暴生者、浮肉血最易流、不速割、防身虛致死、所以肉瘤不長、不痛、無所苦、不必割、若有所苦、割又宜早、恐久釀愈大、或有意外變症也、西醫剖驗、見肉絲往來、細密如紋、或白色、或灰色、無定、或有黑水蓄房內、房大小多寡亦無定形、割法、量肉瘤大小、剖開、翻捲其皮、一手握瘤、一手將瘤根割斷、仍放轉外皮連合、用線縫結、膏藥護貼、若長大者、應於瘤頸橫割、如遇脈管、應用線綁紮標血之口以止之、

脂瘤亦名肥瘤、因瘤中肥網而名、獨有肥網無別物者曰肥瘤、

肥網中有油水相雜曰脂瘤。按之軟若棉花包。凸凹不平。無毒。不痛。由漸而生。皮色不變。但覺紋緊。華人生肥瘤多大。西醫所割有重一斤至十斤外者。大概小或一二兩。重或數十斤。與肉瘤略同。或初生小。不長。終久小。或漸長。或暴長。無定。男女老少俱有。生無定處。頸項、肩背、肚腹、腎囊、大腿等處爲多。有一處生者。有幾處生者。余主粵東惠愛醫館時。曾見一人。徧體皆生脂瘤。大小計有數百。亦一奇也。肉瘤肥瘤俱有血管貫穿以養之。但肉瘤管多。肥瘤不過一二條而已。初生時人或誤認爲膿瘡。須知不熱不痛。必非新膿瘡。以手按試無水。必非舊膿瘡。更用半管針探試。無膿流出。尤爲易辨。此症瘤小不痛。不必治。切勿



妄用信石等藥消散不但無益且恐變毒

各癰皆然

若因長大妨礙

行動防變化他症醫者辨試準確卽應早割割法與肉瘤同

袋瘤卽粉瘤生皮肉之間因瘤內另有皮包裹如袋故名袋瘤其袋光滑而亮略似眼白殼堅細而密略似筋帶其形圓小或如豆大或如拳不痛其長以漸推移易動其中所蓄黃水或如蜜或如粥渣或如牛乳餅或有毛髮牙角之類拌雜殊不可解亦有袋甚薄者其中止有黃水而已此症華人頗多生頭面眼皮之上及耳後者尤多久亦不變間有因外傷生炎生毒自潰者時或浮肉與膿並出臭穢大概袋瘤雖小但生在眼皮及一切活動之處多不便適宜早割去其根不深粘連不緊割之較

易若不去其袋雖割必復生法用小割刀當中直割一線翻捲其皮將袋並袋中所裝之物一齊鑷出最妙如不能或將袋割碎緩緩鑷出又法將銳彎刀刺入袋下向外剖分兩瓣袋中所裝之物以手擠出卽鉗鑷袋出有粘連者用刀割之

血瘤因小血管多條生大密結如網或微絲管或迴血管或脈管無定紅者屬脈管紫黑者屬迴管多生皮下後與皮相連大小無定形管多則大管少則小以手壓之軟減小放手高出或跳或不跳皮薄者周圍見脈管入瘤內養育之管多少視瘤大小皮厚不見以手按試覺有聲如氣出狀生年無定有嬰兒胎內帶來者俗名血記最多亦有中年生者多因外傷之故勞力



用心則癰易大、因爲血所偏故也、

生肛門內名痔瘡、多因遠行勞心而發、卽是此理、生

頭面唇頸者多、亦有生鼻準上者、又有至小生額角者、若自潰、定有多血流出、或血雖不多、儘流不止、皆危、此症亦能變化爲毒、重或關係生死、不可輕割、大概小癰生額角等處、下有骨墊、可用壓法、取銅錢兩三個、或鉛一塊、壓在癰上、綿花布袋包緊、勿令鬆、數日後當自消、或用釣膿法、以針穿線貫通、或燒針刺入、皆欲令癰中生炎症、塞住脈管、又有綁線各法、一法用針貫癰根、將線纏綁針兩端近癰處、以緊爲度、一法用針穿雙線、直貫癰根、剪去針、兩線共四稍、取左線上稍與左線下稍結緊、又取右線上稍與右線下稍結緊、則癰根周圍皆爲線所刻、凡雙線應

用二色易於識別左  
右不致淆亂後同

一法用針穿雙線貫瘤根縱橫成十字形

將線剪斷去針共成四線八稍上下左右互相連結環繞瘤根

一法用針穿雙線直貫瘤根將線剪開不去針即用原線橫貫

瘤底成十字形去針抽緊復將四稍環結瘤根周圍若瘤長或

扁應穿雙線迴環貫三處剪開識別線色緊結將瘤分爲四段

凡細線應先將瘤根之皮以上諸法意皆主於綁死瘤中血道

淺割微痕使線易於刻入久之瘤白落倘諸法不中用瘤又關係利害不宜留患者在手

足當割去手足以救生命可也

筋瘤有二種生肉筋上者不痛生腦氣筋上者多痛肉筋瘤包

中有水如明膠頗似眼中明水或似晴珠常生手臂腿足相交



處大如龍眼、治法用棒猛力一打、立時消滅、明膠破碎、散筋肉  
間、外用布墊按壓、布帶纏束、又法用小長窄刀、或骨刺入、以破  
膠包、使之流出、亦能消散、此証忌風氣外入、須先以手推移其  
皮、然後刺之、放手皮還原處、風自不入、仍用膏藥護貼、其腦筋  
瘤一種、生無定處、大如黃豆、有累歲月痛不減者、欲止其痛除  
割無他法、一如肉瘤之法治之可也、






肉瘤圖



生額骨下

半骨半肉瘤  
從額骨下  
穴內生出



肉瘤圖  
後生頸



半骨半肉瘤圖  
生額骨下穴內



大脂瘤圖

印家有人生此症  
自肚腹至足面




半骨半肉瘤圖



大腿骨


骨瘤圖

割開見內  
如象牙







大肉瘤  
生頸上



大脂瘤  
生腎囊



肥瘤  
生頸一多年




肉瘤  
生耳下



脆骨瘤  
生手背

割開所  
見如此



血瘤  
生腎上

穿綁線



脂瘤圖

生鼻草上



乳癰潰爛圖

此種堅硬



血瘤紮線圖

上下左右  
共線八條  
結四處




乳癰潰爛圖

此種軟易流血




縱橫  
紮紫式



面癰圖

生顙骨下穴內







骨剪




骨提器




骨烙器



骨挖器




剪骨曲鉗




剪骨曲鉗




漏骨窩




骨鉗




鋸骨圓半




鋸骨方小



鋸骨長小



鋸骨長



鋸大

柄

依此粗



癰疽論

此借用中土之名以立說惟乳癰與中上所論同餘則異凡病原與乳癰相類者俱入此篇

癰疽亦瘤類、但瘤無毒、癰疽則必有毒、瘤有因變化成毒者、癰疽則始生卽有大毒、毒非外來、實卽身內所生、地無分南北東西、人無分富貴貧賤、年無分老弱衰健、皆能生此毒、細推之、熱地多過冷地、富人多過貧人、婦女多過男子、室女又多過婦人、已嫁未生育者又多過生、育者男子年十五以下、生眼上者多、年二十至五十、生腎囊者多、婦人三十至五十、生兩乳胞胎者多、老人生胃與大小腸者多、老年人多硬癰、少年人多軟癰生骨上者、則各年皆有、不獨人有之、卽獸類亦有、病原不可知、病者或自稱某年月日曾經跌打外傷、致生此証、其實毒根先伏身內、因外傷而發耳、大概病各有性、人

之質有與相近者、則易感受、但此理甚難明、存而不論可也、病分初中末三候、初生藏伏身內、人不自知、有經年累月不長大者、與平人無異、中候長大現出、必痛劇難忍、或如刀刺、或如火燒、面黃唇白、卧不安、食不化、煩鬱無精神、漸漸患處潰爛、人亦衰弱、末候常自潰、遲速不定、少壯人易潰速死、部位當有關係、處內則肝肺腦腹、外則交節等處、易潰速死、潰後有幾月死者、有幾年死者、大約半年死者更多、過三年者少、証分硬軟二種、硬者按之實重、不高不圓、初生時推之略動、後則不動如石、年二三十人、長大需數月、年愈老則長大愈緩、有經累年歲者、此種生唇上、及腑內皮、外腎、乳胎等處居多、剖視有水泡、與筋帶



肉絲間雜泡極細目力不能見以鏡顯之積小泡成大泡泡中有毒水瘡邊屈曲不齊將潰爛必有一處先紅軟潰爛由小而大或由淺而深周圍肉牙堅硬翻轉膿水稀淡臭味令人不可近以上論硬癰証軟者按之浮軟剖視之形色如腦多生眼窠鼻內外腎交節等處有大如人頭者生至速明日大過今日後日又大過明日有數日即大者內有多條血管一觸血即流頗與血瘤相似但血瘤不痛眠食如常此則痛劇不安為易別耳此証易潰潰後浮肉堆聚形如芝栴有因血流過多而死者有因痛患不安而死者以上論軟癰凡此硬軟二癰皆至危險有患在此毒已延至別處者如乳癰腋下有核是患處在乳毒已延至腋下也

父母生此毒、有傳與小兒者、雖不盡然、大概其子多不壯健、治法、服藥無益、醫有妄稱能治、投藥賺人者、反致速死、止有割之一法、但割不盡、留芥子大一粒、終須反復、有幾處毒、或全毒、雖割必速反復、有此處不反復、別處反復者、亦有因割而愈、竟不反復者、凡初生毒未延至別處、醫者當勸令割、或乍潰、病人自嫌臭惡、願割、俱可依法割之、畏痛者、艱以迷蒙藥水、見後藥水門割軟癰、須細心審看、割一脈管、綁一脈管、蓋軟癰脈管多條、割時防血標流過多也、此証醫者有三難、不割必死、割未必即愈、一難也、割不盡、或致反復、二難也、雖割盡、仍恐毒發別處、三難也、若欲暫時止痛、用鴉片膏及補益安神之藥、外則紅蘿蔔煮爛



搗敷、或炭末摻入、頻用溫湯洗淨、更以白礬沖化、浸軟布貼患處、俱用黃臘膏藥蓋護可也。○婦人乳病、欲辨是癰否、除硬痛長大外、尙有三法、一乳皮棕紅色、或鉛色而皺。二乳頭隱入、三推之全乳皆動、此証中年婦人更多、醫者當知。

凡一切癰、癰醫者問証詳審、又經手摸、眼試各法、大概不難分別、若仍有絲毫游移、應用探癰針刺入、

探癰針即探膿針、短長不一、臨証酌用、圖見前

一探其中有無膿水血類、一探其中虛實若何、審知毒僅一處、餘無毒、或毒在外、內無毒、即應曉喻病人、勸令速割、不可錯過時會、蓋人有虛弱、割後身體反健、不割則留毒傷身、轉益虛弱、此割之不可緩者一也、或初本可割、後因長大難割、此割之不

可緩者二也、或初時毒未傳延、可割、後傳至別處、不能割、此割之不可緩者三也、割時、刀、剪、鉗、鑷、針、線、墊、帶、軟布、冷熱水、冷水止血、熱水、洗膿、膏藥、美酒、迷蒙藥水、各物俱應豫備齊全、不可臨時尋索、宜令病人安卧高牀、勿任旁人驚擾、醫者先詳審瘤癰之形、大小若何、長短若何、有毒無毒若何、應用何法、固有定見、方可下手、割口應長過患處、上下各半寸、不礙用刀地步、更須審量毒之有無、以定割口闊窄、皮無毒者、須留護患處、使易連合、止應直割一線、左右翻捲、勿令損傷、皮有毒者、不必顧惜、俟肉牙出、另生新皮可也、瘤癰中脈管、或俟割完、齊綁、或斷一管、綁一管、蓋脈管之入瘤癰、有似樹木枝榦分布、傷一二條、血流不多、可



以割完齊綁、若傷數條、或大者、既防血流過多、又恐病者身弱、不堪、必宜隨割隨綁、不能久待、醫者用鉗鑷拊住脈管之口、鉗鑷端有齒內向、相對圖見前令門徒幫助綁紮、或用跳機鉗鑷幫助拊住、次第綁紮亦可、綁紮齊後、將線排勻瘡口之外、剪去一稍留一稍、外貼合口膏藥、布帶纏束、令之靜卧、或患在足不能行者、抱負上牀、虛弱無精神者、飲以美酒補益之藥可也。





熱証論

熱証番語曰啡叱、卽中國發燒之意、分有毒無毒二種、治法相同、病狀身倦不安、胸悶欲吐、精神恍惚、外熱內冷、頭痛、腰痛、面紅、眼赤、四肢困倦、筋骨痠痛、口渴、喉乾、氣促、便秘、溺短而赤、舌苔黃白、不曰炎而曰熱者、蓋炎起於一處、而此徧於全體也、致病之原、或因於內外炎証、或因傷寒、或因傷暑、或因飲食無節、或因用力過度、或因驚恐、或因日曬、病多起於春夏、數日後脈至漸緩、或身出微汗、或大便自瀉、雖不藥亦愈、若腦痛眩暈、言語妄亂、氣息粗喘、脈洪數不靜、兩手循衣摸牀、撮空、或指筋頻搖、或二便自遺、或呃逆、最危險、

一種有毒者、能傳染於人、春謂之溫、夏謂之疫、大概天時不和、  
有一家傳染者、有一方傳染者、病狀、頭熱、眩暈、心亂、語妄、面色  
晦暗、口乾、氣促、脈數而弱、手顫、舌搖、苔色紫絳、久則昏迷、呃逆、  
嘔吐、黑痰、牙齦焦黑、口臭而爛、或生白泡、難吞食物、肚腹空脹、  
糞黑、汗穢、脈勢忽停忽至、周身發黃、病卽危險、此証身有煖汗、  
面色光亮、渴熱漸減、脈至分明、譫語漸止、瘧色鮮亮、爲欲愈、面  
晦、不寐、目矇不見、嘔吐、瀉泄、便血、吐血、或初起卽譫語、不省人  
事、脈細皮紫、則危而急、凡出痧死者、血必洩於管外、泄瀉死者、  
大小腸瘡爛、治法、初起宜發表、汗不出宜用逼汗法、熱水浸腳  
至膝上、蓋毡繇被襖、少頃卽有汗出、一法、取被單濕水絞乾、赤



身裏之外蓋氈被數層數刻汗卽大注或用吐藥引邪出或用  
瀉藥下行小便短澀用利水藥口渴宜橙汁葡萄汁檸檬汁俱  
可如無果汁略飲酸水亦可以酸能理血也病後身虛宜補有  
時自瀉不止宜用收斂藥止之戒口調養○此病傳染於人大  
概因病者屎溺汗及衣服坐臥處邪氣沾人凡虛弱人或飢餓  
時勿入其房醫者亦宜乘飽而入診脈時勿立病者下風勿近  
病人呼吸以防傳染病者左右服侍之人宜老不宜少恐少年  
人易沾疫氣故也勿著病者脫下之衣勿嘗病者食餘之物房  
舍宜開通戶牖衣服便溺等器要隨時洗滌潔淨愈後戒酒色  
憂怒等事以防復發○疫証熱極有將死復生者家人慎勿畏

懼置而不理、但用前法、可免沾染。○疫症至後、房內宜燒甘松、硫磺、蒼朮、爆竹等物、以避疫氣、數月後方可居住。

瘧証

瘧証、俗名脾寒。病狀惡寒、發熱、汗出而愈、或日一作、或間日一作、或間兩三日一作、病累肝脾、久延有成蠱脹者、凡血不流佈、周身而隱聚臟腑之內、則發冷而顫、及散出、則發熱、愈熱而血脈運行愈速而汗生。西醫剖驗瘧証死者、肝脾體大異常、是其停血不散之故、卽中土醫書所稱瘧母也、病原或由內發、或由外感、內發是病後身虛所致、外感是日蒸煙瘴所致、凡腐草落葉、禾稿敗木、日蒸雨漚、腐濕之氣、傷人、皆能致瘧、故場圃納稼



之候農民瘧証尤多爲此故也治法臨熱時逼汗內服輕瀉藥以鬆肝脾用煖水服噍哪二釐日服兩次三日共服十二釐甚效噍哪係金噍哪之精漿治瘧第一良藥又方法製信石酒見藥酒門每服錢許先瘧時服

### 童子瘧証

童子瘧比大人尤甚有依期而至者有非期而至者或因疳積或因出牙或因虛弱其狀面赤皮熱舌有異苔溺如白粉而短少大便青黑稀結不均夜臥不安久延不愈則腹脹便泄瘦弱而死醫者推究病由何起若因出牙則以小刀割破牙肉因疳積則用藥消痞塊因虛弱則宜補勿以一方泛治○專方用噍

哪一釐煖水送下。又方銀灰散三釐、大黃末六釐、蜜調晚服。另用草麻油少許、早服、以潤瀉大便。○瘧疾腳腫方、鐵酒十餘滴、見藥酒門日服一次。○瘧疾瀉泄方、服收斂藥、如兒茶酒之類。○肚腹膨脹、用熱油擦肚皮、嘔吐不食、每半時飲鮮牛乳少許。



西醫略論卷中

英國醫士合信氏著

江甯管茂材同撰

骨証論

骨証有多種、或炎、或軟曲、或枯死、或生痛、或生癰、或生疔毒、或生膿瘡、全身骨皆能生病、細推則腿足多過手臂、小腿多過大腿、牙床骨多過面部、別骨大概長骨多過扁骨、又長骨易斷、扁骨易爛、此一定之理也、

軟曲骨証十二歲以下童子爲多、或原胎毒、或原飲食之毒、又有因身弱者、蓋身弱則骨軟、不任承載上體、所以腿骨易曲、此証醫治極難、應食全補及牛乳美肉之類、時令散布曠野、不能

行者宜常抱負游玩或移住鄉間開濶之所不宜閉鬱又有一種脊骨彎曲兩肩高低不平雞胸駝背額凸面小身體矮縮異常者女子患此跨盆骨偏而窄狹難於生產不應嫁人恐產孕時兒不能出母子俱殞卽用法救母亦傷子也大概曲骨形不一有向外曲向內曲向前曲向後曲之分脊骨則先曲而左復曲而右或先曲而右復曲而左又有曲之故不在骨由於交節軟弱者西法用鐵條綁紮既以正其曲且以輔助兩腿任載上體最妙凡曲在交節或可治療如常若曲在骨醫治得宜僅能止住不更曲不能令曲者更直也

骨炎証先生骨衣腿骨背骨鎖柱骨額骨爲多或跌打或疔毒



或風濕皆能致炎、初生宜放蟻及斑蝥膏藥釣膿、內服洋輕粉  
三厘鴉片膏一二厘共作一粒、夜晚服、服數日、止痛解毒、炎久失治、

則骨衣長厚、或骨自長大、若骨衣潰爛有膿、防成死骨証、必痛  
甚、畏觸神倦、發熱、眠食不安、夜更劇、應速割以出其膿、此膿在  
骨面者也、若在骨內、須將皮肉縱橫割十字形、翻捲、用圓鋸旋  
鋸圓孔、令骨內之膿外出、圓鋸形如管、齒在管口、圓心有挺、可伸可縮、圓周大小不一、臨証酌用、  
**死骨**卽腐骨、朽壞之意、名爲死骨者、與死肉証略同也、死之多  
少不定、或全骨死、或一段死、或偏死一邊、或死去外面薄片、小  
腿裏面及下牙床骨最多、死之故、或因跌打生炎、或因身弱有  
毒、或速死、或緩死、死骨或半年始出、或一二年始出、無定辦法、




患者外必腫紅痛。皮肉上有幾孔。與骨孔相對。孔有膿出。甚臭。治分已離未離二種。用探針試之。未離者。針入搖之不動。須待其自離。不宜猛力鉗出。已離者。針入骨略搖動。應將腐骨之外皮肉割開。用取骨鉗拊出死骨。拊盡爲宜。如未拊盡。必仍有膿流。不能收合也。凡腐骨在好骨內。外面有好骨阻礙腐骨之出。應用小骨鋸鋸開。或用大骨鉗。將兩孔相連處好骨剪斷。抽出死骨。若死骨長難出。用大骨鉗剪斷。自易出矣。每有死骨已離。或爲好骨所阻。或爲皮肉所阻。經累歲月不出者。審辨既確。必宜早爲取出。蓋醫者盡一日之功。卽免病者終年之苦也。內服止痛補益之藥。外用膏藥護貼。速或數日。遲或一月自愈。割時




必有多血隨骨流出、須知並未傷動脈管、血雖多、無妨、用冷水  
或縣花布帶止之可也、








輔骨無病



圖骨爛腿小




圖骨死蓋骨好



外科圖書  
卷中

兩腿骨軟曲圖



脊骨軟曲圖



脊骨彎爛



脊骨彎爛圖




手指骨爛圖



此証多因膿  
瘡未割膿不  
得出而成

手指骨爛圖



處爛

足指骨爛圖



處爛



# 交節証

兩骨對合處曰交節。此處上下骨端、無骨衣而有脆骨、以墊隔轉動。脆骨外周圍有胞膜、胞膜中有脂液以潤交節、譬如輪軸得脂膏而滑利。此化工生物之奇也。人身各交節、皆能生炎致病。炎有內外多少新舊之不同。內因身弱瘰癧疔毒、外因跌打損傷、或風濕凍瘡之類。有一節病者、有兩三節病者。惟風濕能傳各節皆徧。大抵外傷患在一節者、關係尤重。受病之處、或在骨、或在脆骨、或在筋帶筋包、亦有各處全病者。蓋病在胞膜、累及脆骨、或然之事。病在骨、則脆骨墊隔胞膜、未有不全累者也。凡交節生炎、有時不醫自止、有時變舊炎証、無甚關係。有時日

重一日重極則累脆骨而危矣

交節胞膜炎証病狀熱痛而腫摸之痛愈甚夜痛更甚於日膝蓋腿足相交及大小臂相交處最多一因近地濕冷易侵一因易受外傷之故患此者交節處脂液黃濁而多所以外形必大過平日以手推試內似有水膝較病兩邊更腫大小臂相交處病肘後更腫髀曰肩胛病周圍皆腫因胞膜脂液逼向易流處故也証見發熱脈數譫語口乾舌黑多危治法新者治之得宜數日卽愈舊者由漸而成亦須由漸而愈不能迅速奏效也不分新舊應以放血爲先蓋熱痛紅腫皆血多爲患血減病亦減放血有數法西國用器機在患處放刺如無器機用銳刀刺十



數眼深一二分外用玻璃罩覆蓋玻璃罩徑約五分至二寸高俱可磁等罩抽氣筒抽去其氣如無抽氣筒或罩內置好酒少許火

燒逼出其氣乘焰覆蓋俱能引血外出用罩覆蓋先將患處拭乾卽時覆蓋勿少停頓

罩內血半滿揭開拭乾患處換罩覆蓋若患處痛甚應離開患處少許放刺倘炎

重危險可在臂凹略上處用利刀割迴血管出血七八兩則炎

自減割時宜細心認清迴血管防誤傷脈管此處迴血管三條

中條下爲脈管按之跳若恐誤觸脈管不割中條割左右兩條

可也放血後用布墊壓患處外用帶裹諸法俱詳但此法非壯

健人不宜且恐放血器機中土一時未能仿製用蜚吮最便或

一二次或三四次此治交節炎証第一良法也蜚吮已見炎証篇蜚數多寡量

患處大如無蟻或用前法銳刀刺入患處十餘眼深一二分溫  
小酌定如無蟻或用前法銳刀刺入患處十餘眼深一二分溫  
水以助鬆皮引血發熱不安內服瀉藥或發表利小便之藥舊  
炎獨宜蟻吮或用斑蝥膏藥釣膿法此法亦有二一包貼患處  
周圍半日許必生大水泡剪出其水換貼潤皮膏藥一在患處  
左右更番換貼如先貼左邊揭去貼右邊後又揭去貼左邊是為更番換貼或用豬油和斑  
蝥膏攤布或厚紙名為淡斑蝥膏藥斑蝥一分豬油三四分為率貼起水泡  
處數日後換貼潤皮膏藥可也○諸法用過不應可用洋輕粉  
二三釐鴉片膏一二釐作一粒日三服兩三日後齒痛或齦腫  
口臭多水流出止住勿更服○或用叮叮伊密的番藥名譯一言嘔也一  
錢和豬油七錢擦患處日二次每次擦一刻許或擦一處或擦



周圍患處紅熱未除、離患處少許擦之、兩三日後擦處應生小膿泡多粒、卽是引炎外出之徵、再擦旁處、以愈爲度。○一法、用大筆浸愛阿顛酒、見藥酒門搽患處周圍、日二次、數日後用樟腦一錢、和水銀藍膏一兩、見膏藥門厚攤布上、貼患處、外翦松香硬膏數條、幫助水銀散毒、膏藥壓住、大有功力、如無愛阿顛酒、或用樟腦酒亦可凡交節患新舊炎、皆應養護、勿令作工勞苦、患在臂、用大手巾繫掛頸上、患在腿足膝蓋、用椅杌安放使平、或用沙袋、以帶綁腿左右、或用扁沙袋包裹腿足、並能輔助交節、亦妙法也。○一法、用漿浸軟布三四層、隨式包裹、外用布帶幫助、一二日漿乾後、堅硬如夾、最妙、欲去之、用交翦翦開取去可也。

凡炎証愈後、交節硬、屈伸不便、每日宜用熱酒滴患處、以手搓擦半時許、或用鹽與白礬和入溫水、或冷水置壺內、傾落患處、搓擦以伸之、

凡交節証、因風濕者、先服去風濕藥、有毒、先服解毒藥、然後按照以上各法治之、遷徙高燥之處、樓居尤宜、

**脆骨証**、或因身弱有毒、外傷自病、或因胞膜病、炎所累、有時自止、有時內累骨面、外累胞膜筋帶、膝較髀曰兩處最多、病狀熱痛、紅腫、與胞膜証同、但痛更劇、摸觸之大聲呼叫、不敢近衣、畏人行動、熱如火焚、周圍皆腫、抽掣驚跳、全身發燒、日久按之浮軟如繇、一因中有膿、一因筋帶周圍寬鬆之故、醫者以兩手握




試如有相擦之聲、因骨面爛故也。爛則有膿、偏肉而出、膿不多、或可治。但脆骨、胞膜、筋帶皆壞、兩骨間無物墊隔、相連、雖失其屈伸功用、猶爲完人。若多膿流出、不欲食、身病、卽防殞命。治法、在膿未生時、可擇用胞膜証各法、或用灸烙灸艾法。身弱、內服補藥。若膿已生、治之甚難。大概身無病、望其能自相連、醫者輔助、使手能達口、足能著地、則善矣。若相連無望、惟於交節之上、將病患一肢、全行割去、救其生命、此外無他法也。

髀曰証、大腿骨上端圓滑如杵、納於胯骨深窠曰髀。曰、卽大腿上交節也。此處病、名髀曰証。十五歲以下童子最多。病原或因體質素弱、或因跌打、或因坐臥濕地、見証與各交節同、但初起

不甚痛、膝反痛過患處、凡小兒膝痛不腫、醫者握其足、向上促試、髌曰痛、或以手摸髌曰痛者、卽知是此証。患此者、髌杵漸爛、曰口周圍亦爛、胞膜筋帶筋包皆累、有時忽然骨自脫出、有時曰內生浮肉、將髌偏出。未出前、先有膿、穴肉外流。髌旣離、曰、膝骨與髌相著處、漸成假曰、以納之、腿骨因此見短、所以人有贅腿、足跟不能落地者、爲此故也。若不能自生假曰、膿多、身弱、不欲食、病苦者、多死。有時延累肺經、成癆病而死。治法與膝蓋交節法略同。



髀臼脫離圖



大腳交節潰爛圖



腿交節折斷脚短圖



足交節潰爛圖




足交節相連圖

交脚相連絲毫不能伸縮轉動



右腿交節生炎圖



左腿無病

右腿交節生膜內筋沒生多

下臂交節爛




臂交節爛




臂交節潰爛圖




大 腿 骨 折 斷 圖



大 腿 骨 接 連 相 連




肝 骨 斷 爛 圖



皮肉筋  
骨周闊  
皆壞爛  
係甚重

欲醫治者  
惟有割斷  
大腿方可  
救命



正 肘 轉 肘 骨 相 連 圖




此因醫者不善  
致由粘連不能轉

小 腿 骨 斜 折 圖


骨尖衝破皮肉而出




內 絲 輔 助 斷 骨 第 二 圖



內 絲 輔 助 斷 骨 圖



大 腿 骨 折 未 斷 圖



大 腿 骨 折 斷 圖



小 腿 骨 折 斷

肘 骨 折 斷 圖

輔 腿 骨 折 斷



折斷骨總論

折斷骨証因跌打傾壓、或礮彈外入、無論大小厚薄方圓長短、皆能受傷、大概折斷則長骨爲多、所以四支多過別處、右多過左、老多過少、男多過女、婦人鎖柱骨、小腿骨、大腿骨、杵頸即髀頸爲多、老婦髀頸更多、中年男子則臂骨、腿骨、頭骨、鎖柱骨爲多、蓋少年骨柔潤、受傷或彎曲不折、或微折不斷、故折斷一証多在中年以上也、折斷處有橫有斜有直、証分三種、一骨雖斷不累別處、皮肉未爛無膿、一因骨斷、骨尖衝破皮肉而出、或皮肉爛壞露出、或礮彈打爛皮肉、復折斷骨、外氣易入、一定多膿、亦有受傷時骨雖斷、不累別處、因舉動不慎、或背負就醫時搖動、

衝累皮肉、亦致潰爛成膿、大有關係、骨既折斷、爲旁肉抽縮、能令離開本處、凡遇此証、醫者須細心考究、骨斷否、內皮爛否、斷處已離否、累及脈管交節否、辨法有三、一、斷處歪凸形變、不似平日、二、斷處以手推試、寬鬆易動、三、斷處兩骨相擦有聲、或以兩手輕輕搖促之、或以耳切聽自知、如無此三証、大概骨未斷也、醫既辨試明確、應將斷離蹉疊處、用力伸舒、仍令斷處兩端相對接續、法見後凡斷離處、舒送對準、其初周圍有血、後則漸生肉絲、番語費皮連變成似骨非骨之物、名曰假骨輔助真骨、若不將離處對準、任其蹉疊、假骨周圍包裹、遂隨蹉疊之勢連合、此歪短所由也、凡斷處必生假骨輔助、不獨人類爲然、雖雞犬之微、



無不如此、亦足見化工之妙矣、醫者卽以病人本質施治、靈機妙用、無逾於此。折斷後、一兩日至十日、大概未生肉絲、醫者應於此時伸舒對準、十日以外、肉絲漸生、漸成假骨、月餘假骨堅固、自能行動、須知假骨不過暫時所用、兩三月後、斷骨閒自生真骨接續、經年後新舊連合、泯然無迹、假骨復散去不用矣。斷骨相連之遲速、臂骨速過腿骨、少壯人速過老年人、醫治得法、一兩月必能相連、有延至三月外者、醫者不能辭其咎矣。治法、旣將斷骨舒送相對、卽應用綁夾等法、令病者安臥板牀上、舒放手足、不應輕移、並將兩腿連束、不令妄動、嘗見中土人不明此理、因輕移妄動、致危險者多矣。牀上墊褥枕頭、應先豫

備醫法、一人挺任、一人勻用手力舒送、若骨尖觸腦氣筋、肉舒縮無度、痛劇者、可顛以迷蒙水、一以迷蒙心神、使不知痛、一以寬鬆肉力、易於舒送、斷骨還原也、外用布帶纏束、均勻、不宜過緊、患在手臂者、須將手至上臂全纏、勿僅纏患處布帶纏束、能輔助骨、且免肉腫、又宜用夾、夾以木板爲之、或以樹皮爲之、或以牛皮爲之、長短寬窄、應恰如本骨、或直或斜曲、審酌患處、以定形式、板厚約二分、樹皮牛皮牛皮厚一分許用滾水浸軟、易剪、俱去稜角、防傷肉也、牛皮乘軟、綁合患處、自然隨形合式、尤妙過板夾、若用板夾、內須用繇花墊隔、外用布帶綁紮、勿用猛力過緊若兩三日後、布帶漸鬆、重綁、患處腫痛之際、不宜用夾、宜用沙袋二個、長約一尺、圓如大臂、置



斷骨左右以輔助之或作扁沙袋

厚約半寸許

包裹斷骨亦可或用

乾稻草裝入布袋作夾或用漿布

或皮紙

作夾此法已見交節篇

尤妙凡

用夾後手足腫按指甲不變色者因緊紮交節血不通行之故

卽應改放寬鬆內服之藥無精神宜補身熱大便結宜瀉不能

小便用引溺銀管入溺管以導之痛劇宜止痛藥患處熱腫甚

者用酒和水

酒一分水三四分爲率

布巾浸絞按之更以壺滴落布上不

令乾能散引熱出或用粥渣濕麥糠貼住以上皆斷骨無膿治

法

凡折斷骨處皮肉爛外氣入內勢必多膿其骨或偏出或碎或枯死周圍傷壞此証危險有三身體大不安或血流過多一也

發熱噤口二也多膿流出身虛弱三也大約交節脈管未壞者  
可治但不能速效至近亦須二三月方能見功治法大概與前  
証同但前証能生肉絲變假骨輔助眞骨此証不生肉絲而生  
肉牙肉牙漸成新骨前証無膿兩骨對合後用板夾或皮夾不  
須時時改變此証膿多若天熱氣味臭穢防蠅子之類內入必  
宜洗淨貼膏藥逐日或間日改變最忌污濁用夾或沙袋輔助  
須襯油紙頻換安臥板牀軟褥厚墊舒放手足切忌搖動較前  
証更多關係日後身虛宜肉食補益如牛羊肉湯之類內服補  
藥外用布浸溫水按住膿多用白礬水肉牙高用膽礬水更貼黃蠟膏藥以潤  
之○凡骨偏出不能還入裏面一法略將皮肉緊處割開鋸去




骨尖納入。鋸須先用布墊隔防傷肉也。又有三種應割斷者。一、皮肉筋骨周圍皆壞。無可醫治。一、累及大交節。一、傷大脈管。以上三証關係甚重。非斷去不能救危險也。




皮條托頸圖


綁夾臂四式




綁夾臂大小式



矩形夾用法圖



綁夾小腿骨式








綁托牙床骨式


布帶二條托頰上  
繫於頂一前一後

下牙床骨折斷圖



鎖柱骨斷圖

飯匙骨折斷圖




綁托鎖柱骨式


左鎖柱骨斷

綁托鎖柱骨式

後面布帶手巾如此式



右鎖柱骨斷




綁托鎖柱骨式


上臂骨折斷圖




肘骨折斷圖 正肘轉肘俱斷




轉肘骨折斷圖




正肘骨折斷圖




骨折斷蹉疊圖



離被架



正肘骨 鶯嘴頂 折斷圖




頂縮上

肘骨折斷綁夾式



布帶 手巾

上臂骨折斷綁夾式



布帶


手巾

夾板三四片 周圍夾住


夾板二片 前後夾住




大 腿 骨 折 斷 綁 夾 式




小 腿 結 綁 式




鐵 架 醫 治 斷 骨 平 用 式



鐵 架 醫 治 斷 骨 高 用 式



鐵 架 圖




幫助足力式


此因骨未堅固用布帶丁字杖以助之




髌骨頸斷圖



輔腿骨折斷圖



胫骨折斷圖



小腿骨斷

輔腿骨斷

膝蓋折斷圖




膝蓋折斷低凹圖



小腿部皮肉潰爛圖

帶布



潰爛處

鐵架


橫條對互纏束小腿部式



漿夾纏束小腿部式




大腿骨斷綁夾安放木架圖



木架  
中端  
斜下

木夾醫治小腿部骨斷式





諸骨折斷論

鼻梁骨高凸脆薄或因跌撲或被拳打尤易折斷凡患此者外見熱腫眼紅頭痛有血自兩鼻孔或喉中流出治法面紅腫者應在顙上用螞蟥放血外用酒和水止血用冷水布巾浸貼乾則再浸再貼內服瀉藥兩孔血出過多者畱一孔用軟布塞一孔以止之鼻梁陷入者用舉鼻骨器舉鼻骨器或銀或堅木或象牙爲之形扁而端圓銳微曲長約數寸入鼻孔舉正之若不舉正必致歪凹若面骨全傷大有關係難治

下牙牀骨跌打外傷大概左右當齦牙處斷者多歧尾下斷者間亦有之病狀腫痛不能食牙面不平或高或低因骨折陷之

故以一指入口內切齧牙面、一指托頤、上下搖動、有聲、牙肉有  
血流出、治法、用牛皮剪長短兩條、成四歧而中連之、長條約五  
六寸、短條約四寸、中連處約寸許、承頤包裹牙牀、見後圖外用布  
條、長三尺、寬三寸、剪成四歧、中連處約五寸、亦以中連處承頤、  
包裹牛皮、不令脫、綁結頂骨前後、使牙牀不能搖動、半月內、但  
食漿粥肉湯、勿食須咬嚼之物、一兩月可愈、

**鎖柱骨**中段最易傷、如人跌蹶在地、手臂猛力伸促、此處往往  
折斷、更多離開成兩歧、按之高凸、肩落、臂向裏側、手垂不能舉、  
治法、將下臂放平、先用布帶、自手至大臂、均勻纏裹、兩臂交節  
處、曲折纏裹隨形、務使血能通行、另用大手巾繫掛頸上、又用



布作厚墊實以縣花竹絲麻苧之類厚約三四寸置腋下又以長濶布帶將臂包貼向身務使病者不能妄動衣著於外日夜不改以上治法意主舉托其肩仍還外向使鎖柱斷離兩歧處相對連合一兩月可愈

**飯匙骨**面及扁骨頸間有折斷者茲不具論

**上臂骨**折斷當中者爲多辨法歪短彎曲不能舉動相擦有聲

治法醫者令人幫助將斷離蹉疊處勻力伸舒使之相對用木

片作兩夾長短視臂爲度隔以布墊中以縣花竹絲使不傷肉

或熱水浸軟牛皮隨臂式翦作夾亦可兩夾貼臂內外用布帶

綁紮上中下三處使夾不脫布帶宜結活扣鬆緊易於合度又

放平下臂、另用手巾繫頸上、或綁貼近身亦可、若臂污濁、或有汗、應先洗淨、倘不洗淨、恐綁後癢、病者不耐、輕易改放也、此証半月內、宜安臥板牀、厚褥鋪墊、舒放適意、切忌勞苦行動、若患處腫痛發熱、用蜈蚣吮出其血、外用罌粟殼野菊花煎水、布巾浸絞、按貼以潤之、熱痛服瀉藥、痛劇服止痛藥可也。○下端折斷者、有橫折、直折、斜折之分、斜折又有累交節、不累交節之分、大概累交節者、十分腫痛、難醫治如常也、病狀略似兩臂脫臼、但兩臂脫臼、絲毫不能屈伸、此尙略能屈伸、且以手搖試、有相擦之聲、爲易辨耳、治法與前証同、無論板夾、牛皮夾、俱須曲如矩形、一端綁下臂、一端綁上臂、若腫痛甚、不能用夾者、須先用蜈



吮放其血、或用罌粟殼之類煎水以潤之、或酒和水、用舊布一二層浸貼、以散熱、左右輔以沙袋、若身不安、惡寒發熱、內服清涼之藥爲宜、

**下臂骨** 一曰正肘骨、輔之者曰轉肘骨、跌打外傷、或一骨斷、或二骨俱斷、大概轉肘骨多過正肘骨、如跌蹠向地、手臂猛力一促、上則鎖柱骨折斷、下則此處折斷、最易也、中斷及下端斷者尤多、按摸易識、有時下端近腕骨處腫大、正骨轉骨難以分別、須用蟬吮散灸法、俟炎消腫散、乃可辨之、中斷治法、醫者令人幫助、將斷離蹉疊處、勻力伸舒、使之相對、用二板夾、板夾須襯墊、作墊法見前、一指尖之、板夾之長、以肘凹至或二牛皮夾、牛皮夾只須略墊四角、長爲度、一合下臂內、

一合下臂外另用布帶結上中下三處使不脫用板夾時應令手心向身大指向上則正肘轉肘二骨無偏扭之患仍將下臂放平繫之頸上月餘連合後改去可也○間有正肘骨鶯嘴頂折斷能屈而不能伸者摸試有凹因斷離之骨衝肉上移此處離開一二寸故也醫法勻力伸直其臂將肉抹逼下還原處布帶勻纏用板夾約長八寸綁合臂較前日則平放几案夜則伸置牀褥久後或眞骨相連堅固如常或筋帶連合而軟弱不健視醫者之工拙矣

腕骨掌骨折斷少指骨間有之治法先將斷處伸舒相對布條勻纏板夾貼合於指隔以布墊或作牛皮夾隨形包裹外用寸



寬布帶勻纏若全手腫甚又須先用蜚蛭吮法散炎後按諸法治之

脇骨因跌打各傷折斷或折一二條或折多條其証痛如刀刺呼吸欬嗽更痛蓋因脇骨粘連胷骨胸臆開放皆關脇骨伸縮故也瘦人呼吸卽覺骨相擦有聲以手摸或耳試尤易辨別治法用數寸寬布帶周身緊裹另用寸寬布二條與裹身大布帶縫連當胷背斜交上繫肩頸不令鬆落更將手臂繫掛頸上患在左則繫左手臂患在右則繫右手臂不令妄動安臥板牀忌辛苦勞動痛者內服止痛藥熱甚者內服瀉藥外貼跌打膏藥可也

胷骨斷者甚少治法與脇骨同

左右胯骨尾骶骨合而名之曰尻骨盤折斷之事甚少惟鑿山開礦土勢崩潰或礮打屋壓間亦有之此處前藏膀胱後爲直腸依附之處且或傷累血脈管所以折斷多致危險

大腿骨杵頸折斷男女五十歲以上時或有之多因跌撲外傷必痛甚不能舉身欲動更痛斷處上促則腿兒短所以腳轉扭向外辦法以手伸之則長放手旋即縮短且兩骨相擦有聲易知治法將斷離處伸舒相對牀上厚鋪絛軟墊褥令病者安臥另作軟墊置膝凹軟枕置大腿後務須舒適溺用壺使用器勿令妄動大概眞骨難望相連治之合法卽或筋帶相連行動終不能如常如欲小步用丁字杖夾腋下扶掖而行作厚底鞋以



墊短足、內服止痛藥、外用潤物按貼、大約一二十日、痛劇不安者、恐年老難任、多致危險、過二十日、身少安、醫治得宜、兩三月或數月、亦能漸愈也。

大腿骨中段折斷、或蹉疊、或歧形、相擦有聲、不任承載上體、易於辨試、治法多端、第一要折斷時、最忌妄動、如因跌打受傷在地、應移板就病者、扶令安臥、小心扛送回家、或醫館、切勿背負搖促、防傷脈管等處、大有關係、醫者令兩三人幫助、勻力、將斷處伸舒、使之相對、務須細心、緩緩、不嫌多歷、一二刻光陰也、伸舒相對後、用布帶自腳纏至大腿上端、外用長木板夾、厚約三四分、潤約三寸、長自腋下起、稍下於腋、略與乳相當處至過足四寸爲度、上

端平列二孔、下端鑿成兩歧、

旁鑿凹容小  
腿下端圓骨

貼合大腿外側、隔以

襯墊、

襯墊以布爲之、實以絛花  
竹絲麻苧之類、宜厚寸許

大布巾騎跨下斜上、貫夾板二

孔、結緊、下端兩歧處、另用繩帶綁附於足、板夾之力、如人以二

手伸舒患處、不使相對者、復致相離蹉疊也。又法用架、西國以

鐵爲之、旋以螺釘、使中高而兩端斜下、中土無此具、用木爲之

甚便、令患者仰臥、膝凹恰當架之高處、左右更用板夾兩條、布

帶綁三處、

並見圖

務令患者舒適、不腫不痛、若有腫痛處、應審辨

其故、改變另綁、亦有用皮夾者、滾水浸軟牛皮、剪取三四條、包

夾大腿周圍、外仍用板一二條輔之、或用漿布夾包裹、並用帶

結上中下三處、以防其脫、總之長短軟硬各夾、無非欲令斷處



伸舒相對、不致蹉疊、漸生假骨輔助久之眞骨自能連合無迹、  
月餘尙未十分堅固、行動應細心、用丁字杖置腋下扶掖可也、  
膝蓋骨卽臄骨、或因跌打斷離、必緣大腿肉忽然猛力抽縮、肉  
力多過骨力、膝蓋上半、隨之而上、所以中低凹、骨旣斷離、大腿  
肉不復能抽縮下腿、所以足不能伸直、治法、令兩端相對不離、  
使足高過膝、則上腿肉舒放寬鬆、易於對合、膝凹用板夾輔助、  
久之眞骨漸能相連、若病人輕忽、或醫者粗疎、不會將斷處對  
合、筋帶相連、日後軟弱無力矣、大概腫痛者、須先用蜩吮散炎  
法、內服止痛藥、或瀉藥、外用罌粟殼野菊花等物潤之、  
胛骨大者名小腿骨、小者名輔腿骨、最易勞觸致傷、自上至下、

皆能折斷、下多過上、或一骨斷、或兩骨俱斷、斷處或相對、或一上一下不相對、斷形有橫有直有斜、又有平斜直斜之不同焉、凡骨尖壞肉而出者、或累上下交節者、或下接足拘處略斷者、皆難治、辨法、斷處相擦有聲、摸試易知、凡患此者、不能舉身行動、須扶臥板牀、切忌背負、治法與大腿骨同、先將斷處對準、若潰爛有膿、欲常改變者、用直布一條、長約尺五寸、濶約二寸許、另翦布多條、橫鋪直布上、長短不等、長者約尺許上長下短、自上蓋疊排下、中與直布相交處、線縫、置腿後、將左右橫條、自下互搭對纏、此法纏束、易於改變、且不須提舉勞動、最妙、纏束既畢、用鐵架、或木架、或沙袋、安放腿足、厚墊襪隔、用油紙置墊上勿妄動、凡醫治斷



骨、或用布纏、或用板皮等夾、有數要、一須試準斷處、兩端務令相對、一須試準兩腿之長、應令相等、一須試準膝內側與足大指內側、應一線相對、一腫時不宜纏夾過緊、若輕忽粗疎、恐不能免歪短等患也、亦有肱骨折斷多處、皮肉筋帶皆壞、不能醫治者、欲救危險、止有割之一法。○輔腿骨折斷、或一處、或二處、大約小腿骨未斷、輔腿骨雖折、不能離開、易治、

**足骨**足拘骨、踴骨、掌骨、趾骨、總名曰足骨、踴掌拘等處、周圍有筋肉包裹堅固、非重壓不折、既折必皮肉筋骨全傷、治法、安臥板牀、厚褥鋪墊、將足放平、數日內勿移動、腫痛者、蜚吮散、內服止痛瀉熱藥、外用罌粟殼野菊花水潤之、能用夾、用板夾、或

皮夾夾住、大概醫治雖善、一定不能速愈、若骨爛、或皮肉筋周圍皆壞、或累交節、關係危險、又非割去不可也。○不論患在何處、腫痛畏觸者、應用離被架置患處、以免觸痛。離被架用鐵或竹或木爲之圖後見。○論中所稱布帶、或濶或窄、自一寸至四五寸不等、頭臂腿等處常用者、約二寸爲宜、醫者應各項齊備、捲緊、臨証酌用、纏束時、須密而勻、不可忽緊忽鬆、至摺疊諸法、細玩各圖、自悟、論中不能逐一詳述、余恐醫者纏束不合法、致血不流通而腫、故不憚言之反覆、觀者諒之。




圖凸高形外前脫節交骨肘




圖後脫節交骨肘

圖脫以形外斷節交近骨肘轉




式舒伸結扣脫節指




式舒伸力手脫節交指



帶結活扣式




臂骨樞軸脫前圖




牙床骨脫治法

圖形外脫節指




臂肘交節離脫外形圖




鶯嘴頂在樞軸後故肘後有角

臂肘交節離脫圖




臂肘交節離脫圖




轉肘骨脫扭前圖




轉肘骨脫扭後圖



轆轤收束圖





臂肘交節脫左踞圖






鎖柱骨交節前脫圖



臂骨交節脫落腋下图



臂骨交節脫向前上圖




臂骨脫落另生假交節圖



臂骨交節脫向後下图




下腋落脫骨臂



肩形低凹

法治伸挺力手脫離較臂



髌骨盤全形圖


法治伸手挺足脫離較臂



法治伸轆轤舉膝脫離較臂








髀杵脫向後上圖

脚短向內

髀杵脫向後上圖




髀骨

髀杵

大腿骨

髀杵脫向前下圖




髀骨

大腿骨



髀杵脫向後下圖

脚轉向內



布帶挺力


髀杵

手撥轉

輓輓伸力

髀杵脫向前下治法

髀杵脫向前上圖




髀骨

髀杵


髀血

大腿骨



髀杵脫向前下圖

脚長底不著地




髀杵脫向前上圖

脚短向外

髀杵脫向後上治法



法治伸手挺足脫離回杵



小腿骨突出圖

輔骨折



小腿交節折脫圖



膝蓋脫向左右圖



小腿交節折脫圖

外形如此


輔骨折



小腿交節折脫圖

折

脫



胫足交節折脫潰爛圖

小腿骨脫前


輔骨折



圖脫骨節交指手



圖脫離節交骨趾





# 脫骨論

交節離脫謂之脫骨、多因跌蹠打壓、或提舉重物、或登高失足、猛力縮促、遂致離脫、所以四支患此者尤多、其狀或歪扭、或高凸、或低凹、一據也、轉動痛苦、屈伸不得、二據也、鬆垂不舉、功用全失、三據也、脫與斷所苦時或相似、治法迥乎不同、斷應伸舒相對、脫應納入原曰、辨法約有數端、一以手試之、斷骨相擦有聲而脫無聲、二斷骨易動而脫難動、三斷骨蹉疊必短、脫骨大概見長、四斷骨伸之則長、放手卽短、脫骨納入原曰後、卽不復有長短異常之狀、二者比較難易、斷骨能生假骨、自相連合、脫骨非醫者幫助、永遠不能還入原曰也、凡患此者、一脫卽應醫

治不應遲延、大概脫勢愈久愈縮而堅、醫治一日難過一日、月餘後極難送納矣、治法先分脫不脫、審確已脫、應知所脫何骨、又知脫骨何形、如脫向內者、應撥轉向外、脫向後者、應伸舒使前、總以送還原曰爲主、試以大臂飯匙骨交節離脫爲例言之、一人以手挺住腋下一人兩手握其大臂、用力向下伸之、不可鬆勁、如手力稍倦、卽更換一人伸之、所以然者、骨旣脫曰、肉筋必縮短、其力甚大、猛力挺伸、要使醫者手力多過肉筋之力、漸漸肉筋之力不勝而倦、脫骨忽然翻還原曰、時或有聲、若病者畏痛、不聽醫者挺伸、脫骨卽不能復還原處、久之漸生假曰、交節不復能用矣、壯健人肉力更大、患久者畏痛更甚、俱宜艱以



迷蒙水一以寬鬆肉力一使昏迷忘痛然後用此法挺之伸之  
凡交節處有筋帶包裹脫骨則筋帶破損不能卽時如常所以  
雖送納還原曰三四日內仍易再脫須細心防護在手臂則用  
巾繫褂頸上在腿足則安臥牀褥切忌勞動腫痛者蜚吮散炎  
外用鷲粟殼野菊花水潤之內服止痛及瀉藥有時足骨脫爛  
壞皮肉又各處俱有因骨脫累及脈管筋肉一齊爛壞者皆大  
有關係非割不能救倘身弱年老不能割者卽無治法○人身  
上下交節有易脫者有難脫者大概曰窠深凹者難脫平淺者  
易脫一醫自述醫過脫骨五百人肩骨脫者三百三十髀曰脫  
者三十四鎖柱骨脫者三十三臂肘脫者二十六足拘骨脫者

二十其餘手拱腕骨牙牀骨等處脫者合計不過數十人耳又  
中年人脫骨最多老人則折多脫少幼年脫骨尤少男子脫骨  
多過婦女有時一骨又折又脫醫治次第應先治脫後治折此  
一定之理也又脫骨壓腦氣筋則痛壓迴血管則腫諸証所同  
下牙牀骨脫或因跌打或因暴笑或因呵欠蓋牙牀骨左右歧  
尾前扁側而後圓橫扁側者在顴骨棋內圓橫者入耳前窩內  
爲開合之較此其常也脫較則後尾圓橫者離窩前入顴骨棋  
內所以頰歪而伸長不能開合不能言語不能飲食涎水橫流  
更有左右歧尾俱脫者口開不合治法醫者以兩大指入病者  
口內大指先用布條纏束防脫切齧牙盡處壓之使下餘指托

骨還原時猛力咬傷也

切齧牙盡處壓之使下餘指托



頰牽引使前、然後向後一送、卽還人原窩矣。蓋大指下壓、則歧尾圓橫處、闌入顙骨棋內者、因壓而出、向後一送、卽還原窩也。或以木一根、橫切齲牙盡處、以代大指、壓力與指相似、但不如用指更便耳。昔年英國有人、飲宴大笑、忽然牙牀骨脫、口開不能合、形狀奇異。一醫不明治法、欲妄施猛力、病者知不可、口不能言、搖手揮去、不肯醫。者疑爲顙狂、欲綁縛之。病人索筆書寫、命家人延請某良醫、卽來救我。後醫至、果如法治之而愈。鎖柱骨兩端、一厚一薄、厚端附胷骨者爲前、薄端連飯匙骨者爲後、均易離脫。厚端更多過薄端、如跌蹠在地、忽然伸手、意欲自救全身、非促斷臂骨、勢必傷累鎖骨、或折或脫、脫則或前或

後治法與治鎖柱骨折斷法同

大臂飯匙骨交節手臂用力最多所以肩胛交節離脫多過別

處脫形有三上臂骨圓端或脫居較位之下此處最多或脫居較位

之前或脫居較位之後此處甚少辦法下脫者摸試圓端落在腋下

垂手臂必微長不能舉轉之則痛肩有凹不圓而扁脫向前者

臂微短圓端在鎖柱骨下凸出脫向後者摸試圓端所在可辨

醫治有數法一病者側身一人摟抱之一人對面立定兩手合

握病者之臂勻力伸之約計脫處已舒醫者一手擣腋下一手

將臂貼合病者之身即還原處凡臂端脫向肩胛之前者伸舒

時應轉向外若脫而後伸舒時應轉向前此定法也一法不用



人摟抱用大布巾一端鉤結牆柱一端挺住病者之肩對面安設轆轤一端鉤結牆柱一端鉤結臂上臂先用濕布纏或熱水浸軟牛皮裹護防傷肉也收束轆轤伸舒之力甚大可抵三四人也一法令病者臥於牀醫者以腳跟入腋下挺其肩兩手合握病者之手更以大布巾一端結病者臂上一端繫醫者頸上以助手力伸之以舒爲度一法用膝挺住病者腋下兩手握臂伸舒攙偏送合一法令病者臥於牀醫者一手挺其肩一手握其臂向上伸舒卽還原處凡以前各法用過未能應手卽效者用此法醫治可也臂肘交節離脫有數式上臂骨下端大而扁前後有深淺兩窩窩下橫圓樞軸正肘骨鶯嘴頂接樞軸內半屈伸其手則鶯嘴

入深淺兩窩、鶯嘴外有淺窩、以接轉肘骨、轉肘骨頂有微凹、以接上臂樞軸外半、此其常也、脫離則樞軸與鶯嘴頂及轉肘頂凹、不相接而相蹉、鶯嘴頂及轉肘頂挺至樞軸之後、摸之有角、伸出、有時蹉向左右、又有轉肘骨圓頂蹉當臂端前後者、俱易摸試、見圖治法、一手握其上臂、一手握其下臂、用力徐伸送納、一法用膝平挺臂凹略上、伸送下臂如前法、凡臂肘交節脫者、一定有炎、若腫甚難分別、應先用蜚吮散、法更有上折下脫者、醫治極難、歪斜之患、恐不能免矣、○轉肘骨脫治法、一手挺住上臂、一手緊握手腕伸舒、或向內轉、或向外轉、即能還原、內外以脫形、凡臂肘交節離脫、治畢、應用矩形夾板綁夾、勿令常垂、定之



放平下臂、布帶繫掛頸上爲安。○肘骨下端、接連腕骨處、離脫、或前或後、治法、伸撥送納、俱如前、有炎者、用去炎法、勿勞動、靜養爲宜。

**指骨離脫**、或前或後、治法、先用寸寬布條、勻纏、另用布帶結活扣、套結指節、以伸之。活扣取其愈抽愈緊不脫大概指節有筋帶挺住、送納

不易。

**大腿骨**上端圓滑者曰髀、杵。胯骨深窩、容納杵頭者曰臼。故大腿骨交節離脫曰髀臼脫。脫後杵頭所在、有四處、或後上、杵頭當胯骨外面是也。此處最多或後下、當臼旁、略與骨圈相對、分歧處是也。或前上、杵頸騎臼邊及骨圈是也。或前下、杵落骨圈內是也。

也。此處最少

凡杵頭脫與杵頸折相似而實不同。杵頸折能轉動。杵

頭折難轉動。杵頸折伸之則長。放手則短。杵頭脫長短有定。至

分別前後上下杵頭所在。以手摸試既易知。更以患者之足驗

之。凡杵頭脫以未脫之足形之。其足或較長。或較短。脫向後上

者短二寸。脫向後下者短五分至一寸。脫向前上者短一寸。惟

脫向前下者反長一寸至二寸。身向前曲不能直。足底不能平

著於地。又凡脫向後則膝蓋及趾尖扭轉內向。脫向前則膝蓋

及趾尖扭轉外向。此審辨脫形大概也。總論治法。令病者安臥。

西國治法。髌迷蒙水以鬆肉力。長大布巾。一端鉤結牆柱。一端挺住跨下。對面

安設轆轤。一端鉤結牆柱。一端結膝蓋略上。收束轆轤。則脫骨



伸舒而下、醫者兩手合握其腿、約計髀曰相當、撥轉送納、自能  
還入。凡用轆轤伸舒脫骨、應先用濕布帶纏裹其腿、或更護以  
濕牛皮防傷肉也。一法醫者以足挺其跨、兩手合握其腳伸之。  
分論治法、凡杵脫於後、應向內伸舒、杵脫於前、應向外伸舒。後  
上者伸舒時、病腿應斜當對腿之膝、後下者又宜略上於膝也。  
至前上治法、患者仰面側臥、依照前法伸舒、又以手巾舉高髀  
頸、蓋髀頸騎曰邊及骨圈之間、必須舉出、方能還原。前下治法、  
令病人立定、或以或仰以大布帶挺住下身、略將轆轤高掛、牽引杵  
頭出於骨圈、醫者以手平握其脰、近足撥轉入曰、凡治脫骨用  
轆轤者、取其力大一轆轤之力、可抵三四人也。若年老虛弱人、

人力已足勝之則又無需此矣

**髌**、**胫**、**交節**及**膝蓋骨**脫者甚少若脫大有關係膝蓋偶有離脫偏斜或左或右者俱易治

**足交節**脫多因重物打壓既折且脫甚難治應先醫脫骨後醫折骨大概外面皮肉未爛可治已爛則危險

**足掌骨**脫者甚少**趾骨**有脫者與治手指法同

以上諸骨節折斷離脫及醫治各法極難形容余細繪諸圖欲令一目了然讀者圖與說參觀自明



頭腦傷論

頭爲元首之尊、內而腦部、外而眼耳鼻舌喉唇牙齒、皆能生病、今專就因外傷而起數証、由頭皮、而頭骨、而腦部、而面部、次第言之、

頭皮被刀劍所傷、

不分前後左右、或淺或深、有時防累腦部、須細心審辨、

無論直砍橫割、

皮肉骨衣俱已離開、或垂落、但有一處相連、細心翻轉還原、俱能連合、蓋因頭部血管最多、傷則血流必多、然亦易止易合也、有時跌打、暴腫似癰、色或紅或藍、大如卵、此因小脈管血出、所成、治應用布浸酒水、水七分酒三分纏貼以散之、有皮破多血出者、用軟布作墊壓住、外用布帶下包額、上過頂、十字纏裹、因有骨在

下所以易壓易止。凡小兒因跌仆患此者，一二日內應當心調護，勿令出外，防生炎累腦。不論男女大小，頭皮損壞，在有髮處，欲用膏藥連合，應先滾水洗淨，剃去周圍之髮，若不剃去其髮，膏藥不能粘連也。凡頭皮大塊破者，應縫結兩三處，勿令下垂，恐隨下垂之形連合。日後殊不雅觀也。如相連後有膿，應用放膿刀放出其膿，蓋因頭皮厚，膿難出，膿畱於內，骨易傷累，所以必應放出。有時額破，膿流向眼，蓋皮上亦應割放，不必顧慮。放膿出後，軟布墊壓患處，布帶纏之，豫服瀉藥以防生炎，勿外出勞動，戒口安神，靜養爲宜。

頭骨折斷，多因跌仆擊打，或馬蹏，或重物傾壓，重則內累腦體。



大有關係、今先就其輕者而言、凡頭皮因外傷損破、防累及骨、應用探針試之、或骨壞、或骨衣壞、或骨壓而凹、或未凹、略有斷縫、凹面有大有小、斷縫有長有短、大概骨硬骨衣軟、以此辨之、若骨壓而凹、以探針探凹處、必微澀不甚滑利、若有斷縫者、又須先知頭骨湊合本縫所在、不可誤認湊合本縫爲折斷縫也、凡略凹、或僅折一線、無炎証、神識如常、知其不累腦體、能自愈、有時皮爛骨衣壞、不能蓋護、頭骨現露、枯死薄片一層、周圍好骨、漸生肉牙、死骨離開、卽應用鉗取出、以上所論、皆頭骨証之、輕不累腦體者也、大概頭骨折斷半月後、無昏迷不省等証、方可定其安危、其初俱應靜養安神、戒口、勿飲酒、內服瀉藥、

頭骨斷壓腦或顛頂、或前、或後、或左、或右、或傷前而後裂、或頂傷而左右裂、或有裂至頭底者、皆大有關係、大概頭骨折斷、必因跌撞打壓外傷、其折斷也、不必定在所傷之處、每在軟弱脆薄之處、所以有對面震裂者、有左右震裂者、死後剖驗方知、當其初傷時、醫者或不能確指裂形輕重何如、爲此故也、凡骨斷壓腦、其人多昏懵、有時耳流血、或流明水、是腦包裂也、又或斷骨壓腦、腦中血流生災有膿、或腦體爛十俱九死。治法、斷骨壓腦皮破者、斷形易見、若皮未破者、用手摸試、骨斷否、凹否、壓腦否、病人神識如常、不必妄用割鋸、惟其昏沈不省、審知確由斷凹壓腦、應就傷處、將皮作三角形、使傷處恰居三邊之中、割左



右二邊畱一邊勿割、將皮翻轉以見其骨、有碎骨、用鉗鑷去之、有斷壓、用舉骨器舉之、若無隙可舉、用圓鋸鋸一圓孔以舉之、用鋸法、將鋸心之錐挺住、鋸齒左右移轉、有五要焉、傷處凹而大者、應於略旁安鋸心、使圓周半著好骨、半著爛骨、鋸力偏重好骨一邊、此一要也、有時斷骨內凸、壓腦外面裂形不大、應安鋸心於裂形略旁、周匝鋸之、此二要也、用鋸宜細心、勿過用猛力、防鋸齒壞腦包、此三要也、鋸齒已著骨後、不須再用鋸心之錐挺住、卽當縮去、此四要也、將鋸穿時、宜頻用筆在鋸縫內掃去鋸落骨灰、不令遮蔽鋸痕淺深、此五要也、鋸畢、舉出其骨、將割開之皮、翻轉還原、用線縫結兩三處、合口膏藥牽連之、外用

布帶纏束。○昔有小兒跌落門檻、鐵釘傷顱頂骨、十日內眠食如常、十一日忽蒙昧不欲食、十六日昏睡、略似譫語、問所苦、能荅一二語、不甚曉暢、瞳人散大、皮熱、脈數、醫者思疑有折骨壓腦、細驗頭上有一小孔、略有臭膿流出、以銀針入孔內探之、知鐵釘傷腦、用圓鋸鋸一孔、將鋸斷圓骨、舉出視之、見骨尖內凸壓腦、後來全愈、可知此法之善也。○有時骨未折斷、其人昏迷不省、審知外傷腦被膿壓、亦應鋸開以出其膿、但膿所在無定處、或前或後、或左或右、醫者具大手眼、臨症自無疑惑、大概跌打撞壓、頭骨或縫或凹、病人神識如常、只須服藥免炎、戒口靜養、不須用鋸、若病人昏迷不省、卽係腦體被壓、非鋸不爲功也。



腦包腦體自受傷不因骨壓之証時亦有之或刀劍礮彈之類小兒則錐釘交翦之類皆能傷腦論其輕重腦底危過腦上腦後危過腦前論其形狀有略裂者有外偏作腦瘤者有腦爛變膿者其傷處大小多少視乎外傷之輕重焉余曾見一小兒戛小銅礮裂一段冲過眼窠入腦見其昏迷知內傷腦體意謂必死歷兩月未死復來求醫用探針試之覺有銅片一小條及碎骨爲用鉗鑷取出愈後靈性如常惟一目傷壞耳大概傷在前不卽時死傷腦底累脊髓頂卽時死治法皮骨破爛見有碎骨用鉗鑷取去之鉗鑷所不能取者先用圓鋸鋸開然後取之時腦體偏出作圓瘤於骨外暴大如卵摸之跳動蓋腦爲多脈

管所跳、癰之跳同於腦也、大則割平之、小則用布作墊壓之外、用布帶浸冷水綁紮、病者安身靜養、戒勞苦多言、大概靈性失去、漸至迷蒙不省者多死、雖割平、仍防反覆、曾記一人在船面、忽然跌落鎗底、撞磕鐵圈之上寸許、皮骨破爛、數日後腦體偏出、大如拳、摸之針之不知痛、醫者謂爲死証、其人靈性未失、知覺如常、後腦痛多膿流出而死、

腦體震撞、腦骨斷壓二証、多因跌撲打壓馬蹄之類而起、後所論中風証、亦其一也、震撞斷壓二証有別、震撞卽時昏然不醒、斷壓漸漸不省、或初時不省、少頃卽省、旋又不省、其辨一也、震撞寂臥、斷壓大聲鼾呼、其辨二也、震撞瞳人忽大忽小、斷壓則



瞳人止住不動其辨三也。震撞脈軟弱無力、斷壓脈緩而有力、其辨四也。大概腦體震撞、骨未斷爛者、能自愈。分而論之、腦體震撞、頃刻間腦失功用之常、所以患者不能覺悟、不能運動、而又有輕重之別焉。輕者暫時不知覺、不欲動、旁人大聲叫呼、推搖之、略能省覺、或能妄荅一二語。如是歷數瞥睨、或一二時漸動、嘔而醒。凡腦病欲愈必嘔者、因第八對腦氣筋、傍氣喉而下入胃、所以腦與胃常相關涉。胃既能嘔、是腦之功用漸復也。醒後宜服瀉藥、忌勞動、忌飲酒。每有數日後復頭痛發熱者、不可不慎。重者全無知覺、醫者以手觸其眼、或搔其足心、亦不知避。面色或白或青、如死人、呼吸緩慢而少、脈數而促、至數無常、多

或一百四十至有時大聲叫呼、病狀奇異、此証關係危險、雖或不致殞命、愈後必身軟、或健忘、先智後愚、耳目懵昧、怒笑失度、醫治有三法、一昏迷者使之醒、二免腦生炎症、三令人壯健、如常醒之之法、以乾手用力徧擦全身之皮、當心胃間、尤爲切要兩足以熱水浸之、或以湯壺溫腳底、或布包熱磚置腿後、以上諸法、皆欲引血下行、能吞茶、少少與飲之、不能吞、不必強飲、艱以啞嘆呢啞、番藥名或飲以好酒、少許醒後、定要用大黃元明粉等藥瀉之、數十日內、必應戒口、勿食熱物、忌勞動辛苦、若脈浮數有力、頭緊痛者、應於太陽穴、或耳後放蟬、更用冷水浸頭、以散其熱、若耳聾耳鳴、或眼蒙者、應用斑螫膏藥鈞膿法、內服補藥及益人



飲食、游玩適意。以上所論輕重二証皆指腦體震撞、骨未傷者而言也。其有因外傷折斷腦骨、腦體被壓者、病狀漸漸昏迷、不省、瞳人散大、或一大一小、見燈光不縮、周身皮肉不運動、不知痛、因腦失其權、不能感動全身之腦氣筋故也。脈緩欲跳、復止、因腦與心互應也。小便癰閉、亦因腦失其權、不能感動膀胱、腦氣筋所以膀胱失其舒縮之常也。鼻息大聲、因呼吸出於肺、發聲於氣管、第八對腦氣筋、傍氣管入肺、腦失其權、所以肺經腦氣筋運用不靈也。腦部病証頗多、如童子跌撲在地、忽顛癇失靈性、或大人因跌撲中風不語等証、皆原於此。至血壓或在腦內、或在腦外、另詳後中風條。

中風証凡人忽然昏倒、不省人事、脈浮大、面紅腫、鼻息聲高而粗、如酣飲大醉狀、如吞服鴉片狀、中土名爲中風、其實病原由於腦、與風無與也、因相沿已久、今姑借名說証、讀者詳之中風病源、或起於內、或起於外、起於內者、腦中或有膿血水脹、或因震撞、脈管自裂、內有血流、其血或在骨下、或在胞膜間、或在腦內、大概病起於內者、血多在胞膜之裏、病起於外者、血多在胞膜之外、震撞腦體、骨未破、脈管未裂、暫昏旋醒、因無膿血故也、若腦體被壓、不論是膿是血是骨、定成中風証、有漸至昏迷不醒者、有醒後復昏者、至爲危險、凡不因震撞骨壓、自致此証者、大概老人爲多、若跌蹶外傷、震撞骨壓、則少壯之人、時亦有之、



茲將中風見証分三種列後第一種病起時忽覺頭痛如刺倏然昏仆於地迷失本性脈緩大或周身搖擗或肉筋收縮或口眼歪邪或耳目聾盲或言語錯亂此因血激腦體致令腦氣筋妄行其力故肌肉失其功用有自愈者有不愈者有癱瘓者第二種病起時或嘔吐或皮膚冷如冰或手足微覺搖擗脈細而弱其証初輕後重漸而迷懵全無知覺而氣絕此因腦體多血所致蓋腦中裂一脈管血停於內西醫剖視見腦中停有積血或瘀或紅此其據也此証輕者可愈重者無治法急則半日死緩則數日死第三種病起時半昏半省不致倒仆忽而失音徧身癱瘓有漸愈者有延久成中風者有足愈手不愈者以上三

種大概血停於腦體之內則重、停於腦外則輕、停於腦底則重、停於腦上則輕、或漸愈、或成癱瘓証、病皆在大腦、小腦患者甚少、若不因震撞折骨、無故自致此病、則五十歲以後老人居多、未中前有病媒可徵、時覺頭昏痛、一也、耳目乍聾乍朦、二也、記性頓失、三也、眼蓋墜下、四也、言不了利、五也、手足麻痺、六也、神昏眼倦、七也、心中虛怯、八也、此証每發於項短頭大面赤肥矮之人、若鶴頸瘦瘠之人、患者甚少、凡病媒見時、卽應自知調護、忌酒色、忌俯首拾物、或行走過度、忌持重用、力過度、忌吹簫笛、忌謀慮思想過度、忌大力呼喊欬嗽、若病勢已成、則難治矣。○凡中風有肢體癱瘓者、是腦氣筋失去動作功用、有不知痛癢



冷熱者是腦氣筋失去知覺功用、有口歪於左者、因右邊癱瘓、左臉動肉短縮、有口歪於右者、因左邊癱瘓、右邊動肉短縮、蓋無病一邊、其肉有力、有力則能縮故也、惟舌尖則歪向一邊、必與癱瘓一邊相對、蓋舌力伸縮、左右勻稱、故舌尖居中、若一邊癱瘓、則不能伸、伸力偏在無病一邊、故左癱、舌尖歪向左、右癱、舌尖歪向右也、治法、跌撲時、急改鬆頸前衣扣、舉托其頭、不論老人壯弱人、皆當扶臥於牀、縣被擁護、高枕勿令睡下、以熱水浸兩足、面色滿紅、眼紅者、西國治法、必於臂凹放血數兩、中土人大概不合用此法、應於太陽穴或耳後用蟬吮法、左右各五條又用銅錢刮背、艾炙頸後、或用兩手搓熱、徧擦週身之皮、更以熱

醋或滾水少許、和新芥末貼胃前約二三刻、能飲者、飲以薑湯、熱茶、煖其腸胃、引血下行、服葶麻油一兩、或半兩、以潤瀉之、如無葶麻油、服大黃元明粉亦可、若不能吞嚥、點巴豆油二三滴於舌、歷一二時必大瀉、或用迦路米七釐、或銀灰散七釐、如無此二藥、用輕粉一二分、蜜水和服亦可、或葱蜜搗和、納入穀道內、導引大便、諸法無非欲令大瀉、蓋意在減少腦中之血、且平其心血、瀉與放血同一理也、或用斑蝥膏藥貼頸後、釣膿、或布包熱磚置腿後、亦是引血下行之意、此証不可用吐法、不可飲酒、宜戒口、戒色慾、初醒頭痛、仍宜內服瀉藥、外用蜚吮法、或用釣膿法、或用冰、或用布浸冰水按頭頂上、愈後仍宜調護、或略



食補益之藥可也。○此証身出冷汗粘膩大如珠者、瞳人散大、左右不均者、脈至數急者、呼吸遲緩不接續者、目不見光者、水入口不能吞嚥者、大小便自遺者、俱極危險。

**癱瘓**之証有四曰全癱、曰偏癱、曰單癱、曰截癱。四肢不仁謂之全、半身不遂謂之偏、或一肢、或一部、謂之單、或上身、或下身、謂之截。其原皆出於腦體及脊髓之中。有急起、漸起、不同。凡人知覺運動、必賴腦脊兩髓。若骨壓肉壓、膿水壓、或胞衣壞、或髓液壞、或沾寒濕、或受熱毒、或積敗血、則腦髓不安、而癱瘓之症起矣。假如腦脊兩髓俱壞、周身腦氣筋失其功用、是爲全癱之原、或一邊腦髓傷壞、一邊腦氣筋失其功用、是爲偏癱之原。若腦

脊兩髓無壞、惟一肢腦氣筋失其功用、是爲單癱之原、若下部  
脊髓壞、因而氣筋不能上接於腦、則下部卽有陽事不舉、兩足  
跛癱、二便無力等病、是爲截癱之原、部位証名雖殊、其原則一  
也、致病之由、或因中風、或因房勞、嬰姦手淫爲甚戒之或因酒患、或因跌  
打損傷、婦人有因產後而起者、有因閉經虛弱而起者、醫者當  
審辨明確、病者尤當自治根原、大約癱証、手癱多於足癱、上部  
多於下部、老年多於少年、少癱易治、老癱難治、足癱可治、手癱  
難治、皮如蟻咬者易治、不知痛癢者難治、單癱易治、多癱難治、  
治法如引血法、火炙法、鈞膿法、膏藥擦皮法、補藥法、俱可酌用、  
○西國有人年二十八歲、右臉患單癱、其面肉左活右痿、凡艱



香臭必用左鼻孔咀嚼食物必用左齒或食物畱右頰必以食指掠而左之飲茶則右吻流出瞋睡則右目半開時或笑語左面嫣然而右面不動旁觀在右者聞笑聲而不見笑態不知聲從何來此是腦氣筋失卻動作之性○又一人右臉不知痛癢冷熱左眼明右眼暗左鼻通右鼻塞若以指探其目睛則眉睫蠢然不知開闔之機食物時舌右不辨味批其右頰不知痛凡碗蓋到口覺爲碎爛之器此是腦氣筋失卻覺悟之故後得名醫療治兩症俱痊

### 腦部炎証論

腦居百體之上主覺悟司動作乃人身之最貴而諸病之最危

者也。凡百體有病，或以形察，或以聲辨。惟腦則無形無聲，凡  
別處有病，能自道其病狀。腦之靈性知覺也。腦既自病，思慮言  
語昏妄錯亂，問所患苦，不能自言，辨症頗難。西醫每遇腦病，推  
究參詳，死則剖驗，由是愈推愈精。可據爲法，茲將病狀略言於  
後。腦有大小兩枚，大腦司覺悟，小腦司動作。由腦直生而下，則  
爲脊髓。兩腦共生腦氣筋九對，脊髓共生腦氣筋三十一對，合  
計四十對，如樹分枝，散佈百體內外。人靈則居腦中，以主使之。  
凡有思慮動作、記憶謀畫，主腦一發，則百體速應。眼能視，耳能  
聽，鼻能知香臭，舌能辨甘苦，手足能操作行走，無一而非腦之  
主令也。保養身命，趨避利害，無一而非腦之權能也。腦爲百體



之主尤賴心血以培養之心與腦互相關用。華文思字古作恩从囟从心當卽此義務使無過不及乃爲無病若接血太多則腦體被逼接血不足則腦體虛弱又有因骨壓物擊不論傷腦體傷胞膜或血管自壞或腦房有膿有水皆爲要害凡炎初起顛頂疼痛眉額緊蹙前後頭脈管湧跳兩目睛紅畏光面熱而赤瞳人縮小睡夢顛倒思慮雜亂漸至目睛斜視譫語抽搐皮膚乾澀脈洪數有力舌苔喉乾口渴嘔吐便秘凡此皆腦病見証有諸証全見者有見數証者審辨旣確卽應早治若延至三五日後病者瞳人漸散漸大不能舒縮視一物而見兩形由是手足搖顛面色青白身出冷汗二便遺泄不省人事是爲危險之極有半日死者

有數日死者、有十餘日死者、西醫剖視其腦、或赤色、或紅點、或腦中三角房之水變黃、水多數倍、或腦中成膿、或胞膜粘連、或腦質變軟、外無形蹟可徵、所以審辨最難、大約初起時、手足抽搐、則病起於胞膜、嘔吐昏亂、則病起於腦體、頭痛發狂、則胞膜腦體皆病、人人所同、惟童年差異耳。

治法、西人血充足、應於頭脈管、或臂凹血管、放血爲上、頭脈管、及耳門前脈動處、俱可放血、放後用軟布墊壓、外用布帶纏紮、以止其血、見圖。臂凹放血法、見前炎証論。次則重瀉、次則薙去其髮、以冰納入猪膀胱中、置頂上、拔去其熱、如無冰、用冷水入壺中、傾灌頭上數次、承以面盆、又用熱水浸腳、間有不能放血者、則多放蟬於太陽穴、或耳後、取効甚捷、英、國有



女子年十一歲、腦病、頭痛、瞳人散大、脈數異常、每一瞥呢、脈跳一百三十至、比常脈多五十至、一瞥呢脈至七十五次、童年少數、十一歲男女、大父母誤謂虛弱、不肯放血、由是日增委頓、昏睡若死、閉肛五日、屢服重瀉之藥、迄無少應、奄奄待斃、有名醫某者、勸以放血、力保無虞、父母從之、放後少頃、病果霍然而愈、又一少年、素有欬病、一夕忽頭痛大作、夜半如廁、昏仆於地、遍身抽搐、脈至無定、忽遲忽數、一瞥呢間、或七十至、或八十至、或百四十至、醫士爲之放血、抽搐頓減、而頭熱如焚、卽以冷水淋之、抽搐頓止、次日手足仍微顫、與以瀉劑、終無大便、又次日昏睡不醒、脈至甚微、一瞥呢五十至、醫者以爲弱極、不復敢與瀉

藥名醫某者、謂其伏熱閉肛、不瀉則死、乃以巴豆油三四滴、調蜜水灌之、敦然大下、瀉畢安寢、次日乃瘳、又一五歲童子、頭腦熱甚、亦昏睡若死、醫士以冷水斟其頭、漸斟漸省、斟數壺而病愈、西國有癲狂院、凡人腦中有熱、卽起狂性、守院者以冷水淋其頭、狂人頓省、亦此理也、醫治此証、先以迦路米五釐、楂蠟末分半、或二分、見散末門調水服之、服後兩時許、不大瀉、再服元明粉七錢、煖水送下、仍不見瀉、則以巴豆油二三滴服之、瀉後再服清涼之劑、散其餘炎、愈後應戒口、切忌燒酒煎炒熱毒之物、宜食潤臟之物、如餘炎不散、用迦路米二釐、日三服、兩三日後、齧腫口流水、是病應也、止勿服、外用斑蝥膏藥鈞膿、貼耳後、或頸



後或小腿後移病於下此病易於反覆故病後必須靜養勿驚  
恐憂怒勿勞力耗神此爲至要若已愈復發治難全愈或病後  
而痴憊者有之或病後而跛癱者有之不可不慎○此病每因  
七情妄發思想過度或用力過度或酒醉過度或日熱曬傷或  
跌打外傷或疔毒不可不慎○此病若有汗自瀉鼻衄脈平和  
睡安靜或他部有新炎俱易愈○此病每有小便閉塞膀胱漲  
裂而死者故病人小便不利當用利水藥服藥不應卽當用引  
溺管引溺管以銀爲之一端彎曲圖見後自溺道入膀胱使溺透管而出方無閉  
溺之危也

### 童子腦炎

童子腦炎、與大人微別、有因稟賦不足者、有因出牙而致者、西國童子多有此患、有因癰痘後毒者、有因跌打傷腦者、有因戲跳過度者、有因驚嚇者、有因怒哭者、皆有急証慢証之分、忽起漸起之別、方其未病之先、必有病媒可徵、如不時思食、無故厭食、舌苔厚、口臭穢、腹膨脹、大便秘結、糞異色氣、夜臥不安、面色青白而瘦、靈俐忽變蠢鈍、爲父母者、視其兒有二三端、卽當早爲調護、免之於媒現之時、易治之於既病之後、難、蓋童子無知、服藥已難、而醫治尤難也、凡漸起之炎、童子時喊頭疼、乍起乍愈、或頭熱異常、乍癰乍癰、或面色愁困、眉蹙畏光、或時作嘔吐、脈至浮數、皆爲漸起之勢、旬日後有病死者、有自愈者、有變爲慢炎者、若



童子目睛散大、目不畏光、精神蠢拙、不欲言語、或輾轉反側、夢中呻吟、頭重不起、或頭忽轉動、目睛斜視、兩手抽搐、四肢縮顫、遺矢遺溺、夜臥目半開合、初疹脈遲、漸而數、愈數而癰、則無救矣。西醫剖驗、見其腦質紫赤、中有紅點、腦房水多有清有濁、有多至一兩五錢者、有多至四兩八錢者。凡痲痘癍疹、忽出忽收、屢有是証、爲最難治。

治法略如大人、放蜚爲上、瀉藥次之、或用銀灰散。

見後散末門

每服

三釐、日服二三次、蜜和吞下、以三四日爲度、或用楂臘散七釐至一分、或用大黃元明粉等藥、量証加減、若小兒不肯服藥、或服後吐出、或服藥不瀉、則用巴豆油一滴、點其舌、仍不見瀉、再

以一滴點之、或用穀道

即肛門

內藥法、以泄其毒、頭熱則以冷水

淋之、更以熱水浸其足、如餘炎未消、用斑螫膏藥貼背、引毒從

背出、此治小兒腦災法也、然有類炎証、與此病相似、醫者臨証、

必先審辨明確、大約囟門凹下面白、脈軟、皮不熱、虛弱無精神、

宜補似炎而實非炎、若誤認為炎、放血大瀉、其患不可勝言矣

**緩炎証**不因外傷自生之病也

本書所論內部諸証皆就因外傷而起者言之此自生之病亦

列入者因論急

炎連類及之耳小兒患此者、或在胎胞時感受炎証、或出胎時

震撞其腦、或因骨內有瘤、或因肚腹等處有水、或因出牙辛苦、

大約一歲至八歲、此証最多、過八歲即無此証、其狀倦怠無精

神、不欲頑耍、昏迷時欲睡、眼斜、嘔吐、不大便、抽搐、頭大於常兒、



有小兒頭大不關炎証者。又須以有病無病別之。凶門前後寬大其原因頭中有水或在骨與腦包之間或在腦房內大概小兒頂骨及額骨之縫連合未緊雖有水不壓腦靈性如常漸長漸合水壓於腦失其覺悟之性所以兒亦蒙昧也醫治有二法一保護身體投以補藥食物令其壯健爽快用斑蝥膏藥釣膿貼肩後耳後太陽穴頸後等處俱可。膿減換貼淡斑蝥膏藥數日爲度有時用叮叮伊蜜的膏藥擦頭頸內服迦路米一釐或輕粉二三釐日兩服數日爲度一法頭上用布帶不鬆不緊包壓另用蜜陀僧膏藥剪條護貼頭熱用軟布浸冷水按住乾則再浸或用酒和水按住欲引頭內之水變氣故也爲父母者應細心調護勿令惱怒勿

居濕地、移徙海濱、或遷居他處、變換水土最妙。又法用啗伊蜜的二釐、同白糖一錢、調和攪勻、分爲十二分、每日服三次、四日食完。嘔者勿服若一二歲幼童、作二十分緩服可也。又法用小套管針、直刺囟門之旁、或左或右、以出其水、水出後、用布帶將頭纏束、更用蜜陀僧膏藥、幫助布帶、此証醫治頗難、小兒患此、有一年死者、有數年死者、大概天殤者居多耳。○西國有童子患此病死者、醫士剖驗、西俗兒患奇病死、父母多有願請醫剖驗一欲知此兒致死之由、一欲醫者立法救人也。秤其水有三斤四斤不等、前有人出世時、頭大異常、六歲始能行、父母爲之開學、使從師學、資質亦如常人、但不能俯首、以故不學寫字、十三歲、仍作癩症、旣而復愈、二十八歲、囟門始合、



當其未合時、以燭照腦後、人在前看、見其頭裏光亮、三十歲死、醫士剖視、見大腦二枚、展開放平、計清水五斤餘云、


### 脊髓病論

脊髓由腦直生而下者也、脊骨與頭骨相連、髓質與腦質同類、今略舉一二証、以見脊髓病之大概焉。一種、小兒或頸後、或背、或腰、髓中水流出、成包、似瘤、非瘤、小或如卵、大或如頭、其皮或厚、或薄、或明亮。蓋脊骨內、髓居其中、水居周圍胞膜、今脊骨後面當中未連、所以胞膜間水出、大約胎証居多、醫者以手摸試、中有水者、是此証也、有時頭中亦有水、有時因水壓脊髓、兩足癱瘓、此証治法極難、不可割刺、割刺則水出危險、亦有不因割


刺自裂者、大概死証爲多、止可用布帶纏束於身、別無治療之法。一種、脊骨因跌撞生病、或炎、或癱、或脈管壞、血流壓髓、凡脊骨脫離、必因折斷、故折與脫兩者必相兼、此証大有關係、斷絕之處、腦氣不復連續、其上靈性不失、動作如常、其下遂成截癱、証全不能動、毫無知覺、此病無治法、大概傷在腰者、死或略緩、愈上則死愈速、若頸背髓柱折斷、內累肺經而喘者、卽時死、其偶因跌撞、未至折斷、脊髓略生炎証者、間亦有之、治法略與腦炎同。




鋸頂骨式




圓鋸圖



頭骨折斷壓腦外形圖



頭骨折斷壓腦內形圖



器骨斷折頂頭舉



鋸出圓骨圖

小兒髓衣內水出成包圖



髓受壓處



脊骨斷壓髓圖

布巾縱橫紮頭骨式




撥睛珠直針圖

撥睛珠彎針圖



圖眼割橫



銳角形眼刀圖 割明所用

銳扁形眼刀圖 割明所用

銳眼鉤圖

彎眼鉤圖



眼証論

眼官雖小、製造極精巧、功用極靈敏、蓋造化主合衆材質以成之者也、物事多則敝易、功用多則病繁、所以眼証多過別部、醫治不善最易壞、全壞則功用全失、病一分則功用失一分、夫眼能鑒別遠近、資助見識、其益於人大矣、醫者應細心講求、多立良法、余閱中土眼科書、無一語真確明白、詢問華醫、無人能道眼中部位各項功用、所以中土人患目疾、多爲醫者所誤、是可慨也、欲明此中奧妙、須效西國剖割死者之目、看驗推究、華人云剖驗死人、仁者所不忍、是誠然矣、然犯大罪死者、旣不惜凌遲寸磔、何妨令醫者剖割以廣識而救人乎、其次則割視犬豕羊兔諸獸類之目、與人目大概相同、全體新論眼官部

位一篇圖說頗詳、究心醫理者、取獸目數枚、一自前至後直割、一自左至右橫割、有時宜將獸目置水中、用交翦翦視、有時宜不泄眼房之水、周圍看視、按圖尋索、亦能洞見內外、悟明真理也、余欲指示目用妙機、不憚反覆詳論、次第講明、或總論、或分論、觀者幸勿忽諸、

眼証應分有毒無毒、始終有毒者甚少、卽癰之類也、凡眼目諸証、或自起、或外傷、如書寫、刺繡、風光、沙灰、眯目、跌打、撞刺、冒犯煙霧、游絲飛入之類、皆屬外傷、有病專在眼、不關全體者、但治其眼、有因身弱、或他病累目者、有因眼病累及身體者、須兼治身體、暴起一月之內爲新、久病經月以外爲舊、新者病專在一



層一處、舊者或兼幾層幾處、新者易治、不治或誤治則速壞、舊者難治、不治漸壞、不分內外新舊、炎証最多、一種初起卽有膿者、易於傳染、有一目病而兩目俱病、一人病而一家俱病、有時一村一鄉同患此証者、大概手巾之類傳染、或風氣傳染、然非余之所解矣、一種初起有水多炎者、因北風東北西北皆同非時忽起、街市行走、或露宿所感受、亦有因坐臥污濁濕地、或飲酒過度、或疔毒流白濁所致、此其大略也、今將眼球各部位病証、自前至後、逐條分晰言之、

罩睛皮炎証、眼球前面外皮、接連眼胞周圍、轉而爲上下眼胞內皮、全體新論稱爲罩睛皮、係借睛立名、其實罩全球之前半、

不獨睛也。炎分淚、膿、虛三種。大概有淚者輕、有膿者重、

淚炎熱、痛、畏光、多淚、不喜開、強開淚流落面、胞肉緊、有時覺有沙子妨礙、細審罩睛皮、紅血管佈滿周圍更多、近明角罩漸淡而少、有時眼胞略腫、有時近明角罩處略腫、有時頭痛、發熱、或身熱、此証因感受非時北風最多、卽傷風類也、有自愈者、有失治日久變爲舊炎者、有累明角罩者、俱有關係治法、欲知病証、令病者向窗牖有光處坐定、醫者以兩指輕著上下胞、助其開力、審明病在何處、如確係罩睛皮淚炎証、又當分別新舊、新起頭痛身熱便秘者、內服瀉藥、外用鴉片膏一錢、溫水十兩、淨潔軟布洗拭、或罌粟殼沸湯沖布浸按、日數次、另用蒸水八錢、如

無如



用天八各息的三四釐如無用膽礬三四釐或白礬五六釐病者仰面坐或仰臥

落水用鷺毛管削去一半承水滴入目內每次二三滴令周圍濡勻

每日或滴一次或早晚各滴一次視病勢輕重藥水濃淡酌之

大約重者宜濃藥水日滴一次輕者宜淡藥水日滴二次滴後

用潔淨猪油或橄欖油如無用胡麻油搽眼睫用綠色皮翦半月形一

塊或厚綠紙插帽下或綁結頭後遮護兩目以綠能安目也或墨晶

平光眼鏡亦可以以上所論係初起輕証治法重者紅腫痛甚略

有膿防累明角罩或前法不應藥水宜濃各息的等各加增數

釐蜚吮太陽穴或耳後俱可余主粵東惠愛醫館時備作滴眼

藥水及油膏各息的配水濃淡分三種水俱以八錢爲率淡者

四釐稍濃者八釐最濃者十四釐用鷺毛滴入配猪油作膏濃  
淡亦分三種猪油俱以一錢爲率淡者二釐稍濃者四釐最濃  
者六釐如無各息的用膽  
礬亦以此爲率以銀針挑搽入目後用手指摸令散  
開炎滅宜收斂鉛水見後藥  
水門或白礬水滴入水入錢配白礬  
六釐至十釐滴  
水後用水銀黃膏或水銀紅膏並見後  
膏藥門手指搽眼睫令病者戒  
口戒飲避風光此証宜早醫治新者不治一月後變爲舊者漸  
累明角罩罩上有時生瘡生點視光昏暗治法至妙鴉片酒滴  
入見後藥酒門如畏  
痛和水一半亦可次膽礬水或膽礬膏用濃者或最濃者再  
次鉛水外用斑蝥膏藥貼頸後耳邊鈞膿幾次水銀黃膏藥搽  
眼睫一能去眵一免膠粘不開一能減所用藥水及膏藥之痛



也不論新舊、醫者宜知致炎之由、如因風光而起、卽勿再犯風光、因勞傷而起、卽勿再令勞傷、身虛弱、宜略服補藥、若有灰塵外入之物、用醋水澆入、銷化之。若沙子等物、在上、則以兩指牽上眼胞、睫毛、向下伸、使多淚流出。沙物在下、則以兩指撥開上下眼胞、水澆之、白出。或用鑷拈取、出後不安、滴胡麻油潤之。**虛炎**一種、畏光特甚、不敢視、常緊閉、強撥視之、不甚紅腫、明角罩或左或右生小泡、血管一縷、由泡外接背肉、此証多在二十歲以下、過此則少、因身虛所致、醫治甚難、不宜蜚吮、大瀉、止可用輕瀉法、不令便結、大黃末七釐、水銀散七釐、蜜和、間日服一次、共服三四次、舌無苔、身無熱、宜補、用雞哪二釐、樹名金雞

哪此其或雞哪合青礬如無雞哪但用青礬三四釐黃連末十精漿也

釐至十五釐沸湯冲以上俱日服一次以愈爲度淡鴉片酒日

滴一次鴉片酒和水一半爲淡鴉片酒後用鴉片酒水和日滴一次外用罌粟

殼沸湯冲軟布浸洗淡水銀黃膏搽眼睫宜居潔淨通風之室

忌汚濁穢濕

膿炎此証病狀與淚眼同腫甚膿稠而多故別名之曰膿炎不

分大人小兒俱大有關係每見中土小兒因此瞽目故今先以

小兒言之初生三四日後眼睫膠粘罩睛皮腫甚多膿流出發

熱身不安其故因母產兒時白帶疔毒陰戶有膿流入小兒之

目或洗胎時目未洗淨或初生時爲風光所傷一恐明角罩變



白生膜一恐明角罩生瘡、瞳人露出一恐明角罩裂、全目速壞、大概瞳人未壞可治、治法、軟布浸溫水洗淨胞睫、另浸白礬水頻拭、水入錢配白礬六釐淡膽礬水、或各息的水滴入、或淡膽礬膏、各息的膏搽點、夜用猪油潤眼睫、一二次、勿令粘連、恐粘連膿留不出也、稍鬆換用淡水銀黃膏、搽眼睫、腫甚者、內服大黃末三四釐、水銀散三四釐、蜜和、每日一次、服三四次、左右眼胞、或上或下、各用蟬一條吮之、或用斑蝥膏藥、在太陽穴及耳後、釣膿。若明角罩因瘡生點、視光昏暗、數年不愈者、宜略服補藥、凡醫治欲開目審視、揭撥眼胞時、勿猛力觸壓、恐明角罩已危、觸壓易壞也、若小兒不肯開目、以兩膝夾立、撥開視之、此証能傳染乳

母及同居之人宜認定手巾勿與共用爲要

大人患膿炎証初起癢甚內覺有砂或如針刺狀上下胞略腫膠結胞內紅甚一二日後罩睛皮腫厚多膿有時腫處擠遮明角罩周圍有時熱極痛極累頭面此証大有關係防明角罩壞白或爛或裂瞳人露出其故多因沙灰眯入或風光偏射之類能傳染他人治法有三一去炎二割法三收斂初起有炎未甚腫用蜚數條吮大陽穴或耳後滴入最濃各息的水或膽礬水濃淡俱分三種一淡者一濃者一最濃者已見前條一搽以最濃各息的或膽礬膏罌粟殼沸湯沖洗頭痛身熱者內服瀉藥戒口戒飲避風光倘腫日甚視昏明角罩晦暗十分危險不速割必壞蓋明角罩周圍腫擠



偏罩內血不行而死、與死肉証同理、用割法者、意在割斷腫處血管、鬆寬明角罩也、割有三法、一用銳刀常明角罩周圍圈割、一用彎銳刀常明角罩周圍稍離、或左右、或上下、向外割、一用鑷拊起罩睛皮、用小銀交剪剪開、割後並用罌粟殼或野菊花水潤之、以助血流、次日仍腫痛者、再用蜚蛭及斑蝥膏藥釣膿、稍減、宜收斂、滴入鉛水膽礬水鴉片酒之類、搽以淡水銀黃膏、日後身弱者、略服補藥及適口宜人之物、一種前証因流白濁、毒水略沾入眼而致者、病狀相同、更有關係、但前証兩眼俱病、此証大概止壞一眼、治法同前、另服解毒之藥、

努肉扳睛証此証無炎罩睛皮一處生厚堆起似肉色紅自眥  
努出作三角形尖向明角罩是名努肉扳睛內眥多過外眥或  
內外俱有間生明角罩上下大概不遮瞳人不長濶大雖久不  
必割但用鉛水收斂日滴一二次若長大用鴉片酒各息的解  
散倘經過明角罩之面遮蔽瞳人不能解散卽須剪割割法令  
病者對光坐一人兩手撥上下眼胞勿令緊閉醫者視其努肉  
在內眥令轉睛向外視努肉在外眥令轉睛向內視用彎銳鉤  
將努肉鉤起小銀交剪剪斷使努肉分爲兩端近眥濶端鑷起  
剪去向明角罩窄端能剪則剪平之不能剪用利刀割平之後  
用溫水洗潤戒口戒飲避風光久漸明矣



明角罩病証明角罩本質極明無纖微渾濁故能含外入之光功用甚鉅若反易其常或膜或點或努肉或膿或凸略有一分昏蒙卽失去一分功用有時本體生炎畏光而痛昏矇如霧週圍淺紅色血管細密不速治防生瘡生膿蓋明角罩雖薄實多層疊合有時逐層間生膿有時前房生膿治法蜚吮太陽穴或耳後翳粟水洗內服迦路米卽洋輕粉二三釐鴉片膏一釐日兩次早晚服兩三日後略見齒痛齦腫止勿服不愈用斑蝥膏藥釣膿大概此証自起者少爲罩睛皮所累或外傷者多每見打鐵匠鐵屑纖微飛入眼內卽生此病須取出鐵屑若水洗不出用眼刀眼針等挑出自愈亦有十八歲以下因身虛患此病

者初起略發熱脈無力宜輕瀉耳後用斑蝥膏藥釣膿滴入淡鴉片酒用潤膏如猪油之類搽眼睫後服囉哪等藥以補之

**明角罩昏**有三証一膜二點三瞖也膜卽罩睛皮所成蓋罩睛皮本極輕薄幾於視之不見病則長厚且有血管多條如網經過明角罩而視昏矣點有一點幾點之不同輕者不與瞳人相對重者遮蔽瞳人或全或一半瞖因明角罩生瘡愈後瘡口相連處變白如珠更易遮蔽瞳人大概膜點二証多因眼上胞所累病在明角罩外面瞖則自由內起病在明角罩本體點膜能愈瞖難愈治法膜點二証有因胞内生疳如細沙子不平磨擦明角罩致生點膜者翻轉眼蓋用光滑膽礬一塊將沙子抹平



間三四日抹一次、每抹後滴入好油、免累別處、有因睫毛倒入者、應用法翻出、法見後有因患炎所致者、滴入各息的等藥水、或

滴入鴉片酒、點入各息的膏、初起用淡者、後漸用濃者、或最濃者、血管多、最宜收斂、如鉛水之類、外用斑蝥膏、釣膿、此証不分輕重、止能緩治、難期速效、腎証治法極難、不遮瞳人無妨、有時雖遮瞳人、尚有淺薄處、用膽礬膏亦能散之、有小兒眼腎、年稍長、漸散者、以上皆腎証之輕者也、若兩瞳人全被腎蔽、視官全失、止可於上下左右量擇一處、作假瞳人、略助其明可也、法見後○

中土眼藥、習用冰片、硼砂等藥、爲末吹入、須審定、略見紅腫、卽不可用、若妄用、必反令點腎更甚、

明角罩變凸、明角罩壞變質、或圓、或尖、或全凸、或偏凸、或出眼

胞之外或內與隔簾粘連前房全沒此証無可醫治割平不致妨礙辛苦略飾外觀則可無復明之理也割法彎銳針鉤出小銀交剪剪平或利刀割平後三四日戒口戒飲避風光腫痛者用蜚吮罌粟殼沸湯沖或溫水洗潤數日自愈有時因炎証關係眼白殼半邊凸無治法若明角罩無故自生尖凸形如橫割橄欖之半不痛視官妄亂一物二三形漸昏不見大概先一目後兩目此証不多亦無治法不宜妄用剪割

明角罩生瘡此証明角罩本質潰爛病分淺深二種淺者瘡在明角罩外面關係尙輕深者明角罩上爛一穴穿通內入泄前房水隔簾隨水流出略見黑色一粒失其舒縮功用瞳人停滯



不活、不圓、治法、淺者各息的水、鴉片酒滴入、深者用各息的一塊、削尖點瘡上、或用最濃各息的水滴入、並最濃各息的膏、搽患處、如無各息的、用胆礬膏亦可、瘡在外、防內穿、豫用開瞳人膏、搽眼眶周圍、見後膏藥門、若隔簾已出一粒、用交翦翦平、後用各息的膏點搽、大概明角罩與隔簾雖相連、不致凸出、尙略有見、但不能光明靈利、此証無論淺深、醫者盡心治療、後或全見、或不見、或略見、不能豫定也、

眼簾炎、証明角罩睛珠之間有清水、水中有圓簾隔之、簾以前曰前房、簾以後曰後房、簾中有孔曰瞳人、簾之用、或開大以取光、或收小以避光、其功用具詳全體新論、惟其功用奧妙、故其

病証亦多關係此處生炎、不論新舊多少、俱令視官失用、且能  
外累明角、罩眼白殼、上下胞、內累睛珠、前後房水、有時與睛珠  
相連、眼簾部位雖小、然與腦部及各臟腑胞膜之炎、同一理也、  
病狀眼白殼上、當明角罩周圍、稍離一圈、有淺紅色血管細密  
環繞、隔簾變色、各國人眼簾色不同、中土人皆黑色、舒縮不靈、  
變棕或紅若西人眼簾藍色則變黃昏暗無光、瞳人變形、或扁或小、不欲動、色不黑、前房水渾濁、明  
角罩漸漸不明、略似氣呵玻璃之象、眼窠周圍痛、頭面俱痛、夜  
更劇、身熱不安、脈數、舌白、細審眼簾上有肉絲、番名費皮、或白  
色、或略黃、塞住瞳人、不速治、瞳人必壞、有時有膿、大有關係、其  
故多因外傷、或過用眼力、或飲酒無度、或疔毒、或別處生炎所



致此証初起可醫、漸致瞳人略塞、半月後肉絲愈多、瞳人滿塞、形如白皮、卽難治矣、治法壯健人、炎多脈有力、宜放血、或蜚數條、吮太陽穴及耳後、內服瀉藥、洋輕粉卽迦路米七八釐、鴉片膏二釐、共作一粒、夜晚服、次早服、大黃元明粉瀉熱、用開瞳人膏番名、啤拉叻哪樹名也、取汁作膏、搽眉稜骨周圍、開瞳人有殊功、中土無此、可用醉仙桃葉及子作膏代之、功力略同、半錢、配水八錢、每次滴二三點入目、早晚各滴一次、力能伸開瞳人、瞳人開大、自不易塞住也、凡眼簾証、防瞳人塞、應服迦路米二三釐、如無用水銀散四五釐、鴉片膏半釐、日服三次、能去炎、散肉絲、最妙、兩三日後、齒痛齦腫、止勿服、痛劇不欲臥者、眉稜骨眼眶周圍、搽濃水銀黑膏一錢、鴉片膏二分、夜晚搽止痛有效、○疔毒眼

簾生炎、應另服解毒藥。○亦有身虛弱致此者、年老婦人最多、無故眼簾漸生肉絲、塞住瞳人、變色、略痛、脈無力、不能用蜚吮各法、止可用斑螫膏藥、鈞膿、內服水銀散、三四釐、雞哪二釐、鴉片膏、二三釐、作一粒、夜晚服、服三四日、滴入開瞳人藥水、日二次、此証不能瀉、宜補藥及適口養人飲食、

作假瞳人法

兩目瞳人全被肉絲塞住、或明角罩、腎膜遮蔽、瞳

人不能視物、然尚能分別明暗、是隔簾之內未壞也、可作假瞳

人以透光法、用銳角形眼刀、平執、從明角罩、近白殼處、刺入、穿

過眼簾、用小眼鉤、將所割眼簾、自明角罩、割口鉤出、小眼交剪

翦去、約及眼簾四分之一、一法、用銳窄小刀、自眼白殼、稍離明



角罩一分、當橫徑刺入眼簾後、瞳人或上或下、橫割一口、自能伸開、成假瞳人、但醫者手法不熟、不宜妄割、恐誤累別處也、割後用開瞳人藥水滴入、卽啤拉叻哪藥水、日二次、或用啤拉叻哪膏、搽眼眶周圍、靜養勿勞、戒飲避風光、大概炎少無肉絲、不妨、炎多有肉絲、塞住、新瞳人卽無用矣、或割或鉤、俱宜略大、爲後來縮小地步、若新瞳人太小、後必仍塞不見也、此法惟兩目尙能分別明暗、無他証、無炎者、可用一明一暗、能略有所見、不必作假瞳人、若功用全壞、不能分別明暗、或虛弱有病、或炎未全止者、俱不宜妄作、

睛珠變質不明、睛珠略似一粒光明眞珠、若變黃如琥珀、或白、

或灰色、或堅、或清稀若乳汁、卽失其收束物象達腦之功、漸致昏暗、晦夜微光、尙略能見、白晝明光、反不能見、蓋光之入目、濃則瞳人收縮而小、淡則瞳人展開而大、睛珠變質、由中及邊、晦夜光淡、瞳人展開、光能射及睛質、未變處、故略有所見也、病在睛珠不在瞳人、瞳人靈活如常、因睛珠變質變色、外光不達、故瞳人不黑、內映睛珠所變之色也、此証或自致、或一年半載前曾被打擊外傷而致、大概外傷者、一目變質爲多、自致則一目先昏、次及兩目、治法、西國用利刀平入、穿通明角、罩使睛珠從割口流出、但刀須極利、用一二次稍鈍、非磨不能再用、宜備多件、且須一割恰中、如不中、不能連割二次、蓋割時前房水外流、



眼簾卽時向前再割必致傷累須俟割縫相連前房水長足方能再割也中土用此法甚難一恐醫者手法不熟或致傷累別處一恐極利刀難得且不善磨不如用針針有兩種或直而扁而銳兩邊有鋒略似箭鏃或銳而微曲兩邊有鋒法令病者對光低坐眼向內視鼻一人在後助開上胞或用指或用器圖見後醫者一手以指撥下胞一手取針小指端挺住病者顴骨以助指力免至搖顫刺時指略用力一刺卽入白殼勿稍停滯刺左目用右手刺右目用左手若不慣用左手者令病者仰面坐或仰臥醫者在後仍可用右手針自外眥平入針面向上下鋒同左右扁入離明角罩一分當橫徑刺入四五分直入大房中在睛珠之後舉針向上

而前經過睛珠之上轉而下入後房在睛珠前隔簾後

瞳人孔內可見

針將睛珠向後下撥至橫徑略下落大房稍停候舉針試睛珠

升否升則再撥若見瞳人仍略白是睛珠衣畱未下應挑碎令

瞳人還黑色將針輕力取出

仍扁出與入時向

每日各用軟布二三層

遮護外用布帶輕纏大概用刀割法睛珠既出卽無餘事用針

撥法有睛珠已撥下數日後復升上者或因嘔多而升或因卽

時平臥而升或因病者急開布帶試視外光偏射瞳人乍縮而

升既升必須再撥所以針撥後應居暗室避光靜養勿平臥

須數

時後方可平臥

勿多言勿開視略嘔微痛不必治嘔多痛劇服止嘔止

痛藥次日熱痛內服瀉藥兩三日後醫者略開視炎多用蟬吮



法法見單睛  
皮炎証條仍畱布帶不解五六日後不痛方可漸解不論刀  
割針撥三四時前俱宜先用啤啦叮哪藥水滴入或作膏搽眼  
眶周圍以開瞳人撥後月餘取水晶合目花光眼鏡助目力凡  
患此証一目不見尙有一目能見者不必針漸至兩目俱不見  
應次第針之一目愈再針一目若病者無暇久待欲急治或兩  
目同時齊針亦可又有針忌數事或天時風雨昏霧或身體有  
病或瞳人未散大俱不可針針鏽或不銳勿用凡針防傷累腦  
筋衣隔簾等處不可不慎○若睛珠變軟不能撥應刺入將睛  
珠及睛衣挑碎令入前後房漸散間二三月醫治一次或兩次  
漸愈

大房質色變大房內明衣及水質色變瞳人見綠可稱爲綠水  
灌瞳神其睛珠不明之証中土誤稱爲綠水灌瞳人其實病証  
大不相同此証有時累睛珠卽不明有時累腦筋衣卽發青光  
有時病專大房質色變不累別處病源則同至睛珠不明與此  
証無關者甚多醫者俱應細辨勿爲俗稱所誤病狀眼眶略痛  
瞳人大不靈活見空中有黑點或見光閃射初起一目先昏漸  
而兩目俱昏漸而全昏略無所見大概全昏多因大房累睛珠  
腦筋衣三處俱病此証年四十至六十人爲多醫治極難略痛  
用釣膿去炎法身弱服補藥靜養勿勞目此外無良法也  
發青光此証因腦筋衣壞漸變質中土稱爲發青光不甚可解



因通行已久、故不改變、凡目不能見、其故或在罩睛皮、或在明角罩、或在眼白殼、或在隔簾瞳人、或在睛珠、或在大房、此則專在腦筋或腦筋衣也、夫腦氣筋功用、在目則爲視、腦筋或腦筋衣病、功力不到、所以視官不用、此與鼻不分香臭、舌不知甘苦、耳不辨聲音、同一理也、病狀、瞳人黑、不靈活、或略不動、或散大、初起昏矇、有漸昏漸不見者、有忽然昏矇、未久卽全不見者、有時而昏時而明者、有視物見二三形者、有視物止見一半者、有視物不辨色者、有視物污濁、覺有黑點者、有視空中見黑點者、有視光忽來忽去者、有視物不能分遠近者、行路足浮、如防傾跌之狀、面色晦暗、瞳人滯、舒縮不靈、凡此皆腦筋或衣失功用

所致、試法、若一目病、一目不病、欲開視、不宜兩目齊開、因不病之目、瞳人舒縮如常、或暫時帶動病目、難以試驗、應專開一目視之、若腫人乍見光活動、不是此証、停滯不靈、方爲此証確據、病源或在腦、或在腦氣筋、或在腦筋衣、有功用壞本體未壞者、有本體亦壞者、致病之由、或因讀書刺繡等事、過用眼力、或因行房過度、或因手淫、有時因跌打震撞、腦中有血、或生癰、壓住人眼腦筋、治分二法、有炎証、有虛証、頭昏痛、眼眶痛、脈有力、面紅、眼略紅、此炎証也、用蜚兩三條、或太陽穴、或耳後、吮之、或肘凹、或頸後、用釣膿法、叮叮伊密的膏擦額、內服水銀散七釐、鴉片膏二三釐、作一粒、夜晚吞服、服數日、便秘則輕瀉之、以腳浸



入熱水內、戒口靜養、勿勞眼力、或可治。一種脈數而弱、無精神、心慌跳、面白唇白、此虛証也。其故或原病後身弱、或原失血、男子如痔瘡之類、女人如血崩白帶、耗乳過多之類、皆令血虛。或原房事過多、或手淫、致本體靈性虛。治法、審病源所起、謹戒勿犯。滴入鴉片酒、用凍水洗身、洗眼、或自上傾落周圍、手巾擦之、內服補藥、如雞哪人參、黃芪、黃連之類、又青礬爲鐵之精、亦能補益。見後補樂門便秘宜潤、不宜瀉。此証或虛或炎、大概難治。

以上睛珠不明、發青光、大房質色變、三証比較論之。睛珠不明之証、不痛、身無病、不見由漸而致、光濃則蒙、光淡則略見、夜明過日、左右邪視、明過正視、見燭光散大有暈、以指壓試眼球、不

堅不軟、病勢輕重、日日相同、用開瞳人藥散後、瞳人展開、見睛珠全不明、或黃或白、周圍有黑線、尙能略有所見、瞳人舒縮如常、以上各項、皆睛珠不明確據。發青光、大房質色變、二証有時頭痛而昏、有時不痛、食物有時不消化、或漸不見、或忽然不見、光濃則見、光淡則不見、日明過夜、睛爽明過陰雨、左右邪視亦不見、或見一處、上下左右不定、見燭光有芒四射、以指壓試眼球、或堅或軟、病勢忽輕忽重、精神勞倦卽不見、瞳人變色、不論黑綠白、或略見、或全不見、光入必緩慢、瞳人或舒縮或不舒縮、無定、以上各項、係發青光及大房質色變二証確據也、醫者一互勘辨、証自無誤矣、睛珠不明、止能針刺、不能用藥發青光、



大房質色變止能用藥不能針刺此相對治法也

眼球内生膿瘡或因外面或因內面生炎所累眼球大而腫膿在內欲偏出難出必痛劇不可忍耐此証眼必壞無法可救止可用刀不拘何處割出其膿痛卽止粥渣罌粟殼野菊花水等物潤之內服散熱止痛藥

眼癰此証有毒癰之類也故稱眼癰或生眼窠內或生眼胞外與癰証同能累全眼漸長而出小大不定此証不多見無治法雖全割出仍恐反覆膿血多身弱終必死

眼胞內皮炎証炎証之起先由上下眼胞者爲多病狀紅熱或微痛或癢多眵膠粘睫毛晨起上下胞粘連難開或覺胞內有

沙子妨礙其故或因風吹光偏或因眼目污濁未洗淨或因寢處卑濕污濁之地有時合數故而成病分新舊新者尚未內累各處易治久延變舊有幾月不愈者有幾年不愈者卽防上胞睫胞骨縮短顴毛倒入必令明角罩昏暗不見治法水八錢入膽礬二三釐或五七釐至十釐分濃淡幾種臨証酌用或用各息的水濃淡亦如之淡者早晚滴濃者日滴一次滴後用油或淨猪油或胡麻油或淡水銀膏搽眼睫未愈用鴉片酒滴入或鉛水或白礬水滴入覺有沙子用各息的水最妙凡用各項藥水滴眼濃則多痛淡則少痛但有時病重不得不用濃者不能顧忌片時之痛也亦有初起滴水痛一二次轉覺不痛者有同此藥水一



人痛一人不痛者大概醫治眼目不能執定一法

**瞼毛倒插**此証多因舊炎而致、瞼毛隨眼胞轉入、三四根倒插

可以鑷去、若全倒或半入、病原脆骨縮短、雖鑷去必復入、甚有

關係、治法用拈眼胞皮潤鑷

或鐵或木爲之圖見後

拈住眼胞外皮近瞼

毛處剪橫口長一寸、潤三四分、細線縫結三四處、外用膏藥護

貼、瞼毛轉出卽愈

**瞼毛外翻**此証或因罩睛皮腫厚、或因下胞外皮湯火瘡瘍之

類所傷、或眼窠骨略壞、皮自縮短、所以翻出、病故在外難治、在

內易治、治法用潤橫鑷拈內皮、翦去淨肉一條、使漸翻還、一法

將下胞自邊直割去一塊、上潤下銳、針線綁結連合之

見後圖

眼蓋墜下有人眼上胞終日下墜非指挺不開或左目或右目此內層直紋肉功用失也病在腦不主宰防成中風之媒有時頭痛而昏應用蟬吮釣膿等法有因身虛弱所致者宜補並用潤鑷拊住眼上胞外皮橫剪一口線結連合意在剪短上胞使能開視也○此証有因腦筋衣壞所致卽發青光之類

小兒初生目不開貓犬類初生上下胞相連不開人類亦間有之應用引導針自外眥穿入內眥墊隔用刀割開又有一証因眼胞與罩睛皮各處相連不開者明角罩必壞難治

左右八淚管病凡人平日淚由核生濡潤全目自內眥上下角兩小孔入管貯囊落鼻淚不多不少目卽不乾不濕無淚則眼



枯眼枯者無治法、有時淚不入管、流落於面、因管內塞住、初起大概有炎証、見內管下紅腫、應用蟬吮法、溫水頻洗、鉛水膽礬水入銅節射入淚管內、如無銅節、搽肉背、使自入亦可不愈、將淚管紅腫處割開、用銀針通入淚管、有時因炎成膿、塞住淚管、或膿或淚流落滿面、割後用器通之、通淚管器見後圖以淚能通行爲度、頻用溫水洗淨、不愈再通、此証有經累年月者、

附錄

卷四

三



彎針又式



拔睫毛鑷圖




圓端凹溝挖式



彎針又式



各式眼刀圖




牽開眼胞器圖



各式眼針圖




拈眼胞皮潤鐮




眼交剪圖

有曲直二樣




眼交剪圖

曲形




努肉扳睛圖  
上下皆同  
此在上




全遮瞳人

努肉扳睛圖  
內外皆同  
此在內骨




虛炎生小白泡圖




此証十分畏光難開  
用指撥當照此式

明角罩生面外罩角明



遮蔽瞳人之半

明角罩生瘡圖  
瘡與瞳  
人正對




眼簾窩大一倍欲入易見

睛皮炎有膿重証圖




明角罩瞳人皆壞因  
睛皮腫隆所致

眼簾炎証初起瞳人將塞圖



上下胞有炎腫毛膠粘

眼簾炎証瞳人已塞圖





瞳人展開圖



用開瞳人藥後  
瞳人大倍常形




瞳人常形圖

睛珠變質不明圖




略見睛珠如雲母石形

睛珠撥落大房圖




此式撥下太過




此圖撥至略下橫徑

撥睛珠針轉入後房式




手指撥上下眼胞應照此式

式睛珠入針式




針自白亮離角一分對橫徑刺入處

割睛珠入刀式



自明角罩橫徑下刺入使睛珠隨刀而出

割睛珠入刀式




自明角罩橫徑上刺入使睛珠隨刀而出

目昏花見各形圖




布帶遮護兩目式



明目全罩凸正面圖

眼  
簾  
腫  
入  
全  
壞



明目一角罩邊尖凸圖


眼  
簾  
腫  
入  
未  
壞




作假瞳人鉤出眼簾式



作假瞳人明角罩割口式



捺藥銀針圖




射水入眼銅節圖






睫翻出割後針線連合式




睫毛翻出圖

此圖與前圖  
倒插相反



黑線係用刀割之路

通淚管器圖



割淚管式



圖插倒毛瞍





眼胞脆骨縮短所致

圖粒沙如平不皮內胞

翻轉胞皮所見




醫治倒睫二式



用潤脂附眼胞  
外皮剪後之形


剪後用線  
縫連如此

圖癰眼




法胞眼開牽

割白壳肉筋用此餘不用



兩指揅下胞用器牽上  
胞後鈎其旁自不得閉



銅水節圖

抽縮  
推送  
引出  
入水




鼻蛇圖 塞前後拱

耳屬此



聞症筒又式

大口合病者胃腸等  
處以耳屬小口聽之若  
欲引日照耳則倒用



聞症筒圖




掛取鼻蛇式

開鼻孔耳門器  
下有跳機  
捷之使開



引日照耳門器



二器隨  
宜酌用




掛取壞牙式



頰骨

食管哽物長彎鉗取圖



氣管  
食管  
頸骨  
髓路  
頸骨

牙鉗圖 曲式



牙鉗圖 直式





# 耳鼻口舌等証

耳病或在外竅、或在中竅、或在內竅、病証多端、今專就外竅言之、凡醫治耳証、令病者以耳門對日光射之處、比燭更明、或先用簞入竅三四分、以承日光、尤妙、若見竅內乾淨、膩蠟不多、耳膜白色、未爛無膿、知病不在外竅也、須從中竅內竅推究、若有外物入耳、如小兒粟泥砂木石豆粒玻璃屑之類、易入難出、不出定有關係、治法、一溫水用水節射入耳門、使物從水流出、一用鑷將物拈出、若圓粒不能拈者、用挖鉤出、又有自生膩蠟、或先曾病耳、醫者妄用藥末塞滿耳竅、遮蔽音聲而聾者、法用溫水一二兩、水節射入數次、或膩蠟堅、與竅皮相粘、用溫油少許

滴入外用繇花塞住耳門、不使流出、隔一二日、膩蠟浸軟、或用挖、或用鑷、取去之、凡用水節、宜面盆在下、承接污濁之水、

外竅有膿、此証小兒最多、臭穢流出耳門、其故或因炎証、或因外物內入、或因出牙、或因痘後身弱、或因熱毒麻証之類、或因傷風之類、有時耳竅有膿、眼又畏光、是虛炎所致也、治法、有炎耳內痛、宜耳後用蜚蛭、頸後貼斑蝥膏藥、釣膿、身熱瀉之內服止痛藥、外用滾水沖浸、無花果、麥糠、野菊花、罌粟殼等入布囊、按貼耳後周圍痛處、或炒熱白鹽、隔布熨、另用膽礬水、或白礬水、或鉛水、或鴉片酒、水節射入、如無水節、滴入亦可、有時因耳門內生小膿瘡、甚痛、審明、應用刀刺開、有浮肉、用鑷拈出、○耳



鼻証不在外竅在中竅內竅者多大概腦筋壞難治今不具論

### 鼻証

鼻血鼻血之故或因跌打外傷或因用力飲酒過多或因身虛血稀薄流出或因心肝有病血不通行或全體熱証或頭內血多而溢或婦人經閉皆能致此人有患腦炎或熱証因鼻流血而病自愈者蓋鼻血卽與放血螞吮等法同理此造化以病醫病之妙用也若身虛鼻血不止面白頭昏者應治治法用豬膀胱一具滿貯冰塊置頭額或背上無冰代以水晶一塊或布浸冷水亦可一法沒石子末吸入塞鼻孔或軟布作長捲塞入前棋有時塞前棋血仍不止危險者應急塞後棋或左或右法用

銀彎針穿線、自鼻通入喉、用鑷拈出、軟布作小墊、結線上、仍自  
前棋抽線還入、使布墊恰塞後棋線端一畱口角外、兩三日後、  
欲去其墊、一抽卽出、見後圖內服止血藥、如沒石子白礬醋之類、  
**鼻蛇**、鼻中生癰肉、漸大而長、形略如蛇、故名鼻蛇、其根內連於  
骨、有短有長、有小有大、有一條者、有多條者、或塞前棋、或塞後  
棋、或全塞、或半塞、語聲不清、呼吸不適、法就日光射入、易見、或  
探針試確、應用鼻蛇鉗拈住、鼻蛇鉗圖見後口有齒一轉卽出、有血、用冷  
水止之、

口証

**缺唇**、又名崩口、又名兔唇、小兒胎中帶來、或濶或窄、或當中、或



偏一邊或兩邊各缺有時累及上腭言語不清治法潤鉗直掛缺唇用交剪或銳刀刺破左右相同兩邊對合用針橫貫綁結兩端見後圖外用布帶纏護勿多言勿大笑三四日後取出針兩邊自能合而爲一有左右各缺者應同時齊割綁結凡小兒患此者早治爲宜此証有因牙不齊擠住者應先將牙取去下唇生肉瘤或有毒或無毒宜及早全割去線結三四處連合之卽愈

小兒乳牙小兒生牙有時欲出不出牙肉紅腫痛身熱不安有瀉痢腦炎戰癇而死者應用牙肉刀割開牙面肉使牙尖透出卽時各証皆愈但須割至牙尖太淺則無益

亂牙破牙七八歲以上脫換乳牙若新生之牙因乳牙攔礙參

差歪邪應用牙鉗拈去乳牙使新牙漸能長齊有大人牙自壞

爛成孔痛者服止痛藥如鴉片膏之類西國用繇花小團裹在銀針頭

上浸幾阿蘇油少許塞入孔內止痛甚妙幾阿蘇番藥名係杉樹脂液從吧嗎油中

出若破碎妨礙者亦用牙鉗拈去不痛應洗淨繇花擦乾用水

銀及銀末水銀多少視孔之大置手心小銀末加水銀一倍和作一粒塞孔內一二

日咀嚼如常若孔小則用金箔塞入

舌下軟癰此因舌下生水核管長大漸偏舌尖縮後語音不清

此癰大小無定大者或如雞卵摸之軟知非肉癰探膿針試之

有水如膠流出治法潤鐮拈住剪開一塊水流出即消後用收



斂藥漱口如白礬兒茶沒石子之類但此瘡必須翦去一塊若  
僅用刀刺水雖流出口合後仍易反復

**舌癰**小者可割或用細線緊紮根周圍如治血瘤法根漸紫漸  
細而脫潰爛則不治

**小兒舌不能伸**因舌底筋太長將舌絆住吮乳不利長大說話  
必難應及早用鈍尖交翦將筋翦短翦尖宜向下勿向舌防傷  
脈管也或翦一次或翦兩次即愈

**舌受傷**食物自咬其舌或因別故所傷無血能自止血不多無  
妨若傷脈管血流不止危險應用線綁結脈管更宜止血收斂  
等法

**舌炎**腫痛難吞嚥言語不利涎水多身熱脈大治法服發表及瀉藥舌下外面蜚吮溫水漱口腫甚不能呼吸飲食危險者用放膿刀割舌面出其膿血自愈

**舌生爛瘡**初起白泡漸至潰爛或因身虛或因牙爛有鋒尖觸舌或因疔毒治法虛則補之牙觸礙則鉗去之有毒則服解毒藥用濃各息的水筆搽或硼砂水漱口舌周圍爛硼砂末蜜和筆搽數次

**牙肉病**牙垢漸將齦肉擠開牙搖動脫出治法將垢刮去用槌榔灰或石粉樟腦末和擦日二次淨水漱口有時牙肉浮腫血流出痛不能食宜野菊花水或硝三錢大麥水十兩漱口有時



肝胃病所致、宜補胃瀉肝、用收斂藥水漱口、如兒茶、沒石子、白礬、礪砂、栴榔之類、多食葡萄、檸檬最宜、如無醋水亦可、

牙肉膿瘡、或因牙壞、或因牙窩骨壞、或因牙根生炎、膿欲出不出、瘡雖小、極痛、治法、先用熱水漱口、外用鹽炒熱、或麥糠沸湯、沖入布囊、隔腮肉、按住、痛不止、膿不出、須用牙肉刀割放其膿、卽愈、

牙窠肉瘤、在兩牙之間、擠開兩牙而出、有累至三四牙者、由漸長大、不甚痛、此無毒、非癰也、左右牙必脫、應用小鋸鋸開牙窠骨、割至癰根盡處、若不割至癰根、雖割仍恐復生、割後血流、冷水漱口止之、不止、用軟布作墊、塞住窠骨、鋸處壓一二刻、卽止、






圖脣缺



黑點係刀割之路

圖脣缺



圖脣缺合




牙外凸須先取去

圖線綁脣缺




黑點係刀割之路

圖唇缺右左




式脣缺結綁線針




剪去針兩端如上式

圖血止拱內鼻塞墊




圖瘤脣




黑點係刀割之路


圖鉗瘤肉



圖鉗蛇鼻




牙縫生瘤圖



小腸疝圖



小腸疝圖




小腸疝入腎囊圖



小腸疝圖


當腿腹相交處膨出



小治腸疝左右雙夾圖



小治腸疝右偏鋼夾圖



手指甲內生病圖



足趾甲內生病圖





胸部外傷

胸部傷分內外淺深、能累心肺總脈管、大有關係、亦與頭骨外傷防內累腦、其理相同、大概傷在外及傷淺者易治、醫者防有內傷、或知不準確、不可妄試、靜心稍待、自有病狀現出、

肺經受傷、喘促欬嗽、痰中有血、傷大血管、則血多、傷小條血管、則血少、此一據也、不論上下前後左右、何處受傷、呼吸之氣、自傷口出、試以燭焰置放傷口、卽見吹偏之狀、以耳聽之、覺有聲、此二據也、有時或膿或血或氣、停聚胞內、肺被壓偏、收束短縮、失其功用、呼吸不利、此三據也、受傷之故、或被刀劍擊刺、或被礮彈打入、或脇骨撞傷、論其危險、約有數端、有因受傷後血停

聚爲患者、其血或欬而出、或嘔而出、色紅而多、極危、脈細無力、頭昏氣喘、一身盡白、膚冷、無精神、血漸減者可生、有時血從傷口流出、是肺經胞內之血出也、多則必死、有因外傷致肺經或胞膜生炎者、一二日後、病狀氣喘、欬嗽、痰紅色而稠結、肺管塞住、失其呼吸功用、以聞証、簫按聽、如有兩指捻髮之聲、有因胞內生膿者、數日後、受傷一邊、脇骨間高凸、過對邊、試以手撲之、其聲實、因有膿在下、偏肺升上、無氣流行故也、又有氣從傷處入皮膜者、是肺經呼吸之氣泄出、一半偏入皮膜、通行各處、氣所到之處、則腫、摸聽、如有兩指捻髮聲、亦危証也、治法、彈丸、危過刀刺、西醫有久歷軍中者、論此証云、礮彈傷肺、十有五死、因



有外物入內更危且脈管損傷故也有卽時死者過三日不死  
可望有救若兩肺同時傷則危險極矣此証皮血略傷不內累  
無血無炎易治軟布浸溫水按貼油紙蓋護布帶纏束或以潤  
膏藥護之刀劍刺割傷口用線縫結一二處輔以合口膏藥若  
探有外入之物能取出則取去之有炎身熱不安用治炎証法  
疑有膿壓肺於五六脇骨間先入探膿針試之右低恐入肝左  
高恐入心故須  
準在五六  
脇骨之間如有膿用套管針刺入引膿外出可也

**心經受傷**心爲衆血之府傷則驟失多血大概極危險論其緩  
急上邊危過下邊上房危過下房死之遲速以此不同昔有兵  
丁曾經礮傷六年後患他証死剖視之見彈丸在心下房心自

裂開亦一奇也、有時大脈管或大迴血管受傷、危險亦與心同、均無治法、



## 肚腹外傷

肚腹外傷、多過胃部、約分三種、一種外面或被拳打、或被腳踢、或被馬蹄、或被輪壓、皮肉未損、有安臥一二日如常者、有時內累、大有關係、或肝胃脾腎俱裂、更多肝裂、因肝之本體大而實、易裂故也、大概裂皆死、有卽時死者、有三四時死者、有兩三日後死者、凡裂必有血、血多則死速、醫者但見外傷後、面白、身冷、脈細、無精神、肚腹痛、或便血、或嘔血、卽應推究所傷何處、腎傷則溺血、胃傷則嘔血、大小腸傷則便血、肝傷則一身皮盡黃、此其據也、內傷大概難治、罌粟殼水潤肚腹、略止其痛、頭昏軟弱、無精神、宜用補精神藥、繇被蓋護、令身煖、一種外面損傷、未至

內累無甚關係、但將傷處、或用線縫結、或貼合口膏藥可也。一種傷過胞膜入裏面、關係大小腸胃露出、有露出無傷損者、有露出復傷損者、有在內先已傷損、或出或不出、大概肝腎脾不能露出、惟大小腸胃露出爲多、小腸及肥網爲尤多、治法、令病者偻身、寬鬆肚腹、將露處沾染泥土污濁、先用溫水洗淨、以手指輕偪送入、宜漸不宜急速、凡露後、漸出漸多、傷口小、不能送入、應用鈍尖刀、將傷口上下略割三四分、卽能送入、線縫傷口、護貼合口膏藥、外用軟布壓之、布帶周圍纏束、內服鴉片膏二三釐、令病者熟睡、以傷處一邊著牀、如不能睡、再服、必服鴉片熟睡者、一安其身體、不至妄動、一免便溺之勞、一免生炎、病者



安居靜養、勿接賓客、勿多言語、食粥三四日後、食鷄湯肉湯之類、便秘不宜瀉、只可用大黃一塊、納入肛門以引之、若小腸肥網並出者、先入小腸、次入肥網、以上係露出未裂治法也、若露出裂壞者、或風、或血、或尿、從裂處泄出、危險難治、應先將裂處細心對合、用細線縫結、然後送入、若裂口生肉絲塞住、可望漸愈、有時就醫已遲、不能還入、只可聽其自成假肛門以出大便、亦可免死、惟屎出肚腹內者、必不救、

受傷一二日後、有時肚腹胞膜內生炎、滿腹痛劇、手不敢摸、衣不欲觸、嘔呃發熱、面白煩愁、脈細數、舌乾、大便秘極、腹內有風有水、擊之聲如鼓、大有關係、治法詳炎証篇、外用蜚蛭吮釣膿等

法、罌粟水潤肚腹、內服迦路米三釐、鴉片膏一釐、日三次、兩三日後、齟腫止、勿服、戒口、炎減、服雞肉等湯、

胃傷、汁流出、嘔血、無精神、軟弱之極、危險、

肝傷、大痛而嘔、傷處有膽水流出、溺深紅、周身皮色黃、至危險、  
膽囊傷、必死、

脾傷、深者必死、

腎傷、血從溺出、或溺自傷口流出、多膿、皆極危險、

膀胱傷、溺漏、入肚腹必死、

肚腹水脹、此因外傷後舊炎、或心肝脾腎本體壞、或功用壞、妨礙血行、有水泄出、聚積肚腹之內、肚腹膨脹、醫者以手摸試、壓



其左則水偏而右壓其右則水偏而左探針試之水從針流法用套管針當肚臍下一寸刺入抽去針水從套管湧出面盆承接盆滿以指按套管口傾去再放務俟水盡方去套管刺時令病者坐牀邊放水後卽安臥有因放水頭昏者安臥一二時卽無妨外用潤布帶纏束輔助肚腹此法係因水在肚腹胞膜之內病者辛苦不安刺放所以安之非能治其病源也後若反覆可以再放一法用探膿針刺入臍之上下一二處使涓滴漸出有出至兩三日或三四日者亦能使水脹漸消此緩放法也內服發表及通利大小便藥虛弱服補藥○凡肚腹膨脹病原必在臟腑或本體壞或功用壞膨脹是其証據故放水係治標法

不能治本、若欲治本、須於臟腑體用求之、

婦人子宮核脹大、婦人子宮左右有核、有時生水脹大、與前所

論肚腹胞膜生水、病原不同、胞膜生水、滿腹皆軟、此則中實而  
左右軟、探針試之、胞膜水清、或略黃、此則稠結、或白、或黑、或如  
乳、或如油、其核有漸長大至四五十斤者、其故殊不可解、法於  
臍下一寸至一寸半處、割外皮、口長三四分、大套管針刺入、必用  
大套管者、因水稠引水流出、後用合口膏藥貼割口、或用潤布  
結管小則不出也帶周身纏裹、但此症無治法、因水多身重不安、引放其水、能令  
暫安、非能治其病也、此症中土婦女頗多、因無別証、有經數年  
不死者、勿妄服藥、恐無益而有損也、



# 乳証

乳頭腫硬、乳病婦女爲多、男子亦間有之、十五六歲男女偶然乳痛、多有不治自止者、此乳病之輕者也、有時婦人乳頭痛、小兒吮之、痛更劇、或小兒因乳頭腫硬不願吮者、法用兒茶水、或沒石子水、或白礬水、或鉛水、洗乳頭、並宜井水略搽猪油、小兒吮食先後俱用溫水洗淨、凡婦人未生育前、防有此病、卽應豫用凍水頻洗乳頭、或白礬水、或酒洗亦可、

乳生膿、乳炎証、熱痛紅腫、不久卽有膿、膿或深或淺、淺者自潰、深者難出、必更痛、婦人產子五七日間最多、大概乳血聚、易生炎、或被風吹、或乍寒乍冷、或小兒吮去太少、停住積聚、皆能致

病治法、割刺放膿爲上、次則蟬吮、大便秘結宜瀉、外用粥渣等物按貼以潤之、小兒不肯吮、防畱聚增患、宜令人將乳吮去、或用油搽手心、將乳漸偏流出、日一二次、兩三日後自愈、有時新炎變舊炎、功力全失、周圍皆腫、身軟弱、止宜內服補藥、有膿者應刺出其膿、貼潤膏藥、外用潤布帶纏束胸背周圍以輔之。乳癰乳癰無毒、漸起身無病、不痛、有漸大者、有幾年不大者、無所苦、不必治、若日益大、妨礙者、不得不割、割法詳癰論。乳癰乳癰有毒而痛、病原在身、初起未潰、可割、潰爛多則不治、此証無良法、割亦暫救而已、其詳具載癰論。



小腸疝証

小腸下出、或因大力欬嗽、或因二便出力過多、或因提重物所傷、小腸離本位、從肚腹軟弱處偏出、或臍、或左右大腿與肚腹相連處、或腎囊、初起小、愈久愈大、有歷年後大如人頭者、有小兒初生、小腸從肚臍偏出者、試法、指壓不見、放手卽見、立起或欬嗽卽大、其中或糞、或氣、以手按之則鳴、治法、或以指、或以手心送入、外用鋼夾挺壓、長久勿鬆、年少者一年後不再發、不須更夾、鋼夾大小、須量其人之肥瘦、恰合爲宜、中土此証甚多、因無鋼夾、遂不能治、應令巧匠照式仿造、於此証大有益也、有時小腸逼出、不能送還、其故因小腸所出之路、周圍筋帶緊勒、血

不通行、久則瘀黑而死、其人亦無生理、病狀必有多炎、小腹緊痛、大便秘結、或嘔物、或嘔痰、或嘔糞、脈數、面憂色、身不安、漸不知痛、卽死、速或一日、遲或兩三日、治法、小腸被筋帶勒住、應將筋帶放鬆、西國治法、令病者歟迷蒙水、番名哥囉叻一使昏迷忘痛、一寬鬆周圍肉筋之力、醫者先用手法納送、倘不能入、卽須用刀法、以小指探知被勒處、割開筋帶、小腸自可漸送還入、但割法危險、非部位絲毫不誤、手法極熟、不宜輕試、中土人筋力易鬆、可不須割、宜用手法、如無迷蒙水、服鴉片膏三四釐以代之、務使熟睡、不熟睡再服、病者高肩卷腿而臥、不使患處緊掣、醫者一手以兩指拈小腸推送入內、一手心輔之、歷一二刻、勒處



漸鬆聽之內有聲、卽係將入之徵、但能絲毫略入、卽全入不難矣、入後安臥靜養、勿勞動、勿遠行、大便難、服微利藥、鋼夾夾住、此証有經數年者、小腸所出之路、愈久愈寬、易於出入、無勒傷之患、但行動不便、且因過大、不能用鋼夾、止可用布囊繫掛腰間、以輔之、大概身有此病者、靜養爲宜、有時因勞苦、忽然熱痛而腫、身大不安、關係生死者、不可不慎。○一法、小腸下墜、病者自以手托住、兩大腿斜交緊壓、亦能逼入。○小兒初生、小腸離偏肚臍、欬嗽卽見、治法、象牙作圓餅、或鉛或石、或堅木、軟布包壓患處、外用膏藥護貼、不令脫、久之漸愈。





肛門証

小兒初生無肛門、此証分二種、或全無、或略有而塞住、尿不出、必死、有時尿從小便溺出、暫延性命、終亦死、欲醫治、止有割之一法、令乳母抱兒正坐、用銳刀刺入半寸至一寸、以見尿爲度、割口宜小、見尿出可以略大、更用軟布浸油作捲、或小指或探針輔助將割口彌開、有時深割不見尿、因直腸過一寸、刀不能及、止可於左腰胯骨之上、當大腸對面、割作假肛門、是救命免死法也、有時肛門略有小孔、或無孔、但爲薄皮遮塞、只須微割、尿卽出也、

痔瘡肛門內外生瘡、名曰痔、或小如菜豆、或大如核桃、或有血、

或無血、或一粒或幾粒、在肛門外者分二種、一種形圓而硬、色半紅半白、因半爲肛門內皮、半爲肛門外皮、一種長圓形、全在肛門之外、其質軟、外痔有經年累月不痛、無所苦、但大便後略不安者、有忽然生炎、腫痛、癢跳、肛門內覺有物妨礙者、或因遠行、或因飲酒、或因便秘、有時腰痛、腿腳痛、欲嘔、小便難、身弱無精神、婦人患此、多見腰痛、白帶、或胎不安等証、有時多血、標出者、治法、大便或秘、或結、宜微利、大黃末七八釐、蜜和、或每日服、或間日服、大便不秘、結、日出一次、卽停止、勿服、一法、每早食蕉一條、無蕉、或梨亦可、每晚臨臥時、大便後洗淨、安臥爲宜、腫痛者、離痔少許、用蜚蛭、內服鴉片膏二三釐、水銀散七釐、次早服



大黃末一二分、罌粟殼、野菊花、水潤之、更用凍水或溫水、入水節內、偏射、痛時坐大澡盆內、寬水澆洗、腫痛漸減、用收斂藥、沒石子末一二錢、鴉片膏一分、豬油七錢、攪擦、或沒石子水兒、茶、水、白礬水洗俱可、外用膏藥護貼、或軟布作墊、或用象牙一段、上端圓銳、下端略大、似手次指形、納入肛門、壓住、布巾繫腰、舉托之、象牙以油潤之則易入

內痔大便後、卽見、有時忽腫痛、偏出不能入、治法與外痔同、但外痔有時可割、血出易止、內痔必不宜割、蓋肛門內多血管、恐割後血不止也、無論外內痔、血標流多次、前法醫治不止、俱宜用線綁繫、綁後痛苦、宜坐大澡盆內、溫水澆洗、痔被綁繫、一二

日後卽死、死後自脫、如不脫、用交翦翦去、或用利刀割去、搽收斂藥幾次、卽愈、若有幾粒、應次第綁紮、內痔深藏、須令病者努力外偏、用小鉤鉤出綁紮、但熱痛時不可綁紮、只可用溫潤水止痛、凡綁紮外內痔、應令病者先將大便出盡、綁紮後卽宜安臥、一二日內勿更大便爲要。○有年少人肛門左右生爛瘡、名毒痔、平而堅硬、有膿、或因父母疔毒、或因男色生毒、治法以解毒爲主、服水銀散、搽各息的、或膽礬石、頻用溫水洗淨、月餘愈、直腸血出、此証分二種、有大便後深紅血標出者、是小脈管裂也、有大便後紫血流出者、是迴血管裂也、又有赤痢一種、與此不同、赤痢血與便雜、別見他証、此則血在尿外、不相混合、病原



或因內痔、或不因內痔、治法先服微利藥、後用收斂藥洗肛門、若身弱而瘦、唇白、面黃、脈無力、心跳、氣喘、頭昏、或腳腫、應推究有無內痔、有則用醫痔法、無則急止其血、綁紮血脈管、若管不見、則用軟布、繻花之類、作捲塞入肛門內、內服補藥、如鐵末酒之類、

肛門外生膿瘡、有深有淺、熱跳而痛、大便後更痛、膿路邪通大腸、難治、久後累及肺經、成癆、危險、膿路有不通大腸者、較輕、治法、先用銳刀將膿刺出、勿待自裂、每日用凍水洗淨、或濃膽礬水、或挨阿顛酒、或各息的水、貯水節內射入、搽沒石子膏、內服補藥、

**脫肛**直腸脫出俗名脫肛十五歲以下小兒及老人爲多有脫出少許者有脫出二三寸者因肛門周圍肉鬆大概身弱治法凍水洗淨安臥放高大腿軟布浸油手指推送納入外用收斂藥水洗更搽收斂藥膏凡有此病者大便坐廁股宜略懸自以手指牽肛門邊皮肉令緊便後卽時用凍水洗小兒患此者母應加意調護勿任久脫久脫則難治送入後防卽時再脫用軟布作墊壓肛門布帶絡繫腰前後令安臥半時漸能不脫而愈矣

**肛門窄**油浸小指將肛門展開或以象牙烏木等作指形上端圓銳下端略大光滑爲佳大小分三四等可代手指用時以油



潤之若肛門小指不能入割開少許漸以手指展大

**直腸癰**生在肛門上一二寸間此証不多見亦無治法

西醫圖說

卷中

三



溺器証

夫溺者、內腎司之、膀胱藏之、溺管出之、故溺病當推究內腎膀胱溺管三處、內腎專司生溺、左右有長管、引入膀胱、膀胱無溺則縮、有溺則舒、位居骨盤之中、溺略多則略升、多極則升至臍、平日積溺半斤、人卽欲小便、若多至一斤、卽覺不適、平人日溺三四次爲宜、過數過少、久則防病、暑月雖飲水多溺亦少者、以汗孔泄之也、內腎別屬內科、茲專就膀胱溺管各証言之、

膀胱炎証、有新有舊、膀胱不安、時欲溺、溺中膠涎、或有膿血、此舊炎也、病在內膜、老人爲多、或膀胱本體生厚、或膀胱自病、內皮生瘡潰爛、或內有砂淋、有時溺管有病、漸累膀胱、應分別施

治自病生炎者、內服鴉片膏、或鴉片丸、納入肛門、以安膀胱、病者靜臥勿勞、頻以熱水貯深大澡盆中、坐一刻之久、食潤物、如粥及煮胡麻子土茯苓之類、更宜服微利藥、勿令大便秘、

膀胱癰証、膀胱失卻舒縮功用而成癰証、小便或全不出、或滿積後、略出涓滴、因膀胱無力、不能使小便暢出、或因中風所致、或因下身截癰、或偏癰、所累、亦有老人無癰証、忽然膀胱自失功用、又有腦証熱証溺秘不出者、多則膀胱脹裂、溺入腹內、必死、凡病者自言溺不利、不能全出、有時涓滴而出、無力暢送、醫者卽應推究膀胱中積溺多少、有無關係、小腹脹大、旁擊之覺有水、是有積溺也、治法、用引溺銀管自陽莖透入膀胱、將溺引



出立覺鬆適、溺必深紅而臊臭、引溺銀管以銀爲之、外面須極光滑、有大有小、有長有短、有直有曲、有略曲、有大曲、須各種俱備、臨証酌用、常用微彎者、約長七八寸、略似鷲毛管、彎端左右有細眼三四、溺自眼入、後有圖中土、不難仿製也、曾見多人小便涓滴而出、病者不自知有積溺、及入引溺管後、引出多溺、有至四五斤者、出於意外、若非引出、其人必死、此証切勿服利小便藥、若妄服、是速其脹裂也、引溺之法、膀胱暫失功用、無別証者、引一二次、卽愈、若兼別証、須另治病原、仍用引溺法、以鬆適之可也、引溺後、服斑蝥酒數滴、腰貼斑蝥膏藥、多著衣、令身煖、食潤物、如胡麻子水及粥之類、○無引溺管、或用冰一塊、按小

腹或能令膀胱收縮而溺出、老人用凍水貯便壺、夾腎囊下亦能引溺、

遺溺此因膀胱之口失卻舒縮功用、與前所論膀胱癰証略同、但癰証係膀胱肉不能縮、小便欲出不暢、此則膀胱口周圍之肉失功用而軟弱不收、所以小便自遺不禁也、有時功用略失、有時功用全失、略失則略遺、全失則全遺、病原不一、或因身弱、或因痔瘡、或病在溺管、或婦人小兒驚恐、膀胱忽失功用、或小兒熟睡、溺出不自知、或肛門內生虫、大小腸不安、治法身弱宜服雞鳴鐵末等藥以補之、有虫食殺虫藥、小兒有因傷食或過食甘物所致者、宜戒口、有因頑稟過度、勞倦無精神所致者、宜



養息、乳母約計兒熟睡欲溺時、卽應喚醒、使溺、改變其性、勿使習慣、亦能漸止、臨臥勿飲茶水爲宜、

膀胱蒂病、膀胱蒂平日如粟、時或生大如拳、如急欲小便狀、小便極難、久則溺中有膠有膿、老人易患此証、醫者以指入肛門探試、直腸之上、大而實、治法甚難、戒酒、戒房事、戒遠行勞苦、軟弱者食補藥及一切宜人之物、溺不出、用大彎長引溺銀管入膀胱引出、如無引溺管、用鴉片丸納入肛門、坐深大澡盆中、滿貯洗潤、隨時靜養、保護爲宜、

腎溺管生大、此因溺出常不通利、或妨累溺管、或妨累膀胱、久之腎管生大、老人爲多、無治法、

膀胱外露有小兒初生膀胱從骨盤之上外露小腹前能見膀胱左右兩孔小便從孔中涓滴流出臊臭異常應出溺之管反無一滴此是奇証無治法大概天殤者多

溺管生炎溺管自膀胱之口至龜頭長七寸許溺水所從出也有時內皮忽生炎証熱痛不安其故或因身虛或因身有病或因溺變質或因流白濁小便痛苦膿水交雜大概無毒者數日後能自愈流白濁有毒者更熱更痛治法或鴉片水或鉛水或溫水貯水節內射入如無水節鴉片膏搽陽莖及腎囊之下亦可更宜坐大澡盆中熱水洗滌內服微利藥戒口戒飲酒戒食熱物忌行動宜食潤溺各物



溺管變窄有初起略通漸窄而塞常久者有忽然變窄初起卽塞住暫時欲溺不能者其故或因炎証或因流白濁致病之原或飲酒房勞過度或傷於飲食遂致溺質改變溺管不安而病生此變窄所由也治分二法忽然變窄暫時塞住欲溺不能溺管無病者鴉片膏四五釐漿水和貯水節內射入溺管如無水節鴉片膏作丸納入肛門更用深大澡盆滿貯熱水下身坐浸一二刻之久上身用絛被擁護發表當有小便出也肉食胡麻子水潤溺戒飲酒戒食酸甘服微利藥勿令大便秘一法用硝一分樟腦一二分滾水冲服凡患此者身宜溫暖勿觸犯冷風慎飲食爲最要初起略通漸窄而塞溺管自病長久者因溺管

自生炎症、更多流白濁、或外被打踢、跌落所傷、內皮硬厚、管塞、溺阻、或在腎囊、肛門之間、或在龜頭內一寸、或在龜頭口、或在膀胱蒂前、有一處者、有兩三處者、溺管或略塞、或全塞、溺不能出、久之自尋別路、有從肛門出者、有隨處破皮肉作假孔出者、漸致妨累膀胱、內腎大有關係、病狀欲溺不出、用力強偏、僅能涓滴緩出、至半即止、夜四五次、皆不通暢、有時溺旋轉而出、散漫不聚、大概略塞可治、全塞難治、治法、一手握陽莖、一手入引溺銀管、約至塞處、將引溺銀管略偏、深送入膀胱、溺出後稍停、抽出、此法引溺最妙、日用一次、引溺銀管用、手搓熱、搽油、令極滑利、易入、大小多種、初用小者、漸漸溺管易開、換用大者可也、



溺血此証或血在溺中、或先溺後血、血之來源、或從內腎、或從膀胱、或從溺管、從內腎者、或因腰被跌打外傷、或因腎內有砂石淋、從膀胱者、或因膀胱內有砂石淋、或因膀胱內皮生瘡、傷血管、從溺管者、或因溺管內有砂石淋、或因溺管內生炎、或因入引溺銀管、略傷溺管、治法、病在內腎者、腰痛、宜瀉、坐凍水洗腰、或以猪膀胱貯冰、按腰間、外用蜚蛭、內服止血藥、膀胱血凍水八兩、和白礬四五分、貯大水、節射入陽莖內、如無水節、服止痛止血藥、溺管血、有時自止、不止者、用手巾浸凍水、絞乾、按腎囊周圍、或以手指在腎囊前後試、知溺管出血處、壓住一二刻、卽止。

無溺此証或因身體有病、或因內腎有病、失功用、忽然不能生溺、百體應消爲溺之物、仍在血中、所以血入腦、漸至昏迷不省、三四日死、

淋証溺重於水、失度爲有病、平人之溺、不多不少、不酸不淡、不濃不稀、溺改變、必因人有病、有時溺中或有粉、或有沙、或有石、總名爲淋、其淺深則有別、粉淋有黃紅白各色、與溺混雜、溺時不見溺出、冷定則見、此証較輕、因粉末熱則消化、溺在膀胱必熱、所以無甚關係、小便後有砂隨溺出、卽恐成砂淋爲患、砂淋輕者隨溺出、在膀胱不出、漸長大、則成石淋、所以一見溺中有砂隨溺而出、卽防膀胱有石淋也、石淋爲最重、膀胱不安、時欲



溺溺未竟忽止、因石在膀胱口塞住之故、病者兩手伏地、石到上則溺復出、溺後痛劇不安、或有血出、凡石淋有略覺痛苦者、有痛苦極不欲眠食求死者、蓋石有大有小、有平滑、有粗礪、小而平滑則痛輕、大而粗礪則痛劇也、至其小大輕重、迥乎不同、小者如豆粒、大者如雀卵、至大者如鷲卵、輕者十釐、重者十兩、至重者三十兩、大概過十兩、割不割皆極危險、鮮有不死者矣、其由小而大、必以漸生、一層大一層、有數月即大者、有數年始大者、致病之故、不甚可解、大抵人之性質、近熱則易病熱、近寒則易病寒、有易患沙石淋者、或亦性質與淋相近也、治法、溺中見有粉沙、小便不暢、溺管雖尚未塞、須豫防久延爲患、應戒勞

戒酒戒食甘物及糖麵所作餅餌之類、宜食新蔬熟果嘉肴、蔬則水芹爲佳、果則葡萄檸檬爲佳、肴則肉湯牛乳雞子爲佳、內服微利藥、水銀散五七釐、鴉片膏一二釐、間日夜晚服、次早服大黃微利、黃連補胃、或分用、或合用、更妙遷徙他處、更換水土、初起依此法醫治、或能改變性質也、若石淋痛苦、外用鴉片入肛門、坐大澡盆、熱水洗潤止痛、凡石淋之小者、塞住溺管口、宜銳尖刀刺割分許、用挖鉤出、稍深者應用長鉗鉗出、若深過一寸、應在陽莖下割開溺管、用鉗鉗出、惟正當腎囊處不能割、若在腎囊後、亦可割開、拈出、石淋之大者、用探膀胱針自陽莖透入膀胱、四面搖探準確、應在腎囊肛門間割開、用長鉗鉗出、大



概石淋不出、終必死、服藥不能消、最危險、西國醫治、止有割開  
拊取一法、生者居多、○凡有此病者、宜靜養、切忌遠行勞動、  
小兒陽莖外皮孔窄、小兒陽莖外皮孔竅小、不能翻轉、遮蔽龜  
頭、溺難出、法用銀針、引導銳尖刀、或上或下、刺開四五分、使龜  
頭易露、溺自利矣、此証久、恐外皮與龜頭連合、故須早割爲宜、  
○有小兒初生、溺管口不開展、溺不出者、用銳尖刀略割分許、  
自能展開易溺矣、





腎囊証

外腎炎証外腎熱痛紅腫、按之堅實、頭昏、身熱而嘔、外皮痛劇、不欲觸、時痛上腰、有漸起者、有忽起者、或因疔毒、或因跌打外傷、治法、應用蜚吮、皮痛者、稍離吮之、如無蜚、用利刀刺數眼、使血流出、並用罌粟花水、野菊花水、助血流而潤腎囊、夜晚服鴉片三四釐、次早服瀉藥、不應、用迦路米鴉片膏共作一粒、夜晚吞服、兩三日後、口流涎、齟腫止、勿服、後來痛減、仍腫硬、宜用水銀黑膏、或塗手心、搽或攤布貼、外用布帶纏壓、此証宜安臥靜養、忌遠行勞動、臥則墊褥在下托之、行立則用布巾繫掛腰間、以輔之、

外腎變小此証或因房勞過度或因跌打外傷或因炎証關係外腎小如豆粒功用全壞無治法

外腎痛外腎不熱不紅不腫但痛劇是腦筋不安也內服補藥、  
雞哪鐵末信石酒之類、外搽鴉片膏、或哥囉防水傾滴布上貼、  
住、外用油紙蓋護、凡腦氣筋痛、不論何處、俱應補、雞哪鐵末信、  
石酒皆止痛補藥、中土則黃耆黃連、肉蓯蓉、淫羊藿、本草皆稱、  
止痛、但未經親試、不敢臆斷、

腎囊水疝此証老人小兒及壯歲人皆有、水在腎囊包內、外面、  
光滑、不紅不痛而軟、雖腫不覺重累、一手握住、一手撲逼、卽覺、  
有水冲至、探膿針試之、有水流出生數月者、以目側合腎囊、



用燭燃照目雖不見燭覺光透過腎囊舊者皮厚光不能透此証與小腸疝相似辨法小腸疝腎囊上天下小此則上小下大一據也小腸疝令大欬卽見偏出此則常不改變二據也小腸疝以手捉偏卽小或不見此則捉偏不改變三據也有時腎囊左右兩邊一患小腸疝一患此者又有腎囊上患小腸疝下患此者又有左右皆患此者皆應細究至外腎炎証腫大與此又有別蓋炎証堅痛而重以手撲偏無水隔腎囊不能透燭光皆與此証不同也治法水銀黑膏或搽或貼外剪合口膏藥數條壓護布帶纏束輔助此散法也治小兒最宜若大人不能散應用套管針邪入腎囊


見後圖

抽去針水從套管中流出必邪入者

防傷外腎故也。引出之水、或清黃色、或白、或微紅、或幾兩、或二三斤不等。引盡後、抽去套管、不須更貼膏藥。如無套管針、用大縫針刺兩三處、深半寸許、或一寸、使水滴出。有時滴入外皮膚內、能自散。但此証數月後、每漸反覆。西法用套管針、自腎囊刺入、抽針引水出、以愛阿顛酒、或黃酒、貯水節、自套管射入、少頃熱痛、以手握腎囊、偏水外出、卽取去套管。如無水節、可用手握腎囊在前、以縫針穿線二三條、經貫腎囊、剪去兩端線稍、兩三日生炎、將線抽去。以上二法、俱能令兩邊胞衣相連、不至有反復之患。數日內宜安臥靜養、勿行動煩勞。



腎囊水疝刺放式




腎囊水疝刺放式




溺管變窄圖



引溺銀管通管式




套管針刺放腎囊式



套管針圖


收貯筒內使不銹壞

黑點係針




引溺銀管式


黑點係孔




圖膀胱入器淋石探




圖膀胱入器淋石探



圖膀胱入器淋石探




圖管半刀鉗用所淋石治醫  
針淋石




管邊有  
形半圓為之  
器刀引

尿管變大圖




圖淋石






式淋石膀胱取割




膀胱引刀器


此下係引刀之路




式淋石膀胱碎夾



割膀胱刀式 銳鈍兩種




器淋石膀胱碎夾




圖淋石開剖



圖平不凹凸淋石



圖累層淋石



圖形各淋沙見所鏡微顯



圖形各小大淋石




圖形各淋沙見所鏡微顯



圖形各淋沙見所鏡微顯



式鉗長淋石取拈



拈此管在石  
出鉗用溺淋



急救証治

救縊死縊死之狀有三、一種頭被繩扭、頸骨脫、脊髓壞、即時死、  
一種纒縊緊密、塞住氣管、呼吸全不通、二三腎昵死、每時一百二十腎昵  
一種纒縊不緊、呼吸略通、頸脈管前二條壓住、後二條因通頸  
骨左右之路不易壓、所以赤血能半入腦、但迴血管被壓、紫黑  
血不能出、妄從耳鼻口眼溢出、昏迷不省、漸死、大約縊過四五  
腎昵者必死、縊未久、毒血未傷腦、心尙跳者、或可救、救法、即時  
將繩割斷、鬆開、平臥、凍水澆面、熱水浸足、熱物擦胃、大概急治  
間有復生者、遲則不救、自縊者多於隱僻之處、不令人知、所以  
十有九死、

救溺死凡人溺水呼吸不通、心不跳、血不流行而死、蓋心肺相  
關、肺不呼吸、則心亦不能跳動、赤血養氣不入、炭氣不出、全體  
之血、皆變紫黑、腦中有毒血、所以神識昏迷、漸致心不跳而死、  
大約心略跳尚可救、心不跳必死、不可據脈爲憑、蓋脈至源於  
心、心略跳則脈至微甚如無、勿遽決其必死也、溺後全沈水底  
者速死、或浮或沈者緩死、救治愈久愈難、全沈水底、過四五腎  
呢猶生者甚少、中土醫書言隔宿尚可救、妄也、或言善泅水者、  
能在水底經過半時、亦妄也、大約半時之內、偶有生者、應盡心  
救治、救法、先將溺者撈起、但不善泅水者、不可入水救人、蓋溺  
者力大、欲假人力而出、勢必牽曳、救者不放、救者力不能勝、恐



反從之死也。應用竹木竿，將溺者鉤起，令頭面先出水，上岸昇至避風處，速解衣服，拭乾全身，乾手擦心胃及手腳各處，更以手壓偏心胃，助氣出入，切勿倒置，希冀出水。蓋其人尚未全死，會厭即氣管口門緊閉，水一滴不能入肺，倒置無益，反速其死也。外用絛被擁蓋，熱水貯器內，大玻璃瓶尤佳置心胃左右腋腿間各處，以暖之一法。塞病者鼻孔，自以口合住病者之口，大氣吹入數次，使病者氣復迴。一法將全身浸入溫水，但露頭面在外，凍水澆灑臥室，常令溫暖，此最妙法。如倉卒無溫水，不能久待，速就日光曝曬，摩擦，無論何法，但能心漸跳，呼吸略通，即可有望。凡救溺，須急速，甦後服熱茶，或少飲酒補精神，後有頭痛發熱等証，

宜服瀉藥

頭昏失魂初起、面白、欲嘔、唇青、頭面有汗、忽然失魂、跌蹶、心不跳、蓋心暴失功用、腦不接血、病原或因驚恐憂愁、或因喜樂無極、或因虛弱久立、或因外傷流血過多、或見醫者割鋸恐嚇、或因他病苦劇所致、治法、令平臥、熱手擦心胷、凍水澆面、顛阿摩尼阿、番藥名見後、甦後服熱飲、或好酒、或樟腦酒數滴補精神、癇証俗名發羊癇、又名羊兒風、忽然跌落在地、昏迷不省、四肢抽搐、口多涎、有時怪聲呼叫、有時自蹈水火、溷廁多致危險、若呼吸不通、卽死、治法、改頸前衣扣、勿令勒住、用筯撬開上下牙、防緊咬舌、過數瞥睏、或一二刻漸醒、未發時、豫用膽礬一二釐、



每日水冲服、更宜服補藥、戒飲酒房勞等事、但全治甚難、平日應防護、勿獨行危地、

救凍死、冬月嚴寒、人冒風霜冰雪、有跌蹶而死者、周身冷硬如冰、剖視腦肺多血停聚、初起凍極欲睡、睡則冷更甚、心漸不跳、呼吸不通而死、治法、昇入房內、解去衣服、用雪水徧擦全體、若無呼吸、醫應以口合病者口、大氣吹入肺、漸軟漸甦、凡救凍死者、若驟入暖室、及用溫水火鑪之類、其人必死、蓋冷與熱相對、傷於湯火者、驟冷則死、傷於風霜冰雪者、驟熱則死、其理一也、有時身未全死、惟耳鼻手足凍如冰鐵、若驟近溫水火鑪之類、卽成死肉証、治法、應先用雪水洗擦、次用凍水、後用溫水、方能

漸迴凡冬月嚴寒冒風雪遠行者耳鼻手足各處宜用獸皮作套包護可免此患切忌半塗坐臥休息必反增劇

救餓死人有飢餓將死者欲救之止宜先令服米湯以次食粥食飯切勿驟令飽食驟飽必死

救霍亂此証嘔吐腹痛一二時卽死急用鴉片膏三四釐樟腦七釐至十釐冰片更佳滾酒和服每一二刻食一次痛止爲度另用

熱水貯器內或土磚炙熱布包置心胃腋下腿凹等處滾水和芥末攤布上貼心胃間能救危急○此外尚有可以擇用者如丁香麝香薄荷白芷蔻八角油桂皮生薑等俱可合服但凡有香膏油之藥止可水冲切勿煎煮蓋煎煮則香散油消毫無功



力矣。

救自刎。凡人自刎傷氣管、不必死。若傷食管及大脈管、一二腎  
呢必死。無救法。有時傷小脈管、血塞住氣管、應將結血取出、綁  
紮脈管、令頭略低臥、用線縫結、割皮三四處、外貼濕布。此証必  
大渴、止渴法、濕布置口中吮之、或用黃酒漱口、食管斷、食入自  
斷處流出、不能入胃、救命有二法。一雞湯、或猪牛羊肉湯、貯大  
水節內、射入胃中、以補之。一法、自肛門用大口管灌入、亦能暫  
延。但此人常宜防備、恐其自戕。二次則難救。

救中炭氣。凡燒炭爐所出之氣曰炭氣。密室內燒炭不通風、或  
多人聚居、屋不通風、亦有炭氣、無水枯井中炭氣尤重。三者皆

能殺人、燒灰處坐臥不可近、若欲浚井、應先縋試以火、火不息、人入不妨、若未試過、浚工冒入、死於井內、觀者不知此理、入井救之、又死、凡救浚工中炭氣死者、應在井上、縋繩入井、絡繫死者手足、或用鉤救出、後用凍水澆面、大力偏留前、呼吸通即活、救虫入耳、即時灌油入耳、虫即死、用鑷拈去之、虫在耳內、令人不安、然不至入腦、因耳中有衣膜隔護也、

救豆入鼻、令小兒閉聚其氣、猛力自鼻間一呼、豆即隨氣而出、如不出、用挖鉤出、或用鑷拈出、久防脹大爲患、

小兒誤吞錢鈕等物、小者過食管入胃、即無妨、多服油潤瀉之、能隨大便而出、有哽在食管者、應用長針拈出、若入氣管、大有



關係一法將小兒倒抱少頃使自欬出若一次不出試二三次可也一法結喉下割開氣管拈出

食物哽喉有時食物哽塞喉管之口忽然變色痛苦治法或用鑷取出或手指深入喉令吐出或助令吞嚥過會厭則無妨若魚骨之類哽喉應令張口引日射照用鑷拈出或吞嚥飯團飴糖等物壓落更妙有時誤吞縫針在喉間能見用鑷拈出有時已入胃復外行皮肉間確知針在何處應割開取出針入肉或針或竹木刺之類深入肉內不能確知所在一法割小口以銀針探知用鑷拈出一法兩三日後當有膿出有膿處卽針所在處可稍割開入鑷拈出

血標流脈管血標流卽時危險應急用手指緊壓以俟醫至救治其餘各種失血治法已詳外傷篇

火傷衣被火焚急宜臥地滾轉以息滅之切勿迎觸風氣說詳湯火傷論

救服鴉片毒人有求死服鴉片膏少或一二錢多或兩許或茶或水或酒攪服一二刻後大嘔者不死不嘔出者必死治法急服精錡嘔散見藥散門一分半至二分熱水和服如倉卒無熱水卽

凍水亦可服後一刻卽欲嘔急飲溫水數碗助嘔無溫水用凍水愈多

飲愈佳但須欲嘔時方可飲水早飲則無益服精錡散有三善嘔吐可必一也嘔吐必速二也嘔不傷人後無他患三也如無



精錡嘔散、用膽礬七釐、至十二釐、水一杯、和服、亦能速嘔、又中  
土嘔藥、甜瓜蒂、皂角之類、亦可酌用、並俟欲嘔時、多飲水、以助  
之嘔、後再飲、再嘔、見嘔出清水、卽不妨、後飲濃茶、脈小無精神、  
少飲美酒、或樟腦桂皮酒、次日身熱困倦、應服瀉藥、或瀉油、凡  
服鴉片後欲臥、應擾喚牽率、不使得寐、中土治此証、每用解毒  
藥、如阿魏之類、不知無論何藥、皆不能改變鴉片、止有嘔吐一  
法、取效最捷也、但初服一二刻、易救、愈久愈難、若就醫已歷多  
刻、昏迷不語、同中風狀、搖動呼喚略醒、藥水入口、能吞嚥者、急  
須嘔藥、若搖動呼喚不醒、不能嚥者、應用大水節、前裝軟長管、  
自喉入胃、水節下承以盆、另有一管、引盆中水、貯水節、射入胃


中約一斤、復將胃中毒水抽出、此器實有回生之功、中土急宜仿造也、後食醋水少許、不令倦寐、並同前法、蓋毒血在腦、失其功用、與癱瘓同理、宜引血下行、凍水澆而熱物熨胃、或芥末貼胃、熱水浸腳、或鼻阿嚏呢亞、或燃紙捲略灸腳以醒之、有時用水節、鴉片不出、或自嘔止出一半、因鴉片已離胃、混入血中、病者似中風、面青唇黑、瞳人或太大或太小、不動、全體癱瘓、無知覺、危險已極、無治法、余主惠愛醫館時、每歲服鴉片毒來求救者、不下百餘人、大概早來就醫、依此法皆可全活、十人中間有二三不救者、因遲來故也、故凡中鴉片毒者、務宜速服嘔藥、如夜晚倉卒無嘔藥、急令多飲溫水、並用手指或雞毛深入喉中、



助嘔切勿遲延爲要


救服信石毒胃變紅熱之極、周圍大炎、痛劇而死、蓋信石毒與鴉片不同、鴉片入血、毒干腦、人卽昏迷不省、信石能令腸胃各處爛壞、神識如常、自知痛苦、救治亦可速令大嘔、服潤物、如粥渣胡麻子之類、食生雞蛋三四枚以潤胃、但少遲卽無救矣、

圖節銅胃入水射



水節入胃救鴉片毒圖

搗藥器




器藥碗



器水藥貯



器璃汽蒸





# 戒鴉片煙癮論

鴉片爲害中國、近年尤甚、華人煙癮、猶番人酒癖、然酒少飲、勿醉、有時能補人精神、吸煙則有大害而無小益、夫鴉片入藥、能止痛、令人熟睡、大有功力、若無病人吸食、以爲戲樂、久則成癮、破家害身、所不惜也、嚴刑峻法、所不畏也、壞風俗、貽親憂、所不計也、華人之說曰、番商販賣、貽害於我、不思利之所在、人爭趨之、番商惟利是圖耳、非有誘害中國之心也、苟華人相戒勿食、番商無從銷售、自無販者、西國除作藥外、無一人吸食、亦從無他國人販載千百箱往售、可知無食者、卽無賣者、一定之理也、考鴉片來中國者、印度爲多、西國仁人、目擊此害、有欲禁止印

度販載來華之議、然終不如華人不食以清其源、余聞華人吸食鴉片、其初多因酬應朋友、漸至習慣成癮、噫、愚之甚矣、今有良友勸縊頸、勸溺水、勸服信石、雖絕交不肯從也、鴉片之害、豈減於縊溺信石哉、何以甘心從之而不悔耶、亦有末路思戒、妄服市肆無益之藥、立志不堅、旋戒旋復、不知戒煙貴乎人自決斷、無專恃藥劑之理、如果有志痛改、雖卽時強戒、亦無妨也、余曩主粵東惠愛醫館、有願戒煙者、必令交出煙鎗、煙具、住宿館內、不得更吸、間有瀉利身不安者、服收斂全補藥、如黃連、礪哪之類、或樟腦、桂皮酒補精神、食牛羊肉、雞子牛乳之類、數日癮不發、卽可戒盡、若身虛不能速戒、可用緩戒法、日減一日、減極




則癰除矣。○凡有煙癰之人，患泄痢外傷斷骨等証，醫治極難，多有不起者，因血稀身虛故也。

四庫全書  
卷四  
七



割肩臂交節圖



割肩臂交節圖



割臂肘交節壞骨圖



割後皮肉  
成兩片

割大臂中段式



割小臂式

刀從黑線  
割出皮肉  
成兩片



小臂割後皮  
肉相連圖



割大指拱式



上下皮內割成兩片



割大指拱式




割大指下節式



割食指下節式




割中指下節式



割中指下節式



骨鉗夾斷指骨式





割食指中節圖




兩指相連圖

應割開



割大指上節圖



駢指圖

應割



食指生脆骨瘤圖



割去食指圖


因生瘤割去



割去中三指圖



割脚交節圖



割脚面骨式



割脚面骨已開式




脚面骨壞

脚面骨割後皮肉相連圖



割足大指壞骨式



骨壞

割肉一片翻轉

割脚掌骨式





刺割大腿式

先刺後割上  
下肉各一片



黑點是割路

式割刺上下骨腿大

割開上  
肉翻轉



刀橫入

式割刺外內骨腿大

割開一  
片翻轉

刀直入




大腿割後綁脈管式



式骨鋸後去割肉腿大

割開兩片  
翻轉鋸斷



割斷皮肉相連圖




小割腿後皮肉相連圖



旋割小腿肉式




小割腿兩邊肉式



割後用木作假脚圖



小割腿兩邊肉式



割足趾交節式





西醫略論卷下

英國醫士合信氏著

江甯管茂材同撰

膏藥門

膏藥有軟有硬、油多則軟、臘多或藥末多則硬、軟者可搽可擦、可貼、輕力敷塗為搽、重推推為擦、硬者止可貼不可搽擦、其法或攤於布、或攤於綢綾、或攤於桑皮紙、有時用鐵片燒令微熱刮攤、茲將各項作法及功用開列於後、

一軟膏藥

黃臘膏藥

黃臘一

或白臘

猪油四

天熱減一〇假如黃臘一兩猪油四斤若黃臘一兩猪油

應用四兩、後所開數率皆準此例推之

入銅鍋內

或磁牙器內、面須光滑

微火熬令融合

能潤皮保護肉牙無毒者可專用若有別項病証另用他藥以此爲主

松香膏藥

黃臘二

松香五

猪油八

或黃臘四

松香

入

猪油十六

微火漸消開布隔濾去渣傾入器內不住

手攪令稠結能助生肉牙貼瘡良

蜜陀僧膏

蜜陀僧三兩

濃醋四兩

豆油

或花生油

九兩

乘

火急攪

此膏能潤皮治火傷及一切痛瘡加鴉片膏更佳

水銀黑膏

濃者色藍故名藍膏

水銀四兩

濃者一斤

猪油一斤

硫黃末

約二

三錢用以助開水銀非用其功力故不須多

入鉢內乳至水銀變黑漸不見爲度

此膏不用火鍊先將水銀入鉢內加入硫黃及黃臘膏藥



三四錢乳至不見水銀成藍黑色加猪油攪和或用牛羊油代黃臘亦能

助開水銀可貼可搽功力解毒樟腦末攪入能散瘰癧疔毒治諸

瘡癰癩凡不生肉牙者宜貼此膏凡膏藥內有水銀忌用銅器收貯

水銀黃膏 水銀二兩 濃硝強水四兩 共入玻璃瓶內水

銀即消有紅氣升出視水銀消盡先將猪油一斤花生油八

兩或豆油亦可貯磁盆或牙盆內忌銅器熬熱次將已消水銀漸漸

傾入微火緩熬以滾爲度再攪半時許勿用銅鐵器攪宜漸

漸凝結色如黃金此膏功用貼潰瘡能生肉牙解毒凡皮

病如癰癩之類搽極效加猪油作淡者膏藥一猪油三搽眼及耳內

生膿亦妙

水銀紅膏 三仙丹一錢 黃臘膏八錢 和勻、能引膿生肉

牙法用石板一塊、或烏木板一塊、將三仙丹黃臘膏俱置板上、用潤刀和勻、

鴉片膏 鴉片膏一錢 猪油八錢 和勻、搽患處、能安皮止

痛、

沒石子膏 沒石子二錢研極細末鴉片膏五分 猪油一兩 攪

和、此膏功專收斂、醫痔瘡脫肛甚效、每用半錢作一粒、手

指搽開、日二次、

兒茶膏 兒茶一錢半 滾水二三錢 黃臘膏藥一兩 此

膏搽腳瘡、天熱出穢水者、極效、

白礬膏 白礬一錢研細末鴉片膏數釐 猪油一兩 攪和 醫



痔瘡極效

鉛粉膏

鉛粉一錢

黃臘膏藥五錢

或猪油

和勻，搽患處，能潤

皮收斂，令熱者涼濕者乾

叮叮伊密的膏

叮叮伊密的一錢

猪油七錢

和勻，每用

半錢至一錢，日擦一二次，能令患處生小膿泡，多粒引炎外出。若有膿泡出，不能再擦，換擦別處。面部宜在耳後鈞膿，勿在前面，恐膿出有疤痕故也。

迦路米膏

迦路米一錢

猪油八錢

和勻，能解毒

與水

銀黃膏，功力略同

如無迦路米，用輕粉研細末，加一倍代之

樟腦膏

樟腦二錢至三錢

鴉片膏半錢

熱油一兩

攪

和 擦交節治風濕痛甚效

挨阿顛膏 挨阿顛三十釐 濃酒三十滴 猪油八錢 和

勻每用半錢日搽一二次能散癰癰諸核如有啤啞咄哪加

胡椒膏 胡椒浸濃酒 猪油等分攪和搽皮能引熱外出

硫磺膏 硫磺末一兩 猪油四兩或熟麻油亦可和勻或助以硝或

助以水銀黑膏能醫癰癰

醫眼膏藥 白礬半錢火燒研極細末 鴉片膏三分 猪油一錢 黃

臘膏藥二錢 搽眼睫有膿者效

各息的膏 各息的同猪油和勻濃淡已見 用極淨磁瓶收貯

備用



斑蝥釣膿膏藥

此膏不軟不硬今附軟膏藥之後

黃臘七兩

牛脂七兩

猪油六兩

松香三兩

微火漸熬融合離火加入斑蝥細

末一斤攪和

一法黃臘松香猪油各四兩微火熬斑蝥四

兩隨入隨攪用松香硬膏剪取略大一塊中攤斑蝥膏藥蓋貼如無松香膏藥外用布巾綁紮不使脫落可也若貼處不平將膏藥周圍旋翦小口即易貼矣小兒貼一二時大人貼四五時後有大水泡翦開令黃水出用潤膏如黃臘膏或猪油之類二三日即愈若仍欲釣膿換貼淡斑蝥膏藥法用斑蝥膏藥一分猪油三四分或換貼松香膏藥隨症酌用可也有貼斑蝥膏藥後小便不利者應食潤物如粥渣胡麻子大

麥水之類

一硬膏藥

蜜陀僧硬膏

蜜陀僧研細末五兩

橄欖油十二兩

如無橄欖油用

花生油或豆油俱可

水八兩

或加醋一二兩

共入銅鍋內微火漸熬攪令

融合離火仍不住手攪候少冷欲凝結掬作團用時火烘熱

鐵片刮下攤布上或桑皮紙上若天冷不粘以火消開加入

松香少許即能粘貼此膏剪條能合傷口並能保護肉牙但

分兩須準此不得任意加減

桑皮紙粵東土語名砂紙

合口膏藥

魚膠一兩用水三兩浸開濃酒三兩共貯碗內置

沸湯中銷化攪和用大筆塗綢綾上或桑皮紙上臨時置滾



水上、熟氣開之、合口甚妙

松香硬膏 蜜陀僧硬膏五兩、松香一兩、或蜜陀僧硬膏三斤、松香半斤、微火熬攪、離火稍停、成團、用綢綾、或洋布、或桑皮紙、平攤剪條、作合口膏、又能治腳瘡爛、若加叮叮伊密的幾釐貼、治風濕、能令皮熱、引病外出、甚妙

水銀硬膏 松香八錢 油九錢 微火熬攪、離火、候涼定、入

水銀二兩四錢、乳至不見水銀爲度、先以蜜陀僧硬膏四兩八錢、用火銷開、將此加入、攪令融和、攤綢綾、或洋布、或桑皮紙上、能散核解毒、治肝脹大、若加啤啦叮哪膏、水銀膏二啤爲率、治乳癰略爛者、止痛解毒尤妙、如無啤啦叮哪膏、用醉仙桃膏亦可

鴉片膏

前列各膏皆用油臘入藥熬鍊而成此後所載係草

木精液或在皮或在葉或在果或在刺有用酒水浸出者有

自流出者膏之名雖同而實則有別也作鴉片膏法用刀

割罌粟殼令汁流出先白色經日曬變黑如泥即中國所稱

鴉片土也用水煮凡作藥所用之水最妙蒸水次雨水次山水其餘汚濁者忌用濾去渣滓

成膏或服或搽能安身止痛

阿囉膏

阿囉或譯為亞羅衣樹名也出印度割開葉有汁流

出曬乾變黑作瀉藥最妙又能調經殺蟲佐以大黃共作一

粒每服七釐至十四釐

卑啦叮哪膏

或專用葉或皮葉果全用板二塊夾榨出汁曬



乾、或火熬乾、作膏、功力止痛、搽眼眶周圍、能開瞳人、或和水滴入、但此藥有毒、止可搽滴、不可內服、

黃連膏 黃連一斤切片、溫水一斤半、浸半日、曬乾、或火熬乾、能補胃、每服七釐至十釐、

醉仙桃膏 用醉仙桃刺八兩、溫水三斤、浸兩時、取出、搗

爛、刺再入水、熬成一斤、曬乾、或火上熬乾、作膏、一法用鮮葉板夾榨出汁、熬作膏、一法花葉子全用、榨汁、或曬乾、或熬乾、作膏、外搽能止腦氣筋痛、開瞳人、此藥有毒、不可內服、

呀囉嘶膏 俗名野苦瓜、割開煮爛、濾去渣、曬乾、作膏、一法

割開去刺、浸入冷水、一日半後、用手在水內搗擠汁出去渣、  
曬乾作膏、能大瀉、每服七釐至十四釐、



丸藥門

凡合數藥而成一丸、須先將各藥研細末、其入乳鉢內、加蜜少許、和勻、勿令偏多偏少、取出置石板上、欲作幾粒、分作幾開搓圓、外用甘草末爲衣、粒有大小、常用者約重七釐可也、

補血丸

鐵鏞二錢

或鐵屑亦可

沒藥一錢

硫黃一錢、牛膽汁

攪和作丸、

每服二粒、早晚服、補身弱、治黃病、

啞囉丸

啞囉膏三錢

大黃末四錢

沒藥二錢

丁香油

數滴

或入角油薄荷油亦可

攪勻作丸、

能補胃、微利、不思食、大便

不爽者宜之、每服一粒至三粒、日服一次、久服則效、

迦路米鴉片丸

迦路米三釐

鴉片一釐

蜜和作一粒、能

解毒去炎治舊風濕 此丸大有功力、迦路米能入血、用鴉

片者、恐其瀉去也、每日服三粒、二三日後、齧略腫、口有涎水、

即止勿服、欲瀉毒每服七厘至一分、一二時後服大黃元

明粉之類助令瀉、中國輕粉亦可用、但不及迦路米之細

耳、如無迦路米、用水銀散代之

椒黃丸 川椒末一分 大黃末二分 黃連膏或蜜亦可 攪和

作丸 能開胃消食 每日飯前半時服一二粒

青礬沒藥丸 青礬末一錢或鐵鏽亦可 沒藥一錢 黃連膏如無

用蜜亦可 攪和為丸 能全補 每服一二粒

青礬薑沒丸 青礬 生薑末 沒藥 等分、用蜜和為丸



每服一粒、日服二三次、能補身弱、並治黃証、

青礬嚙哪丸

青礬

研細末或鐵鏽亦可

沒藥各一錢

嚙哪三十釐

川椒二十釐

用蜜和爲丸六十粒、每服一粒至三粒、

治

身弱、胃不消化、發寒熱、調經、極效、

瀉丸

迦路米十四釐

大黃末五分

丁香油數滴、和勻、作

十粒、每服一粒至四粒

啞囉大黃丸

啞囉二十釐

大黃三十釐

或黃連膏、或蜜、

和作十二粒、

能補胃、消食、微利、

每服二粒至四粒、

飯

前半時服

啞囉嘶丸

啞囉嘶膏半錢

啞囉一錢、大黃末半錢、

丁香

油數滴、和作二十五粒、每服一二粒、能瀉、

輕瀉丸

迦路米三釐

如無以水銀散五釐代之

嚼囉嘶膏七釐

大黃

末五釐

丁香油一二滴、和作二粒

大便微秘色淡、服二

粒、有功力、

如無嚼囉嘶、用大黃亦可

巴豆丸

巴豆油三滴

丁香油四滴

大黃末攪勻、作三粒、

每服一粒、即時大瀉、能治腦炎中風、膨脹、

水銀丸

水銀二錢

甘草末一錢

蜜三錢

乳至不見水

銀爲度

解毒功用同水銀散、能入肝經、佐大黃尤佳、每

服七釐至十四釐



藥散門

以藥作末爲散，不拘金石草木皆是

白礬散 白礬一兩 兒茶二錢 乳作細末 能收斂止血

止瀉，又治婦人血崩，每服七釐至十四釐，溫水調服。

兒茶荳蔻散 兒茶一兩 荳蔻 桂皮各半兩，乳細末，入玻

璃瓶內，勿泄氣，能收斂暖氣，每服半錢至二錢。

桂皮散 桂皮 生薑末各一錢 白荳蔻、葶撥各五分，和作

末，入玻璃瓶內，勿泄氣，能去風暖氣，每服二十釐至三十

釐，滾水和服。

石粉散

石粉一兩

搗石成粉，不經火者爲石粉，無毒，另一種入礬燒成者名石灰，又名礬灰，有毒，不可

用

樟腦二三錢

濃酒消開

其乳作末、擦牙、能止痛去垢、一法用

栝榔燒灰擦牙亦佳

渣臘散

渣臘、番樹名、用根研作散末

渣臘十四釐至二十釐、作瀉藥效、

或佐以迦路米、能殺蟲瀉水、

麥漿粉 麥漿凝結成塊、中土漿衣所用、俗名小粉者、乳極細

末、布包、撲小兒皮爛極效、

鉛散

鉛粉一

濃醋十

攪和、微火消、濾去渣滓、或曬、或火

上收乾、作散、功能收斂、內服止血、每服一釐至三釐、日二次、

溫水和服、或合鴉片膏二釐作丸、每服一粒、

水銀散

又名銀灰散

水銀三錢

石粉五錢

乳至不見水銀為



度 能解毒、去炎、入血、瀉肝膽、  
每服五七釐至十四釐

迦路米散

迦路米

又名洋輕粉、力較水銀更重

每服四五釐至十釐

能瀉、解毒、去炎、殺蟲、水銀能改變身體之毒、但多用妄用則壞血、不可不慎、

精錡嘔散

精錡係金之類、中土無名、因功力專在嘔、故名曰

精錡嘔散、法用精錡礪強水等分、合作散、少用則補、  
每服二三釐

多用則嘔、

每服十五釐至二十五釐

以上迦路米精錡等、番人藥房有販售者、價賤功多、中土不難購買也、





藥水門

作藥水有二法、一滾水冲、略停一二時取用、一火上煮一二刻取用、○凡藥水經歷數日、卽變味不堪用、宜隨用隨作、不必多備、

樟皮水 樟皮二錢 檸檬皮一錢 丁香半錢 八角一二

錢 滾水半斤冲 略停一二刻取用、能補胃、去風、 每服

一兩、日服二次、

兒茶水 兒茶二錢五分 桂皮末五分 滾水半斤冲 能

收斂、止瀉、 每服一兩、日服三四次、

黃連水 黃連二錢切片 佐以樟皮檸檬皮各二錢、如無、卽不用、亦

可

滾水十二兩冲 能補胃、食物不消化、或不想食宜之、

每服一兩、日服二三次、

胡麻子水

胡麻子五錢

甘草二錢

滾水一斤冲

或火

上煮

能潤肺、潤膀胱、溺管、

每服半兩、日服數次、

薄荷水

薄荷葉二錢

丁香一錢

八角二錢

滾水半斤

冲

能治腹痛、去風、

每服一兩

黃連大黃水

黃連大黃各二錢

滾水十二兩冲、過一時取

用

能治便結、並治胃弱、不思食、及食物不消化、

洋參水

洋參三四錢

切

生薑一二錢

切

桂皮末半錢、滾水十

二兩冲、

能補胃、補精神、



大黃水 大黃一二錢切片 滾水半斤沖 佐以元明粉朴

硝 或加生薑少許 能微利每服一二兩

薏苡仁水 薏苡仁一兩 滾水二斤煮至一斤佐以葡萄乾

無花果各一兩甘草五錢能潤肺潤膀胱溺管

鐵水 鐵鏽或鐵末一兩 黃連 生薑各半兩 淡醋十二

兩 攪和浸八一月後去渣每服一錢日三服能補血

麥糠水 麥糠四兩 水一斤 煮至半斤 佐以白糖能潤

肺能潤膀胱溺管

石沒子水 石沒子一兩 水一斤 煮至半斤 能收斂洗

痔瘡脫肛婦人白帶洗陰戶俱宜

石榴水

百榴殼根皮俱可

二兩切碎

滾水一斤

煮至半斤

能收斂、漱口、漱喉、並宜、

內服、能止瀉、每服一兩、日服三四

次、多服能殺扁蟲、從大便瀉出、每服四兩、日再服、

又治

脫肛痔瘡

罌粟殼水

罌粟殼一兩

滾水一斤

煮一刻

用布濾去

渣

能潤外皮

丁香水

丁香三錢

滾水十二兩冲

一時後取用、能補精

神、補胃、治腹痛、因食不消化有風者、

身虛頭痛亦宜、每

服一兩、日二三次、

麥漿水

麥漿半兩至一兩

水十二兩

略煮少頃即取起、



和鴉片膏三四釐 每用四兩貯水節內射入直腸能安

直腸潤肛門

鉛水

用鉛散半錢至一錢

鉛散作法見藥散門

雨水一兩

或用蒸水更佳須至

潔淨

能收斂

治眼証或滴或洗又治脫肛痔瘡並宜用此

洗滌

各息的水

足色銀三兩

濃硝強水一兩六錢

共貯玻璃

器內消融以火熬煉乘熱灌入銅管內能解毒殺浮肉配

水分濃淡三種搽眼良

已見眼証篇

嘔囉防水

此水最易化氣收貯玻璃瓶內應密蓋勿令絲毫

泄氣且光射亦能消耗瓶外須裹護置黑暗處最宜凡割肉

鋸骨脫牙、綁脈管、並宜用之。用法取軟布一塊、摺疊三四層、以此水滴濕、令病者齁之、卽時神昏如醉、少頃、周身鬆放、不動、無知覺、不能言語、或觸之、偶然妄應一二句、繼則酣睡如死、略無所省矣。大約軟弱人齁後、歷一瞥睨卽有此境、壯健人稍緩、須三四瞥睨也。齁後觸試不知痛、卽可割鋸綁紮、若未畢已醒、可以再與齁之。但此水可齁、不可飲、齁亦不可過度。若多齁、卽時中風不醒、脈緩、心不跳、瞳人大、呼吸漸微、危險之至、不可不慎。若少少齁之、旣令病者神昏忘痛、又能寬鬆骨肉、少頃醒還如常、毫無妨害、實第一妙用奇方也。



藥酒門

酒須極濃、方堪入藥、試以樟腦浸入、能消化者可用、若不能消化、樟腦必攪入水多之故、卽不可用、凡以藥浸入酒中、須先研作細末、易於融合、浸入後、置玻璃瓶中、蜜蓋、勿泄氣、常搖動、令勻和、十日後取出、濾去渣滓、備用、

樟腦酒 樟腦一兩 濃酒八兩 擦風濕

樟腦鴉片酒 樟腦六分 鴉片膏一錢 濃酒一斤半 八

角油 如無不  
用亦可 七日後、濾去渣、取用 止咳嗽、令人安臥止痛

甚效、每服一錢至二錢、

鴉片酒 鴉片膏八錢 桂皮末 丁香末 各一錢、淡酒十

二兩內服止痛、令人安臥、每服十滴至四十滴、滴入眼內

治舊炎

已見眼証論

並治耳膿牙痛

斑蝥酒

斑蝥三錢

濃酒一斤半

能補膀胱軟弱無力、潤

小便、治流白濁、及婦人白帶舊証、

加入樟腦酒及油、又宜

搽風濕

椒酒

胡椒

皮子全用

四錢搗爛

酒十二兩

浸十四日、每服十

滴至四十滴、

能補胃、喉痛、失音、不能嚥者、用溫水和此酒

漱之良

兒茶酒

兒茶三兩

桂皮末二兩

酒一斤半

浸八七日

至十四日

能收斂

治久瀉、久痢、流白濁、每服一錢至二



錢、黃連水和服、

桂皮酒 桂皮末六錢 白豆蔻三錢 葦撥 薑末各二錢

酒一斤半 能補火、補精神、暖氣、開胃、 每服一錢至三錢、溫水和服、又治風濕、

黃連酒 黃連一兩五錢 樟皮五錢 白豆蔻五錢、酒一斤

半 浸入十四日 能補胃、開胃、食物不消化、不思食者、宜之日服一錢至三錢、溫水和服、

挨阿顛酒 挨阿顛一錢 酒一兩 大筆點搽頸核瘰癧、及一切癰癩、此藥能解毒、但不可服、

治牙痛酒 鴉片膏一錢 濃酒二三錢 丁香油十五滴、攪

和漱淨口、用縣花浸此酒壓牙孔、能止痛

大黃酒 大黃二兩 甘草六錢 生薑三錢 濃酒一斤半

每服一錢至三錢、能暖胃、多服四錢至八錢、能微利 老人虛弱人並宜、

鐵酒 鐵鏞或鐵屑四兩 鹽強水或硝強水半斤 酒一斤

先用強水消鐵末、後用酒和、能補血、治黃症、及小便難、每服十滴至六十滴

信石酒

信石白者佳 三釐 濃酒二錢 滾水一兩四錢 每

服一錢至一錢五分、日再服、能全補、並治發寒熱、服後腹痛、止勿服、此藥大毒、不可多服、



斑蝥椒樟酒 斑蝥末 青蒜各一錢 樟腦 芥末川椒各  
四錢、共搗爛、濃醋四兩八錢 濃酒九兩六錢 攪和、浸  
七日、濾去渣滓、取用 擦皮肉交節、日二次、能引病外出、最  
妙、





藥油門

八角油 用八角刺蒸釀如造酒法能補精神治風止腹痛

每服三四滴至十滴蜜水和服小兒初生服一二滴良

薄荷油 或專用薄荷葉或全用蒸釀如前法能補精神去風

止腹痛每服一滴至三四滴

丁香油 用丁香蒸釀如前法止腹痛去風潤腸

以上三種功用略同皆暖氣之品也

草麻子油 草麻子能瀉用油更有功力取油法或榨或泡榨

者良小兒每服一二錢或三四錢大人每服五六錢或八錢

必能速瀉此雖瀉藥然服後無關係無論大人小兒或婦

人產後大便難皆可服。若嫌氣味，用雞蛋白攪和可也。

樟腦油 一種割樟樹自有油流出，一種用樟腦二三錢熱油一兩浸攪，擦風濕手足痛，日二次良。

巴豆油 用巴豆刺蒸出，或榨出，每服一滴至三滴，蜜湯和服，服後一刻或半時必大瀉。


潤皮油 雞蛋白一二個，蜜，胡麻油各八錢，攪和，搽皮爛最宜。



啤啦咁哪圖



圖桃仙醉



殼內四子  
外有刺

啊囉樹圖



草麻子圖



殼內三子  
外有刺

野菊花圖





瓜野名 圖嘶囉呀

山  
竹  
類  
竹  
類




山竹類



山竹類


山竹類



山竹類












蓮花圖



牡丹圖



蘭花圖




金雞納樹圖



螞蟥圖




中國地圖



自序

卷一



罌粟花圖



渣臘圖



兒茶圖




金雞哪圖



中國斑蝥圖



中國蝨蟲圖



身有金黃  
點者佳

蝨口有  
牙甚利  
能刺吮  
八肉



# 西醫略論

THE  
FIRST LINES  
OF THE  
PRACTICE OF SURGERY,  
IN THE WEST.

上卷 FIRST PART.

TABLE OF CONTENTS, IN CHINESE AND ENGLISH.

論學	總論	醫學	醫中	A general discourse on the Healing Art.
論	證	西病	審藥	Eastern and Western practice compared.
	論	物物	食物	On the symptoms and diagnosis of disease.
	論	有論	病致	On the nature and properties of medicines.
論由	論	論	炎	Diet and Regimen.
	論	論	膿	On causes of disease.
	論	論	潰	Inflammation.
	論	論	死	Suppuration and Abscess.
論	證	論	湯	Ulceration and Ulcers.
	論	論	傷	Mortification.
	論	論	外	Burns and Scalds.
	論	論		Wounds, including incised, contused, gun-shot wounds, and hæmorrhage.

論囊血跳管脈	Aneurism.
論瘤	Tumors.
論疽	Cancer.
論証熱	Fever.
論瘧	Ague.

## 中卷 SECOND PART.

論証骨	On diseases of the Bones.
論証節	Diseases of the Joints.
論總骨斷	On Fractures.
論斷折骨	Particular Fractures.
論脫骨	Dislocations.
証脫骨	Particular Dislocations.
論傷腦頭	Wounds of the head and brain, including fracture, compression, apoplexy and paralysis.
論証炎腦	Inflammation of the Brain.
論証腦病	Ditto. in Children.
論証眼	Injuries of the Spinal chord.
論証耳	Diseases of the eye and eyelids.
論証鼻	Diseases of the outer ear.
論証口	Diseases of the nostrils.
傷外	Diseases of the mouth and tongue.
傷外	Wounds of the Chest.
傷外	Wounds of the Abdomen.
証病	Diseases of the Breast.
証証	Hernia.
証証	Diseases of the Anus.
証証	Diseases of the Urinary organs.
治証	Diseases of the Scrotum, Hydrocele.
治証	Casualties including Hanging, Drowning, Poisoning, &c.



CLASSIFICATION  
OF  
MEDICINAL AGENTS,  
WITH THE  
NAMES OF MEDICINES USED IN THIS WORK.  
IN CHINESE AND ENGLISH.

下卷 THIRD PART.

藥補類一第 TONICS.

藥	神	腦	補	Stimulating tonics.
	藥	胃	補	Stomachics.
	藥	補	全	General tonics.

藥之血減類二第 DEPRESSANTS.

藥	汗	發	Diaphoretics.
	藥	吐	Emetics.
藥	小	利	Diuretics.
	藥	輕	Mild aperients.
	藥	重	Strong aperients.
	法	放	Removing blood.
法	藥	行	Do. water.
	藥	消	Do. phlegm.

散瘀血藥法  
祛風藥法  
Removing effused blood.  
Do. air.

---

### 第三類 藥 欬 ASTRINGENTS.

---

欬汗藥法  
欬大藥法  
欬血藥法  
Restraining perspiration.  
Do. internal secretions.  
Styptics.

---

### 第四類 藥 雜 MISCELLANEOUS CLASS.

---

止痛藥  
止癢藥  
殺蟲藥  
解毒藥  
潤柔藥  
Diminishing pain.  
Do. irritation.  
Destroying worms  
Alteratives.  
Demulcents.

---

### 第五類 藥 之 治 外 EXTERNAL REMEDIES.

---

引血藥法  
釣膿藥法  
炙法  
針法  
刀腐藥法  
去潤藥法  
Rubefaciants.  
Counterirritants.  
Cautery.  
Cutting and acupuncture.  
Escharotics.  
Fomentations.

---

### 膏 藥 門 OINTMENTS, &c.

---

黃臘膏  
松香膏  
Simple ointment.  
Resin ointment.



膏的

膏哪

Blister plaster.  
Litharge plaster.  
Sticking plaster.  
Do. Resin plaster.  
Mercurial plaster.

門藥丸 PILLS.

丸血補

丸	羅	啞	Compound Aloes pills.
片	米	路	Calomel and Opium pills.
鴉	丸	黃	Compound Rhubarb pills.
藥	沒	礬	Iron and Myrrh pills.
丸	沒	礬	Tonic pills.
丸	哪	礬	Sulphate of iron and Quinine pills.
丸	黃	大	Purgine pills.
丸	丸	嚙	Aloes and Rhubarb pills.
	丸	嚙	Compound Colocynth pills.
	丸	瀉	Mild aperient pills.
	丸	豆	Croton-oil pills.
	丸	銀	Mercurial pills.

### 門 散 藥 POWDERS.

散	白	Compound Alum powder.
散	兒	Compound Catechu powder.
散	桂	Compound Cinnamon powder.
散	石	Compound Chalk powder.
散	渣	Jalap powder.
散	麥	Starch powder.
散	鉛	Acetate of Lead powder.
散	銀	Mercury and Chalk powder.
散	米	Calomel.
散	嚙	Zinc vomiting powder.

### 門 水 藥 INFUSIONS, &c.

水	樟	Compound Orange-peel infusion.
水	兒	Compound Catechu infusion.
水	黃	Compound Gentian infusion.
水	胡	Compound Linseed infusion.
水	薄	Compound Mint infusion.



水黃大連黃	Gentian and Rhubarb infusion.
水參洋	Foreign Ginseng infusion.
水黃大	Rhubarb mixture.
水鐵	Iron mixture.
水仁苡	Decoction of Pearl barley.
水子糠	Decoction of Bran
水沒石	Decoction of Gall-nuts.
水櫛石	Decoction of Pomegranite.
水殼粟	Decoction of Poppy heads.
水漿麥	Solution of Starch.
水的息	Solution of Lead.
水的水	Solution of Caustic.
水叻羅	Solution of Sulphate of copper.
	Chloroform.

### 門酒藥 TINCTURES, &c.

酒腦樟	Camphor Drops.
酒鴉腦樟	Paregoric.
酒片鴉	Wine of Opium.
酒斑	Tincture of Cantharides.
酒椒	Tincture of Capsicum.
酒茶兒	Tincture of Compound Catechu.
酒皮桂	Tincture of Compound Cinnamon.
酒連黃	Tincture of Gentian.
酒顛阿	Tincture of Iodine.
酒黃大	Tincture of Compound Rhubarb.
酒鐵	Tincture of Iron.
酒石信	Tincture of Arsenic.
酒樟椒	Rubefaciant Liniment

### 門油藥 OILS.

油角八	Aniseed oil
油荷薄	Peppermint oil.

油	丁	Oil of Cloves.
子	草	Castor oil.
油	巴	Croton oil.
油	樟	Camphor Liniment.
油	潤	Mollifying Liniment.
油	幾	Kreosote.
油	橄	Olive oil.
油	豆	Bean oil.
油	花	Ground-nut oil.
水	強	Sulphuric acid.
水	強	Nitric acid.
水	強	Muriatic acid.
臘	黃	White and Yellow wax.
	銀	Quicksilver.
	粉	Iron filings.
	蔻	Nutmeg.
	薑	Ginger.
	生	Long pepper.
	華	Cardamoms.
蔻	豆	Mustard.
蒂	末	Stems of Sweet melon.
苓	瓜	China root.
	扶	Borax.
	沙	Nitre.
粉	明	Glauber Salts.
沙	呢	Magnesia.
啞	哪	Soda.
	哪	Ammonia.
	哪	Cinchona.
	哪	Quinine.
的	息	Nitrate of Silver.
	替	Blue vitriol,—Sulphate of copper.
	替	Green vitriol,—Sulphate of iron.
散	嘔	White vitriol,—Sulphate of zinc.
	嘔	





















Author ~~Ho~~ Ho (Hsin-shuh)  
Published by the Gen-chi  
Drug Store.  
Shanghai. 1857



Yale

Stei 2


Rich

Shuo

2974

General Practice on medicine  
Surgery & Medicine.







HO (HSIN-SHIH).

2974. Hsi I lüeh Shuo. (The First Lines of the Practice of Surgery, in the West.) 1a. 8°. *Shanghai*, 1857.

In Chinese; with numerous illustrs. The English title precedes the table of contents, which is in both languages and which includes a 'Classification of medicinal agents'. Inserted: letter from the donor, Mr. Everard Meynell.